

წართაყლი
ქალხაყლი
ბლანკეტი



შვერებილი
თედო

რამიუამვიდის მეუ





საწყალი კაცის ამბავი.

იყო და არა იყო რა, იყო ერთი საწყალი კაცი. დადიოდა გზებზე და იძახოდა: ჭკუა მაქვს და სარჩო არაო, ჭკუა მაქვს და სარჩო არაო.

გაიგონა ერთმა სოფდაგარმა და იფიქრა: მოდი ერთი, ორას-სამასი თუმანი ვითომც წყალში გადამიყრია, ავიღებ, მივცემ მაგ კაცს, და, აბა, თუ ჭკუა აქვს, მაშინ გამოჩნდებაო.

სოფდაგარმა დაიბარა ეს გლეხკაცი, მისცა ორასი თუმანი და უთხრა: აი, ახლა სოფდაგრები საეაქროდ ემზადებიან და შენც უნდა წახვიდე იმათთან და ივაჭროო.

კარგო, უთხრა საწყალმა კაცმა.

ეს კაცი როდესაც სოფდაგრებთან მივიდა, იმათ დაცინვა დაუწყეს, შენმა მზემ, შენს ალას ერთს ოთხად მოუტან!.. რამ გააგიჟა ის სოფდაგარი და რამ მიაცემინა ამისთვის ფულიო.

საწყალმა კაცმა ჩაიცინა თავისთვის. სოფდაგრები მალე გაემგზავრნენ საეაქროდ და თან გაჰყვა ეს საწყალი კაციც. ზღვასთან რომ მივიდნენ, სოფდაგრები ხომალდებში ჩასხდნენ.

ამ საწყალმა კაცმა კი სთქვა, არა, ძმობილებო, მე ზღვას ვერ ვენდობიო.

იყიდა ერთი პატარა ნავი, ჩაიდგა სამი-ოთხი ტომარა ჩამიჩი, ჩაჯდა და კიდის ახლოს დაიწყო ცურვა, თან ჩამიჩს სჭამდა. ერთ მუჟა ჩამიჩს რომ შეჭამდა, მეორეს ზღვაში გადაჭყრიდა. საწყალი კაცის ნავს გარს თევზები ეხვივნენ და გაჩქარებით ჰყლაპავდნენ ტკბილ მარცვლებს. ასე დიდხანს აჭამა მან თევზებს ჩამიჩი: მე რო ვჭამ, სხვებმაც ჭამონო, ამბობდა ის.

ბოლოს თევზებმა სთქვეს, ეგ რო ხმელეთის ნაყოფს გვაჭმევს, მოდით, ჩვენ ზღვის სიმდიდრე გადავუყაროთ, იქნება გამოადგესო.

თევზები ზღვაში დაუურყუმლავდნენ და ცოტა ხნის შემდეგ ამოიტანეს თვალ-მარგალიტი, რომელიც კიდეზე მთასავით ააგეს. საწყალმა კაცმა იფიქრა: ჩემი ამხანაგები რო მოვლენ და ამ სიმდიდრეს ნახავენ, მომკლავენ და წაიღებენ, თუ არაფერი ვიღონო.

აღვა ეს კაცი, აილო ნეხვი, გააკეთა ჯამებივით, ჩაყარა შიგ თვალ-მარგალიტი, ზევითაც ნეხვი დააფარა და ისე გაახმო წივად. რაკი ნეხვი გახმა, ამ კაცმა აილო, ჩააწყო ყუთებში და ოთხი საპალნეც ცარიელი წივა შეჭკრა.

მოვიდნენ სოვდაგრებიც. ზოგს მაუდი ეყრდა, ზოგს ფარჩა, ზოგს რა და ზოგს რა. სოვდაგრებმა რომ ნახეს საწყალი კაცი და იმის წივა, დაუწყეს თავში ცემა: შე ოხერო, თუ შენი თავი არაფრად გეზოგებოდა, აღას ფულებს მაინც გაუფრთხილდებოდი, რად გინდოდა, ნეხვი რო აქედან არ წაიღო, ჩვენ ქალაქში კი ცოტა არისო?!

საწყალმა კაცმა უთხრა, მე ეს მინდოდა და ეს ვიყიდე, თქვენ, რაც გინდოდათ, ის ივაჭრეთო. შეკაზმა აქლემები, ჯორცხენები, აჭიდა ეს საპალნეები და გაუდგა გზას.

მთაზე სოვდაგრებს თოვლი მოუვიდათ. საწყალმა კაცმა მოჰხადა ორი წივიანი საპალნე, გაახურა ცეცხლი, შემოუმწკრივა ირგვლივ აქლემები, ყუთები და თვითონაც ჩამოჯდა. დაიყინენ სოვდაგრები და დაუწყეს ხვეწნა წივის პატრონს, ერთი ორიოდ საპალნე წივა გვასესხეო.

წივის პატრონმა ცივი უარი სტაცა, თქვენცა გაქვთ საქონელი, გადმოიღეთ, დაწვიეთ და გათბითო.

სოვდაგრებმა კიდევ დაუწყეს ხვეწნა, აბა, როგორ დავწვით ეს საქონელი, გვასესხე წივა და ქალაქში თუნდა ერთს ხუთად მოგცემთო.

წივის პატრონმა უთხრა, მაშ კარგი, თქვენ ხელწერილი მომეცით, რომ ჩემგან ისესხეთ ორი საპალნე იმ წივისა, რაც ჩემს აქლემებს ჰკილია; მე მეტი არ მიხდაო.

სოვდაგრებმა სიხარულით მისცეს ხელწერილი და გულში კი ლანძღავდნენ. როდესაც ქალაქს მიუახლოვდნენ, სოვდაგრებმა კაცები გაგზავნეს ქარვასლების დასაქირავებლად. წივის პატრონის აღას კი შეუთვალეს, შენს ჭკვიანს კაცს ნეხვი მოაქვს შენი ორასი თუმნისაო.

აღას საწყალი კაცისაგან წინათვე ჰქონდა ნათქვამი, რომ სანამ შენი თვალით არ ნახო და შენით ყურით არ გაიგონო, ნუ დაიჯერებ, თუ ჩემზე რამე გითხრან,—ცილისწამება იქნებაო.

საწყალმა კაცმა გამოუგზავნა აღას კაცი და შემოუთვალა, რაც კარგი ქარვასლა არის ქალაქში, ის დაიქირავეო.

დაიქირავა საწყალი კაცის აღამ ერთი დიდი ქარვასლა და მოლოდინი დაუწყო თავის მოვაჭრეს. მალე მოაყენა საწყალმა კაცმა წივით დატვირთული აქლემები ქარვასლას და კაცებს უბრძანა ჩამოეხადნათ საპალნეები. აღამ ნახა, რომ იმის „ჭკვიანს“ მართლა წივა მოუტანია, და გული დასწყდა, მაგრამ მაინც რალაცას ელოდა და არაფერს ამბობდა.

როდესაც დაღამდა, აღამ ეს კაცი სახლში წაიყვანა: წავიდეთ, პური ვჭამოთ, დაისვენე და მიაშბე, რა გაჭყიდე, რა იყიდეო. საწყალმა კაცმა ორი ნაჭერი წივა აიღო, გაახვია ერთ ხელსახოცში და წავიდნენ.

როდესაც ვაზშამზე დასხდნენ და აღა სანთლისთვის გავიდა, საწყალმა კაცმა ერთი წივა გადატეხა და თვალ-მარგალიტი კი გაბღღვინდა. სახლი მზესავით განათდა. გამოვიდა აღა და გაკვირვებულს თვალეები დაჭყეტილი დარჩა. საწყალმა კაცმა უთხრა: აი, ეს მოვიტანე და იმ სოვდაგრებს

ამ წივისა ორი საპალნე მართებთ, წავიდეთ, ხელმწიფესთან ვუჩივლოთ და წავეართვათო.

მართლაც, გასწიეს ხელმწიფესთან; საჩუქრად მიართვეს, ერთ წივაში რაც თვალ-მარგალიტი იყო. საწყალმა კაცმა იჩივლა, მე და ის სოვდაგრები ერთად ვმგზავრობდით, გზაზე თოვლმა მოგვასწრო, იმათ ჩემგან ორი საპალნე წივა ისესხეს, ხელწერილიც მომცეს და ახლა კი აღარაფერს მაძლევენო.

ხელმწიფემ მაშინვე დაიბარა სოვდაგრები და უთხრა, ამ კაცისაგან ორი საპალნე წივა გისესხებიათ, ხელწერილიც მიგიციათ და ახლა კი აღარ აძლევთო.

სოვდაგრებმა გაიცინეს და ხელმწიფეს მოახსენეს, მაგ საწყალს ჩივილი რად უნდოდა, ნებეს თუნდა ერთს ხუთად მივცემთო.

ეს ნებეს კი არა, ამისთანა წივასა გთხოვთო, უთხრა ხელმწიფემ და აჩვენა თვალ-მარგალიტით სავსე წივა.

სოვდაგრებმა უარი სთქვეს, ჩვენ მაგისთანა წივა არ გამოგვირთმევია, მაგას ეგ ერთი წივა ჰქონია თვალ-მარგალიტით სავსე და ახლა სურს, ჩვენ ორი საპალნე მივცეთო.

საწყალმა კაცმა ხელმწიფეს მოახსენა:

დიდებულო ხელმწიფევე, კაცები გამომაყოლენ, ყველა წივას სათითაოდ დავამტვრევთ, სოვდაგრებიც იქ იქნებიან, და თუ ყველაში თვალ-მარგალიტია, ხომ უნდა გადამიხადონ, თუ არ არის, მე თავი მომჭერთო.

ხელმწიფემ კაცი გააყოლა. სათითაოდ დაამტვრიეს ყველა წივა, ყველა თვალ-მარგალიტით იყო სავსე. რალას იზამდნენ სოვდაგრები? მათი სარჩო-საბადებელი ნახევარი საპალნე წივის ფასიც არ გამოვიდა და ამ საწყალმა კაცმა ეს სოვდაგრებიც მონებად წაიყვანა.



შ ის ა ს ო ს ზ ლ ა ვ ა რ ი

იყო და არა იყო რა, იყო ერთი დიდებული ხელმწიფე, ჰყავდა სამი ვაჟი და სამი ქალი.

როდესაც ხელმწიფე კვდებოდა, შვილებს უანდერძა: შვილებო, ეს მთელი ჩემი სახელმწიფო თქვენთვის დამილოცნია; როგორც გსურდეთ, ისე მოუარეთ. მაგ სამს ცოდვის შვილს კი ნუ გამიუბედურებთ,—ვინც პირველმა გთხოვოთ, იმას მიეცითო:

ამასთანავე უმცროსს შვილს მისცა ერთი თვალი და უთხრა, რომ უბედურების დროს დაგიხსნისო. შვილებს აჩვენა ერთი შავი მთა და უთხრა: იმ მთაზე ნუ წახვალთ წითელსი და თეთრ მთაზე კი შეგიძლიათ ნადირობაო.

მოკვდა ხელმწიფე. დამარხეს, როგორც ხელმწიფეს შეფერებოდა, და იგლოვეს.

გავიდა ორი თვე. ერთ დღეს, კარებზე რომ დიდი ქვა იდო, იმაზე ბუ შემოჯდა. ძმებს კაცი შეუგზავნა და სთხოვა და ცოლად.

ძმებმა, უფროსმა და შუალამ, კეტებს მოაველეს ხელი, წაეთრიოს იქვე, საიდანაც მოთრეულა, ჩვენს დას ბუს როგორ მივცემთო.

უმცროსმა ძმამ კი მოაველო უფროსს დას ხელი: მამის ანდერძს ვერ გავტებხო, და მისცა ბუს.

ბუმ შეისვა მხრებზე ქალი და გაუდგა გზას.

მეორე დღეს მოვიდა მგელი. უფროსმა ძმებმა ისეთივე პასუხი მისცეს, როგორც ბუს. უმცროსმა კი გამოუყვანა და და მისცა.

სიტყვა რაღა გავაგრძელოთ, მესამე დღეს შავარდენი მოფრინდა და უმცროსმა ძმამ უმცროსი და მისცა. შავარდენმა შეისვა ქალი და ღრუბლებში აფრინდა.

რაკი დები გაათხოვა, უმცროსმა ვაჟმა იფიქრა, მამის ეს ერთი ანდერძი ხომ არ გავტებე, მოდი და ერთი იმ შავ მთაზე კი წავალ და ვნახავ, რა არის იქ ისეთი, რომ კაცის მავნებელი იყოსო.

მართლაც ადგა, ჩაიხედა ჯაკვი, აისხა აბჯარი, შეჯდა ცხენზე და გასწია სანადიროდ. მთელი დღე ინადირა შავ მთაზე, ვერსად სულიერი და ვერსად მცენარე ვერა ნახა, ვერც ვერაფერი მოკლა. იმ ღამეს იქ დადგა.

მეორე დღეს იარა კიდევ და ბოლოს ერთი ტბა ნახა. შუა ტბაში ერთი ბატი დაცურავდა. კაცს ეგონებოდა, ან ფეხები ექნება დამტვრეული და ან მხრებიო.

ვაჟმა იფიქრა, რადგან სხვა ვერაფერი მოკვალ, ვეცადები, ეს ბატი მაინც მოვკლა, თორემ შიმშილი ყელს ამომწვავსო. ვაჟმა ტბას მიაშურა და ბატს თოფის სროლა დაუწყო, მაგრამ ვერ მოარტყა. თოფის გასროლაზე ის ჩაყურყუმელავდებოდა, აქა და იქ, შორს სადმე აღმოჩნდებოდა. ვაჟმა იმდენი ესროლა, რომ ტყვია-წამალი სულ გაუთავდა, მაგრამ მაინც ვერ მოარტყა. ბოლოს შეჯდა ცხენზე და გამოუდგა ცხენდაცხენ დასაჰერად, მაგრამ ბატი ისე ეშმაკურად დაცურავდა, რომ ეშმაკიც ვერ დაიჭერდა: ხან წინ გაუტურდებოდა ცხენს, ხან უკან მოექცეოდა, ხან ფეხქვეშ, ხან შორს გაუტურდებოდა. ბოლოს ბატმა ვაჟი ტბაში კარ-

ვა შორს შეიტყუა. უცებ ცხენი და კაცი ჩაიღუპა ტბაში. რალაც განგებით ვაჟი უკან გამოცურდა; მაგრამ ცხენი და აბჯარი სულ იქ დარჩა. ტბიდან ვაჟი გაწუწული და მშიერი გამოვიდა. ის იყო ღამდებოდა კიდევაც. შორს, სადღაც ტყეში ცეცხლი გამოჩნდა. ვაჟმა გასწია ცეცხლის შუქზე. იარა, იარა და ბოლოს ბუების სოფელში მივიდა. ბუე-ბი ხნავდნენ და თესავდნენ. ვაჟი მივიდა იმათთან და მიესალმა:

— გამარჯობათ, ბუებო, ბუს ქვეყნისანო! ან სალამი, ან გამარჯვება არ იცით? ან ბატონი არა გყავთ?

ბუები კაცები ყოფილიყვნენ, მაგრამ ბუების ტყაეები კი ეცვათ.

— გამარჯვებაც ვიცით და ბატონიც გეყავს! — უპასუხეს ბუებმა. — ჩვენმა ბატონმა ახლა ამომავალი ხელმწიფის ქალი მოიყვანა და ყველანი გახარებულნი ვართ!

— აბა ერთი მაჩვენეთ, სად არის თქვენი ბატონის სახლი, — უთხრა ვაჟმა.

ერთი დიდი ღამაში სახლი უჩვენეს. ვაჟმა გასწია მეფის სახლისაკენ და შორიდანვე იცნო თავისი უფროსი და. და ჩამოეგება ძმას, გადაეხვია და კოცნა დაუწყო. დასხდნენ ტკბილად და ერთმანეთს ამბავი გამოჰკითხეს.

სალამო რომ მოახლოვდა, დამ უთხრა ძმას: ძმაო, ახლა შენ სხვა ოთახში უნდა გახვიდე. ბუთ ბატონი რომ მოვიდეს, ვაითუ ან კლანჭი გამოგკრას და ან ნისკარტო.

სალამოზე მოვიდა ბუ. გადიძრო ბუს ტყავი და გამოჩნდა მშვენიერი ვაჟაკი. ცოლს რომ მიესალმა, უთხრა, სულიერის სუნი მომდისო!

შენ იფრინე ქვეყანაზე, შენ მოგვებოდა კაცის სუნი, აქ სხვას რა უნდოდაო, უთხრა ცოლმა.

შემდეგ ცოლმა ჰკითხა:

— ახლა რომ აქ ჩემი ძმა იყოს, რას უზამ?

— უფროსს და შუალა ძმას თვალებს გამოეჩიჩქნი, უმცროსს კი გადავეხვევი და ვაკოცებ.

— აქ არის ჩემი ძმა,—უთხრა ცოლმა და გამოუჩინა უმცროსი ძმა.

ბუ გადაეხვია თავის პატარა ცოლისძმას და კოცნა დაუწყო, ბოლოს მოსელის მიზეზი გამოჰკითხა. ვაჟმაც ყველაფერი უამბო, რაც დაემართა. ბუმ უთხრა:

— მე სამი წელი ვდიე იმ ბატს,—ის ბატი ქალია,— მაგრამ ხელთ ვერ ვიკდე და აბა, შენ რას დაიქერდი?

— მაშ ვერაფერს გავხდები?—ჰკითხა ვაჟმა.

— მე ვერაფერს გიშველი,—უთხრა ბუმ,—და იქნება მეგელი დაგეხმაროს.

ვაჟი მგელთან მივიდა. მგელმაც უთხრა, ორი წელი ეცდილობდი იმის დაქერას, მაგრამ ვერაფერს გავხდი. იქნება შავარდენი დაგეხმაროსო.

ვაჟი წავიდა შავარდენთან. შავარდენმაც დიდი სიხარულით მიიღო. როდესაც ცოლისძმამ უამბო თავისი თავგადასავალი, შავარდენმა უთხრა, მაგ ბატს ტყუილად სდეგ; ეგ ბატი მზეთუნახავია და ბატის ტყავით დაცურავს. მე ერთი წელიწადი ვდეგდი მაგ ბატს; ცაზე ავიდოდი, იქიდან დავიხუვლებდი, მაგრამ ბატი, როგორც კი დაინახავდა მხრის შენძრევას, ტბაში ძირს ჩაცურდებოდა. იმას ვერავინ დაიქერს. ერთი დევია, მას ცალი გვერდი გამხმარი აქვს და ცალი სალი. თუ ეცოდინება, იმას ეცოდინება იმის გარემოებაო.

ვაჟი მაშინვე წავიდა იმ დევთან. ბევრი სიარულის შემდეგ, დაინახა, რომ ერთ გორაზე ხესავით უზარმაზარი კაცი აყუდებულა. ვაჟმა მოუარა დევს გამხმარი გვერდიდან და უთხრა:

— გამარჯობა, მამავ!

— აქეთ მოდი,—უთხრა დევმა,—მამობა რომ არ გეთქვა, შენი საქმე ცუდად იქნებოდა. რა გაგიჭირდა, რომ ჩემთან გაბედე მოსვლა?

ვაჟმა უამბო თავის თავგადასავალი.

დევმა უთხრა:

— მე დევების ხელმწიფე ვიყავ. რვა ცოლი მყავდა, მაგრამ, რადგანაც ეგ ბატი ლამაზი ქალი იყო, მაგის მოტა

ცებაც მოვიწოდებ. აქედან იმის სახლი კარგა დიდ მანძილზეა; ღამე ტბიდან სახლში ბრუნდება. მივედი იმის სახლში და დავიშალე. მინდოდა მოტაცება, მაგრამ გამიგო; ამიტება ქარი და სეტყვა, გამოვექეცი. ის იყო იმის საზღვარს უნდა გადმოვსულიყავი, ერთი ფეხი ჩემს მიწაზე შედგა, რომ დამკრა ქარი და გამაქევა. ახლა ვინც იმ ქალთან მივა, თუ სტუმრულად არის, ქალი არაფერს ეტყვის; ვისაც იმისი ცოლად შერთვა უნდა, მან სამი სიტყვა უნდა ათქმევინოს და იმას გაჰყვება ცოლად; თუ ვერ ათქმევინა, თავს მოსჭრის. ნეტავი მე კი გავექევავებინე და ჩემს მიწაზე ფეხი არ გადმოვდგა. რომ ტანჯვას მოვრჩენილიყავი!

ვაჟმა მადლობა გადაუხადა და გზას გაუღდა.

იარა, იარა და მივიდა იმ ქალის სახლში. შევიდა და წამოწვა ტახტზე იმედით, რამდენი ზღაპარი და ლექსი ვიცოგანა ვერ ვათქმევინებ რასმეო.

სალამოზე მოვიდა ქალი და დაწვა ვაჟის პირდაპირ. ქალი ისეთი ღამიანი იყო, რომ ვაჟს სულ დაავიწყდა, თუ სადმე ან გაეგონა, ან ენახა რამე.

მიდიოდა დრო და ვაჟი მაინც ვერაფერს ამბობდა. ბოლოს ვაჟმა სთქვა გულში: ეს ღამე მიდის და ხვალ თავს მომჭრიან, თუ არაფერი მოვიგონეო.

ამ დროს ვაჟს მოაგონდა მამის მიცემული თვალი და სთქვა, რაღა ოხრად მინდა ან თვალი და ან სხვა რამე, თუკი ახლა ვერაფერს მიშველისო.

ამოიღო თვალი და უთხრა, აბა, ახლა მიშველეთ!

ქალს ფეხებთან სანთელი ედგა. ვაჟმა თვალი სანთელთან დადო. თვალმა უთხრა სანთელს:

— ფისასო, ხომ ხედავ, ჩვენი ბატონები შეწუხებულეობარიან, მოდი ზღაპარი ვთქვათ და შევაქციოთ.

— რა ვთქვათ?—უთხრა სანთელმა,—სალამოზე ამანთეს, თავზე ცეცხლი მიკიდია, დილაამდე დავდნები.

— მაშ კარგი,—უთხრა თვალმა,—მე გეტყვი.

თვალმა დაიწყო:

— ერთი მღვდელი, ერთი თერძი და ერთი ღურგალი

მიდიოდნენ. გზაზე ერთ ტყეში დაულამდათ, დაანთეს ცეცხლი და დადგნენ. როდესაც დასაძინებლად მოემზადნენ, სთქვეს, მხეცმა რომ არათფერი გვაგნოს, ვიყარაულოთო.

წილი ჰყარეს. პირველად დარაჯობა ღურგალს შეხვდა. როდესაც მღვდელსა და მკერავს დაეძინათ, ღურგალმა, რომ არ დასძინებოდა, ამოიღო თავის იარაღები, გააკეთა ერთი მშვენიერი ხის ქალი და მიაყუდა ხეზე.

როდესაც ღურგლის ვადა გავიდა, დარაჯობა თერძმა დაიწყო. მან ხეზე აყუდებული ხის ქალი დაინახა. რომ არ დასძინებოდა, ამოიღო თავისი იარაღები და შეუქერა მშვენიერი ტანსაცმელი, შემოსა დედოფალივით და ხეზე მიაყუდა.

დარაჯობა მღვდელს ერგო. მღვდელმა ხეზე მიყუდებული ქალი დაინახა, იფიქრა: ეშმაკი თუ არისო და დაუძახა: ვინ ხარ, ეშმაკი თუ კაციო.

ქალი ხმას არ სცემდა.

— შე წყეულო, ვინა ხარ?— გაუმეორა მღვდელმა.

ქალმა პასუხი არ გასცა.

მღვდელი გულადი იყო. მივიდა, მოჰკიდა ხელი, ცეცხლში ჩაგდება უნდოდა, მაგრამ ხელში ხის ქალი შერჩა. მღვდელი მაშინვე მიხვდა, რაშია ციო საქმე. ამოიღო ჯვარსახარება და დაიწყო ლოცვა. ილოცა დიდხანს და ქალი გააცოცხლა.

— ახლა, ფისასო, ვის ეკუთვნის ის ქალი, — ჰკითხა თვალმა, — ღურგალს, თერძს, თუ მღვდელს?

— მე რა ვიცი, თავზე ცეცხლი მიკიდია, დილამდე გავთავდები, — უპასუხა სანთელმა, — მე რა იმის ჯავრი მაქვს!

ამ დროს წამოიწია ქალმა და გაჯავრებულმა უთხრა სანთელს, შე წყეულო, ისე იქცევი, თითქოს ჯერ ჩემთან არა ჰყოფილიყო! უთხარ, რომ იმას, ვინც წინ-წინ შეუდგა საქმეს. ღურგალს რომ არ დაეწყო, ან თერძი ვის რას ჩააცმევდა და ან მღვდელი ვის ჩაუდგამდა სულსაო...

ეს ერთიო, სთქვა ვაჟმა.

— აბა, ფისასო, ახლა შენი ჯერია! — უთხრა თვალმა სანთელს.

— რა ზღაპრისა მცხელა? — უპასუხა სანთელმა, — თავზე ცეცხლი მიკიდია, დილამდის გავთავდები.

— მაშ, ისევ მე გეტყვი. — სთქვა თვალმა და დაიწყო: — გზაზე სამი კაცი მიდიოდა: ფეხმარდი, გულთმისანი და აქიმი. ფეხმარდს სარბენად გული ერჩოდა, გულთმისანს უთხრა: თუ ძმა ხარ, ერთი ჩაიხედე საწუთროს ჯამში, იქნება ვინმე იყოს ავად, ეს აქიმი წამალს მოამზადებს, მე გავაქცევ და მოვარჩინებ.

გულთმისანმა ჩაიხედა ჯამში და სთქვა, ერთ ქვეყანაში ხელმწიფის შვილი კვდება და ის შეგვიძლია მოვარჩინოთ.

აქიმმა მაშინვე მოამზადა წამალი, ფეხმარდმა ფეხებიდან დოლაბები მოიყრინა და ხელმწიფისაკენ მოუსვა. მიუტანა წამალი და მოარჩინა ხელმწიფის შვილი! ახლა შენ მითხარ, ფისასო, ვინ მოარჩინა ის ხელმწიფის შვილი?

— მე რა ვიცი, — უპასუხა ფისასომ, — ხომ მხედავ, მე ჩემი დარდი მაქვს, ვიწვები.

— შე წყეულო, უთხარ, რომ იმან, ვინც წამალი მიუტანა, — დაუძახა გაჯავრებულმა ქალმა სანთელს.

ეს მეორეო, სთქვა ვაჟმა.

— აბა, ახლა შენა სთქვი, ფისასო, — მიუბრუნდა თვალი სანთელს, — სულ მე ვლაპარაკობ და შენ კი არაფერს ამბობ.

— რა ლაპარაკისა მცხელა, — უპასუხა სანთელმა. — თავზე ცეცხლი მიკიდია, დილამდის ჩამოვდნები.

— მაშ, უტაცრავად ნუ ვიქნები, — სთქვა თვალმა, — და ერთს კიდევ ვიტყვი.

დაიწყო:

— გზაზე ერთი კაცი მიდიოდა ცოლითა და ცოლისძმით. გზაზე ყაჩაღები დახვდნენ, გაძარცვეს, დასჭრეს თავები კაცებს და დაყარეს. ქალი ცალკე ქმარზე ტიროდა, ცალკე ძმაზე. ღმერთს შეესმა ქალის ტირილი და გამოგზავნა ორი ანგელოზი: წადით, უშველეთ რამეო.

ანგელოზები მოფრინდნენ, დასხდნენ მტრედებივით მკვდრების ახლომდგომ ხეზე, ჩააგდეს ერთი შტო და სთქვეს:

შავ ქალს რომ ესმოდეს და იმ შტოს მკვდრებს წაუსვამდეს, ხომ გაუცოცხლდებოდნენო.

ქალმა აიღო ეს შტო და მოუსვა მკვდრებს. მკვდრები გააცოცხლდნენ, მაგრამ, საუბედუროდ, ქმრის თავი ძმას მოე-
ბა და ძმისა ქმარს.


— ახლა შენ მითხარ, ფისასო, ვის უნდა დარჩეს ის ქალი?

— მე რა იმათი ჯავრი მაქვს, — უპასუხა ფისასომ, —
ხომ ხედავ, გავთაელი. თავზე ცეცხლი მეკიდება და გონი
შერევა!

— აი, შე წყეულო, — უთხრა ქალმა და ადგა, — განა შენ
ჩემ ხელში არა ჰყოფილხარ, რომ ვერაფერს ეუბნები? უთ-
ხარ, რომ იმის ცოლი იქნება, ვის ტანზედაც ქმრის თავია
შიბმული.

ესეკ მესამეო, დაიძახა ვაჟმა, შენ ჩემი ცოლი იქ-
ნებიო, და ქალს მოეხვია.

გადაიხადეს ქორწილი და ზღაპარიც აქა თავდება.





მარტალიჯის ტრეპლი

იყო და არა იყო რა, იყო ორი ძმა. ძმები ერთად ცხოვრობდნენ. ორივენი ცოლიანები იყვნენ, მაგრამ ერთს შვილები ჰყავდა, მეორე კი უშვილო იყო.

კარგახანს ცხოვრობდნენ ერთად უშფოთველად და ტკბილად. მაგრამ ამ ერთ ძმას წამოეზარდნენ შვილები. და აი, შედის ცოლი ქმართან და ეუბნება, შენ ძმას უნდა გაეყარო, დაბერდა, რაღას გვარგიაო.

ქმარი გაუჯავრდა ცოლს. რას ამბობ, დედაკაცო, დაბერდნენ, ახლა სადღა წავლენ; სანამ ახალგაზრდები იყვნენ, ჩვენთვის და ჩვენი შვილებისათვის შრომობდნენ, მაშინ არ ვერეკებოდით და ახლა გინდა მაგათი მოშორება, როდესაც ჩვენი საცხოვრებელნი გახდნენო.

არ იქნება და არა, თუ არ გაეყრები ძმას, მე წვალ და წყალში თავს დაეიხრჩობო.

რაღას იზამდა საწყალი კაცი, წაეიდა და უთხრა ძმას. უშვილო ძმა ძლიერ დაღონდა და უთხრა, რად უნდა

გამავდო, ძმაო, ამ სიბერე-სიკვდილის დროს. შენი ძმა ვარ, ცოდვად დაგედება. თუ იმასა ჰფიქრობ, რომ შეგიჟამ რასმე, ჩემი წილი მე კი არა, მთელ ოჯახს ეყოფა; შევილები არა მყავს, ჩემ წილს განა სამარეში წავიღებ, შენს შევილებს არ დაეუგდებო?

რა ვქნა, უთხრა ძმამ, შენი რძალი მაგაზეა დამდგარი: თავს მოვიკლავო, ამბობს, თორემ მე ხომ იცი, არ მესიამოვ-ნება შენი მოშორებაო.

რალს იზამდა უშვილო ძმა? წავიდა, უთხრა ცოლს და მეორე დღეს გაუდგნენ გზას უარარაოდ.

იარეს, იარეს და მივიდნენ ერთ ტყეში. ეძებეს თავშე-საფარი, მაგრამ გავიდა ორი-სამი დღე და ვერსად იპოვეს.

მესამე დღეს ერთი სახლი ნახეს; შიგ არავინ იყო, ღვი-ნო და პური კი რამდენიმე წლის საკმაო იყო. ბერიკაცი თა-ვისი ცოლით შევიდა ამ სახლში, დადგა შიგ და სთქვა: პა-ტრონი ღვეი მოვიდეს, დაგეხოცოს და ტანჯვას მოგვარ-ჩინოსო.

გავიდა თვეები, მაგრამ პატრონი არავინ გამოჩენილა. კაცმა და დედაკაცმა დაიწყეს - ცხოვრება ახალ სახლში და ახალ ქვეყანაში. ბერიკაცი და დედაკაცი ტკბილად ცხოვრობ-დნენ, მაგრამ ზოგჯერ კი ჩივილს დაიწყებდნენ ხოლმე, ვინ დაგვმარხავს, ვინ დაგვიხუჭავს თვალებს, რომ დავიხოცე-ბითო.

გავიდა რამოდენიმე თვე. ერთხელ ამ დედაკაცმა იგრძ-ნო, რომ ფეხმძიმედ იყო. დედაკაცი დალონდა, ტირილითა და ქვითინით წავიდა ქმართან. ქმარმა რაკი მტირალი ცო-ლი დაინახა, ტირილის მიზეზი ჰკითხა.

ცოლმა უთხრა:

— შენც ხომ იცი, შენთან ვარ დაბერებული, შენი მო-ლაღატე არ ვყოფილვარ! თუ ექვს რასშეს აიღებ, ვიზე იფიქ-რებ, ვინ არის აქ? ან რაღა ჩემი შევილოსნობის დრო არის? მაგრამ ეს მატირებს, რომ ახლა დავორსულდი!

ნუ იჯავრებ, უთხრა ქმარმა, აბა, ჩვენ ხომ ვერ წუარ-ვყოფთ, რაც არისო.

მართლაც მოკლე ხანში გაუჩნდა მოხუც დედაკაცს მშვენიერი ქალი. მოხუცებულებმა დაუწყეს ზრდა...

ქალი რომ მონათლეს, ჰკითხეს ნათლიებს, რას დაანათლებთო.

ერთმა უთხრა: დეე, ჩემმა ნათლულმა რომ იტიროს, ცრემლად მარგალიტი აფრქვიოსო.

მეორემ სთქვა: როდესაც გაიცინებს; ისეთი ვარდი და ია გადმოუვიდეს პირიდან, რომ სიკვდილად მისული გამოაბრუნოს იმათ სუნმაო.

მაშ მე ისეთს ყელზე ჩამოსაკიდ კრიალოსანს დავანათლებ, რომ სანამ ის ედება ყელზე, იცოცხლოს და როდესაც მოიხსნის, მოკვდესო, სთქვა მესამემ.

მოხუცებულები გაკვირვებულნი და გახარებულნი დარჩნენ.

ერთხელ ბავშვმა რალაზედაც იტირა და გადმოშალა მარგალიტი. ბერიკაცმა აკრიფა, წაიღო ქალაქში. ქალს უყიდა ტანისამოსიც, საგებ-სახურავიც და ქალის სხვადასხვა მორთულობაც. ამრიგად, როდესაც ქალი რამეზე იტირებდა, ცრემლად მარგალიტი სცვიოდა.

გამდიდრდა ბერიკაცი. ქალს მშვენიერი სახლი აუშენა. დრო გავიდა. ქალი გაიზარდა, თოთხმეტ-თხუთმეტი წლისა მოიყარა. ისეთი ლამაზი იყო, რომ იმის მნახველს წუთისოდელი დაავიწყდებოდა.

* * *

ერთხელ ამ ქვეყნის ხელმწიფის შვილი სანადიროდ წამოსულყო იმ ტყეში, სადაც ბერიკაცის სახლი იყო. მას თან წამოეყვანა ვეზირიც.

მთელი დღე ინადირა ხელმწიფის შვილმა, ვერაფერი მოკლა, ერთი ხოხობის მეტი.

სალამოზე ვეზირს უთხრა, თქვენ წადით, ეს ხოხობი სადმე შემიწვით, ამაღამ აქ უნდა დავრჩეთ, ხვალ თუ არაფერი მოვკალ, სირცხვილით ქალაქში როგორ დავებრუნდებიო.

ვეზირმა წაიღო ხოხობი და ბერიკაცის სახლში მივიდა. ბერიკაცმა დიდი სიამოვნებით მიიღო ხელმწიფის შვილის ვეზირი, კარგად გაუმასპინძლდა და ჰკითხა, თუ ამხანაგები გყავდნენ, რატომ ისინიც არ მოვიდნენო.

ვეზირმა უთხრა:

მე ხელმწიფის შვილის ვეზირი ვარ და ეს ხოხობი მას უნდა შევუწვავო.

ბერიკაცს უნდოდა ხოხობის გამორთმევა და შეწვა, მაგრამ ვეზირმა უთხრა, მე თვითონ უნდა შევუწვაო.

გააჩაღეს ცეცხლი. ვეზირმა ხოხობი შამფურზე ააგო და დაუწყო წვა. ამ დროს ბერიკაცის ქალიც შემოვიდა. ვეზირს თვალეები ქალზე დარჩა. ქალი იდგა, ვეზირი იმას შესცქეროდა და ხოხობი ნახევრად დაიწვა.

წამოუღო ნახევრად დამწვარი ხოხობი თავის ხელმწიფის შვილს.

ხელმწიფის შვილმა ჰკითხა, რა გიქნია, რაზე დაგიწვავს ეს ხოხობიო.

ბატონიშვილო, რა მექნა, ბერიკაცი მშვენიერად გამიმასპინძლდა, მთხოვა, თქვენი ბატონიც აქ მოპოქანდეს, ხოხობსაც აქ შეუწვაეთო, მაგრამ მე არ დავთანხმდი. მინდოდა მე თვითონ შემეწვა; დავიწყე კიდევაც შეწვა, მაგრამ იმ ბერიკაცს ერთი ქალი ჰყოლია, გამოვიდა ის, მე თვალი ველარ მოვაშორე და, აი, ხოხობიც დამეწვაო.

ხელმწიფის შვილი ნაზირ-ვეზირით წავიდა ბერიკაცთან. ბერიკაცი ძლიერ გულგახსნით დაუხვდა ხელმწიფის შვილს და, რაც რამ ჰქონდა, ყველაფერი მიართვა.

როდესაც ვახშამზე სხდებოდნენ, ბერიკაცმა წყალი ჩამოატარა სტუმრების ხელის დასაბანად. როდესაც ხელმწიფის შვილთან მიიტანა, მან უარი უთხრა, უფროსს კაცს ხელეებს როგორ დაგაბანინებთ, უმცროსი ვინმე გეყოლებათ, ხელეები იმან დაგაბანინოსო.

ხელმწიფის შვილს უნდოდა, რომ ბერიკაცის ქალს დაბანინა ხელეები.

წყალი ახლა ბერიკაცის ცოლმა ჩამოატარა, მაგრამ ხელმწიფის შვილმა არც იმას დაასხმევინა წყალი.

ბოლოს ქალს დაუძახეს. გამოვიდა ქალი ლიტრით და ხელმწიფის შვილსაც, იმის მნახველს, გული წაუვიდა. ქალს ხელმწიფის შვილის ამგვარ საქციელზე გაეცინა, პირიდან ვარდი და ია გამოუვიდა. ამ ვარდითა და იით მოაბრუნეს ხელმწიფის შვილი და დასხდნენ ვახშამზე.

ვახშმის შემდეგ ხელმწიფის შვილმა ბერიკაცს ქალი სთხოვა ცოლად.

ბერიკაცმა მოახსენა: ბატონიშვილო, ჩვენ თქვენი ღირსნი არა ვართ და თუკი გვიკადრებთ და ჩვენს ქალს ცოლად შეერთავთ, თქვენზე უკეთესს ვის ვიპოვითო.

გახარებული ხელმწიფის შვილი იმ ღამესვე დაინიშნა ქალზე და მეორე დღეს გასწია ქალაქში, დედ-მამის სახარებლად.

მშობლებმაც საწინააღმდეგო არაფერი უთხრეს, თუ შენ მოგეწონა, შვილო, ჩვენ მეტი არაფერი არ გვინდაო.

ხელმწიფის შვილს ერთი ავი გამზრდელი ჰყავდა. იმ გამზრდელს ერთი ნაბუშარი ქალი ჰყავდა და უნდოდა როგორმე გაეთხოვებინა ხელმწიფის შვილზე.

ხელმწიფის შვილმა საცოლეს მოსაყვანად ის გამზრდელი გაგზავნა და თან ნაზირ-ვეზირები გააყოლა. გამზრდელმა ეტლში თავისი ყორანივით შავი ქალი დამალა და გასწია ხელმწიფის შვილის საცოლესთან..

მივიდნენ ბერიკაცის სახლში, წამოიყვანეს ქალი და წამოვიდნენ.

გამზრდელმა გზაზე ეტლში ჩუმად ჩაიდგა ორი ლიტრა წყალი. ქალს ისეთი საქმელი აქამა, რომ ქალმა წყურვილით კვდომა დაიწყო. შეევედრა გამზრდელს, წყალი დაძალევინო.

მაგრამ გამზრდელი გაუჯავრდა, აქ წყალს რა უნდა, ერთ უღრან ტყეში ვართო.

ქალმა კიდევ სთხოვა გამზრდელს.

თუ ერთ თვალს გამოითხრი და მომცემ, უთხრა გამზრდელმა ხელმწიფის შვილის საცოლეს, წყალს დაგაღვივებო.

გამომითხარე, უთხრა ქალმა, ოღონდ წყალი კი დამალევიყო.

გამზრდელმა ერთი ლიტრა წყალი მისცა და სამაგიეროდ ერთი თვალი გამოსთხარა და შეინახა. ქალმა მთელი ლიტრა დაცალა, მაგრამ მალე ისევ მოსწყურდა. ქალმა კიდევ სთხოვა წყალი. გამზრდელმა მეორე თვალიც გამოსთხარა და მისცა მეორე ლიტრაც.

გამზრდელმა ნაზირ-ვეზირებს უბრძანა, წინ წადით, ქალი უნდა დავასვენოთო.

ნაზირ-ვეზირები წავიდნენ. ჩამოვიდა გამზრდელი გადმოათრია ბრმა ქალი, გახადა ტანისამოსი, მიიყვანა ერთ ხესთან და იქ დატოვა. იმისი ტანისამოსი ჩააცვა თავის ქალს, მოისვა გვერდზე და მიიყვანა სასახლეში.

ხელმწიფის შვილს საცოლეს მოლოდინში ქორწილი გაემართა. დაეპატიჟა სტუმრები.

მაგრამ აი, მოუყვანეს ერთი ვიღაც საძაგელი გომბიო. ბერიკაცის ქალის მნახველს, ხელმწიფის შვილს, აბა, რას მოეწონებოდა ვიღაც ყორანივით შავი ქალი.

მაშინვე უთხრა გამზრდელს, რა უყავი ჩემი ცოლი, ეს ის არ არის, სად დალუპეო.

დიდებულო ბატონო, უთხრა გამზრდელმა, ეს ქალი გახლავს თქვენი საცოლე. დედ-მამასთან გამოთხოვების დროს ბევრი იტირა და ფერი შეეცვალაო.

ხელმწიფის შვილი მაინც ვერ დააჯერა და ვერ მიაკარეს ახლოს გამზრდელის ქალს. ცოლი ცალკე ცხოვრობდა, ქმარი ცალკე.

ახლა იმ ბრმა ქალს დაეუბრუნდეთ, თვალგბდათხრილი რომ დატოვა ხესთან ხელმწიფის შვილის გამზრდელმა.

უშტრად დარჩენილი, სინათლესმოკლებული ქალი იდგა ხესთან და ტიროდა. ჩამოსდიოდა ცრემლი, იყინებოდა მარგალიტად და ქალი იმალებოდა მარგალიტში.

ბოლოს მარგალიტი მკერდამდე მიაღგა და წელქვევით ერთიან დამალა.

იმ ტყის ახლოს, სადაც ქალი დატოვა გამზრდელმა, ერთი ქალაქი იყო. იმ ქალაქში ერთი საწყალი ბერიკაცი ცხოვრობდა. ბერიკაცს ერთი ვირი ჰყავდა. დილით წავიდოდა ბერიკაცი ტყეში, აჰკიდებდა ვირს ფიჩხს, მოიტანდა ქალაქში, გაჰყიდდა და ფულს გლახებს დაუარიებდა; წავიდოდა შუადღის დროს, მოჰკრეფდა ფიჩხს, აჰკიდებდა ვირს, გაჰყიდდა ქალაქში და ფულს საყდარში შეიტანდა და შესწირავდა. საღამოზე წავიდოდა, შოიტანდა, გაჰყიდდა და აღებული ფულით თვითონაც და იმის ცოლიც ირჩენდნენ თავს.

ერთხელ ბერიკაცი ტყეში იყო. ვირი გაუშვა დაუბმელად და თვითონ შეშასა სჭრიდა. როდესაც ფიჩხი მოამზადა ასაკიდებლად, ნახა, რომ ვირი არსად იყო. ბერიკაცმა ვირს ძებნა დაუწყო. ნახა, რომ ვირი მისულა ერთ ხესთან, დამდგარა და შესცქერის ნახევრამდის მარგალიტში ჩაფლულ ქალს. ბერიკაცი გაუჯავრდა ვირს გასარეკად.

ქალმა გაიგონა კაცის ხმა და სთხოვა, ძმა ხარ თუ მამა, მიშველე რამ, გარს კლდე მაქვს შემოვლებული, შემომამტერიეო.

ბერიკაცი მივიდა ქალთან, მოაშორა მარგალიტის ყინული და წაიყვანა სახლში. წაიღო მარგალიტიც. ბერიკაცი უცებ გამდიდრდა, ქალს ჩააცვა მშვენიერად და მისცა ცალკე ოთახი.

ერთხელ ქალის ახლო კრუხმა რაღაზედაც წიწილას ჩაუნისკარტა. წიწილამ წიწინი დაიწყო; მამალი მოვარდა უცებ და კრუხს დაუწყო ჩხუბი, რაღა სცემ შეილსაო.

ქალმა გაიგონა ეს ლაპარაკი ქათმებისა და გაეცინა. პირიდან ია-ვარდი გადმოუვიდა და ოთახში მშვენიერი სუნი დადგა.

ბერიკაცი რომ შევიდა ოთახში, ძლიერ გაუკვირდა: ამისთანა ია და ვარდი საიდან მოვიდაო.

ქალმა უთხრა ბერიკაცს, წაილე, მამავ, ეს ია-ვარდი,

ხელმწიფის ქალაქში დაატარე გასაყიდად; თუ ვინმე შეგეგვა-
კროს, ნუ მიპყიდი, რაც უნდა ბევრი ფული მოგცენ. ხელ-
მწიფის შვილის გამზრდელს აქეს ჩემი თვალები, და თუ შეგ-
ხვდა, ის იყიდის ამ ია-ვარდს თავის ქალისთვის; უთხარ, რომ
თვალზე ვყიდი-თქო, ის მოგცემს ერთ თვალს და მომიტანო.

ბერიკაცმა წაიღო ეს ია-ვარდი ქალაქში, მაგრამ არაფის
მიპყიდა, თუმცა ბევრი მყიდველი გამოუჩნდა. ბოლოს შეხე-
და ხელმწიფის შვილის გამზრდელი და ჰკითხა, რაზე ჰყიდი,
ან როგორ ჰყიდი მაგ ია-ვარდს, ბერიკაცო?

გამზრდელს ია-ვარდი თავის ქალისთვის უნდოდა, რომ
ხელმწიფის შვილისთვის ეთქვა: აი, ჩემს ქალს პირიდან რა
ია და ვარდი გადმოუვიდაო.

ბერიკაცმა უთხრა, ადამიანის თვალზე ვყიდიო.

გამზრდელმა მისცა ქალის ერთი თვალი და გამოართვა.
მაგრამ ხელმწიფის შვილი მაინც არ მიჰკარებია იმის ქალს.

ბერიკაცმა წაიღო ეს თვალი და თავის ნაშვილებს მიუ-
ტანა. ქალმა ჩაისვა თვალი, გალესა მარგალიტი და ია-ვარ-
დი და გადისხა ხედ; თვალი გაუშთელდა და გაუსაღდა ისე,
როგორც წინათ ჰქონდა.

ერთი თვალი აახილა ქალმა, მაგრამ მეორით ისევ ბრმა
იყო. ახლა როგორმე მეორე თვალი უნდა ეშოვა. ქალმა მო-
იშხადა კუბო, ჩაწვა შიგ და ბერიკაცს კი უთხრა, ეს მძივი,
ყელზე რომ მიკეთია, შემხსენ, წაიღე და მეორე თვალი იყი-
დე. მე მოვკვდები, ამ კუბოთი წამიღე და სადაც მიპოვე, იქ
დამდგო.

ბერიკაცმა იყიდა მეორე თვალის ხელმწიფის შვილის
გამზრდელისაგან, მოიტანა, გაუკეთა მიმკვდარებულ ქალს და
ტირილითა და ვიშით წაიღო იქ, სადაც პირველად იპოვა.
ქალი ხელმწიფის შვილისაგან ორსულად იყო და კუბოში
გაუჩნდა მკვდარს ვაჟი. ვაჟი მკერდზე აჯდა დედას და ისე
სწოვდა ძუძუს.

ხელმწიფის შვილი გლოვობდა თავის საცოლეს და არ ეკარებოდა გამზრდელის ქალს.

ერთ დღეს ხელმწიფის შვილი სანადიროდ წავიდა, რომ გართობილიყო. გაიარა ტყე და ერთგან შველი წამოხტა. ხელმწიფის შვილმა ესროლა ისარი, ვერ მოახვედრა, შველი გაიქცა, დაედევნა ხელმწიფის შვილიც.

ირბინა შველმა, ირბინა ხელმწიფის შვილმა. შველი კუბოზე გადახტა და გაქრა.

მივიდა ხელმწიფის შვილი კუბოსთან, ჩაიხედა შიგ და თავის საცოლე კი დაინახა. ქალი ისე იწვა, თითქოს სძინავსო. ვაჟი გადაეხვია თავის მკედარ ცოლს, კოცნა დაუწყო და მრავალი ცრემლი აფრქვია. ბევრი ცრემლი ღვარა, მაგრამ ცრემლით რას უშველიდა.

რაკი ტირილით გული მოიჯერა, ვაჟმა დაავლო ხელი თავის შვილს და სახლში წაიყვანა.

გამზრდელის ქალმა თავისთან შეიყვანა ეს პატარა ბავშვი, უნდოდა ხელმწიფის შვილის გული მოეგო, და დაუწყო თამაშობა. რაკი ხელში აიყვანა, ბავშვი სწვდა იმის ყელზე ჩამოკიდებულ მძივს, მოებლაუჭა და დაიწყო ტირილი. უნდოდან ბავშვი მოეშორებინათ, მაგრამ ის ხელს არ უშვებდა.

ხელმწიფის შვილმა უბრძანა გამზრდელის ქალს, მიეცი რასაც გთხოვს, ნუ ატირებ მაგ ბავშვსაო.

ქალმა მოიხსნა კრიალოსანი და მისცა ბავშვს. ბავშვმა დედისკენ დაიწყო წევა და ტირილი. ხელმწიფის შვილმა შემოისევა ბავშვი ცხენზე და კუბოსკენ გაჰქუსლა. ბავშვმა რაკი კუბო დაინახა, ღიმილი დაიწყო და ხელების ქნევა.

ხელმწიფის შვილმა ბავშვი დედასთან დასევა და ცქერა დაუწყო, ვნახოთ რას იზამსო.

ვაჟი შეაფოფხდა მკედარ დედას და ეს კრიალოსანი კისერზე გადაუგდო. შეეხო თუ არა კრიალოსანი, ქალმა მაშინვე თვალები გაახილა და წამოდგა.


გახარებულმა ხელმწიფის შვილმა აღარ იცოდა რა ექ-
ნა. შემოისვა ცხენზე ცოლიც, შვილიც და გასწია სახლში.

აი, ჩემი ცოლიო, დაიძახა ვაჟმა, როგორც კი შევედი
სასახლეში. გამოეგებნენ ხელმწიფე და დედოფალი და სიხა-
რულით გადაჰკოცნეს თავისი ძძალი.

შევიდა ქალი სასახლეში, მოაგონდა თავისი წარსული
და ცრემლებმა დაუწყო თვალებიდან ფრქვევა: იატაკზე გა-
იშალა აუარებელი მარგალიტი. ქალმა ნახა გამზრდელის ქა-
ლი, გაეცინა იმის საძაგლობაზე და პირიდან ია და ვარდი
გადმოუვარდა.

გამზრდელი ქალი კი ცხენის კუდით ათრიეს და ხელ-
მწიფის შვილმა თავისი წინანდელი საცოლე შეირთო ცო-
ლად.





ზღაპარი მონადირისა და ღიღი აჩივისა

იყო და არა იყო რა, იყო ერთი ღარიბი მონადირე.

ერთხელ მინდორში ნადირობდა, ნახა სამ მუხაზე ერთი ღიღი არწივი იჯდა, სამივე მუხა ეჭირა. მოჰზიდა მონადირემ მშვილდს, დაუმინა ისარი.

არწივმა უთხრა, ნუ მომკლავ, მხარი მაქვს მოტეხილი, წამიყვანე სახლში, ბარტყი ვარ, მომიარე, მომარჩინე, ბოლოს მეც გამოგადგებიო.

მონადირემ აღარ მოკლა, წამიყვანა სახლში.

ცოლს ძალიან ეწყინა, ჩვენთვის არაფერი გვაქვს, მაგას რა ვაჭამოთო.

მართლაც, ისეთი ღარიბები იყვნენ, კბილის გამოსაჩიჩქნი ჩხირიც კი არა ჰქონდათ.

ორ კვირას უწამლა, მორჩენა დაეტყო.

არწივმა უთხრა მონადირეს, წამიყვანე მუხებთანაო.

მონადირემ წამიყვანა. დაუქროლა არწივმა და ერთი მუხა ძირიანად მოგლიჯა და სამი მთის იქით გადისროლა. მონადირეს უთხრა, კიდე წამიყვანე, ცოტა კიდე მაკლიაო.

მონადირემ ისევ წამოიყვანა. ორ კვირას კიდევ ჰყავდა.

შემდეგ არწივმა უთხრა: წამიყვანე მუხებთანაო.

მონადირემ წაიყვანა. დაუქროლა არწივმა, მოგლიჯა მეორე მუხა და ცხრა მთას იქით გადააბზრიალა.

არწივმა კვლავ უთხრა, ცოტა კიდევ მაკლია მორჩენა, წამიყვანე ცოტა ხანსაო.

მონადირემ ისევ წაიყვანა. ცოლი ძალიან გაუწყრა: ჩვენთვის არაფერი გვაქვს, ეგ რაღად მოათრიეო.

არწივი ორი კვირა კიდევ იყო. მონადირე წამლებს ადებდა და მხარს უხვევდა.

ორი კვირის შემდეგ სრულებით გასაღდა და მონადირეს უთხრა: ახლა წავიდეთ მუხებთანაო.

წავიდნენ. დაუქროლა არწივმა და მესამე მუხა სრულე-
ბით გადაკარგა: ველარ გაიგეს, სად გადავარდა.

მაშინ არწივმა უთხრა, ახლა კარგადა ვარ, უნდა შემჯღღე მხრებზე, ერთი დაკლული ხარი თან წამოიღე, ჩემს დედ-
მამასთან წაგიყვან და დაგასაჩუქრებენ. ამას კი გეტყვი, რაც
უნდა გაძლიონ, არ გამოართვა; სთხოვე, თქვენ რომ ჟანგიანი
ყუთი გაქვთ, ეგ მომეცით-თქო.

წავიდა მონადირე, დაკლა ერთი ხარი, დაუღო არწივის
მხრებზე და თვითონაც ზედ შეაჯდა. არწივი აფრინდა და
წავიდა სულ მალლა და მალლა. რამდენიც შემოტრიალდებოდა.
მონადირე იმდენ ნაქერ ხორცს ჩაუღებდა პირში.

ის იყო მივიდნენ, რომ ხორციც გაუთავდა. გამოიპრა
კანჭიდან მონადირემ და შეაჭამა.

ოჰ, ეს რა გემრიელი რამე შემაჭამეო. უთხრა არწივმა.

ბინაზე რომ მივიდნენ, გადმოსვა დაბლა და მონადირემ
კოკლობა დაიწყო.

— რათა კოკლობ? — ჰკითხა არწივმა.

— წელან შენ რომ სთქვი, ეს რა გემრიელი რამე შემა-
ჭამეო, ის ჩემი ხორცი იყო: ხარის ხორცი გამითავდა და
კანჭიდან გამოვიტყერიო.

არწივმა მოუსვა ფრთა და გაუმთელა.

მონადირე დედასთან მიიყვანა. დედას უთხრა:

— დედავ, მხარმოტეხილი ვიყავ, ამ კაცმა სიკვდილს გადამარჩინა და რაც ისურვოს, ყველაფერი მიეცით.

არწივის დედამ გადმოუღო და გადმოუღო მონადირეს-ოქრო და ვერცხლი, თვალი და მარგალიტი, ჩასაცმელი და-დასახური, მაგრამ კაცმა არაფერს ხელი არ მოჰკიდა..

— მაშ რა გინდა?—ჰკითხა არწივის დედამ.

— თქვენ რომ ჟანგიანი ყუთი გაქვთ, ის მომეცით,— უპასუხა მონადირემ.

არწივის დედამ კიდევე ძვირფასი და ძვირფასი გადმო-უღო. მონადირე ადგა და წასვლა დააპირა.

— მოდი, მოდი, წაილე,—დაუძახა არწივის დედამ. გადმოუღო კიდევე ძვირფასი და ძვირფასი რამე, ყუთი კი არ-მისცა. მონადირე კიდევე წამოვიდა.

— მოდი, მოდი, წაილე,—დაუძახა ისევ არწივის დედამ..

მობრუნდა მონადირე. კიდევე ძვირფასი და ძვირფასი-რამეები გადმოუღო, ყუთს მაინც არ აძლევს.

მონადირემ მაინც სხვას არაფერს მოჰკიდა ხელი.

მესამედაც დაუძახა არწივის დედამ და მისცა ყუთი.

უთხრა, სანამ შინ არ მიხვიდე, არამც და არამც არ-გახსნა, თორემ ძალიან ინანებო.

შეისვა არწივმა მონადირე მხრებზე და ისევ ძირს ჩა-მოიყვანა.

მოდის მონადირე, მოაქვს ყუთი. იფიქრა:

იქნება იმათ მომატყუეს და ცარიელი ყუთი მომცეს-ვნახავ, რა არის შიგ! იქნება ისეთი რამე დევს, რომ მომკ-ლასო.

გახსნა. ამოვიდა და ამოვიდა ღუქან-ბაზარი და სსახ-ლეები, გაიჭიმა უზარმაზარი ქალაქი, გაჩაღდა ვაჭრობა, გარბიან და გამორბიან ვაჭრები, ერთი ხმაურობა და ამბავია..

მონადირე კი დგას და შესცქერის. უნდა ყუთი დაკე-ტოს, მაგრამ ვერა ჰკეტავს. იცემს გულში ხელს, იბღღენის-თმასა.

ამ ღროს ჩამოივლის ერთი დევი, ჰკითხავს, რადა-სტირი, კაცოო?

რას არა ვტირი, ეს ყუთი გავხსენ, ეს ქალაქი იქიდან ამოვიდა და ველარ დავეხურეო.

რას მომცემ, რომ დავხურო, ხომ მომცემ იმას, რაც შენ არ იციო.

მოგცემო, უთხრა მონადირემ.

მონადირის ცოლი ორსულად იყო და სანამ მონადირე დაბრუნდებოდა, მის ცოლს ოქროსქოჩრიანი ვაჟი ეყოლა, მონადირემ კი არა იცოდა რა.

დევმა ყუთი დაუხურა. ქალაქიც აიკრიფა და ისევ ისეთი ადგილი დარჩა, როგორიც წინათ იყო.

ამა და ამ ღროს მე ჩემსას მოვიკითხავ და გამომიგზავნეო, უთხრა დევმა.

კაცი წავიდა სახლში. გახსნა შინ ყუთი. ამოვიდა და ამოვიდა ისევ ღუქან-ბაზარი და სასახლეები. გაიშართა ქალაქი. ეს კაცი ქალაქის პატრონია, მაგრამ შვილი ადარდებს: დევს უნდა გაუგზავნოს, არ ასცილდება.

როცა ვაჟი მოიზარდა, ადგა და დევთან წავიდა. იარა, იარა და გზაზე ერთი დედაკაცი შეხვდა.

— სად მიდიხარ, შვილო?—ჭკითხა.

— დევთან მივდივარ, უნდა შემჭამოს.—უპასუხა.

— შვილო, — უთხრა დედაკაცმა, — რომ მიხვალ, წყალს ნახავ, იმ წყალზე დევის ქალები ჩამოდიან საბანაოდ. შენც იქვე დაიმაღე. ზევით, რომელიც დგას—უფროსია, იმის ქვემოთ რომ დგას—შუალაა, და ბოლოს რომაა—ის უმცროსი. იმას დაუმალე ტანისამოსი. გამოვა. იმისი დები წავლენ და ის ტიტველი რალას იზაჰს? რაკი ტანისამოსს არ მისცემ, შენი ცოლი გახდება, მერე კი ის გიხსნის გაჭირვებიდან.

ვაჟი ისე მოიქცა, როგორც იმ დედაკაცმა დაარჩია. მივიდა წყლის პირს, ჩასაფრდა. როცა ქალები მოვიდნენ, ბანაობა დაიწყეს, ვაჟი მივიდა და უმცროსი ქალის ტანისამოსი აიღო.

გაათავეს ქალებმა ბანაობა. გამოვიდნენ. უფროსებმა ჩაიცივეს, გასწიეს, უმცროსმა ვერ იპოვა ტანისამოსი და დაიძახა, ვინა ხარ, გამოჩნდი, შენ—ძმა და მე—დაო!

ვაეი არ გამოვიდა.

ბოლოს ქალმა დაიძახა, გამოჩნდი, ვინა ხარ, ჯანი-გაგვარდეს, შენ—ქმარი და მე—ცოლიო.

მამინ გამოვიდა ვაეი და მისცა ტანისამოსი.

ქალმა შეხედა, ეს ოქროსქოჩრიანი ვაეი ძალიან მოეწონა. უთხრა რად მოსულხარ აქაო.

მამაშენის ლუკმა ვარ, უთხრა ვაემ, უნდა შემქამოსო.. ნუ გეშინიან, უთხრა ქალმა, როცა გაგიჭირდეს, მე შემბატობინეო.

მივიდა ვაეი დევთან.

დევმა უთხრა, ერთ რამეს შეგიკვეთ და თუ არ აასრულე, იცოდე, შეგკამ. ჩემი ეზო სულ ოქროქსოვილით უნდა დაჰფინოო.

წამოვიდა ვაეი ცოლთან დაღონებული: მამაშენმა ასე და ასე მიბრძანაო.

წადი, შენ დაიძინე და მე ვიცო, უთხრა ქალმა.

იმ ღამეს ქალმა დაიბარა თავის კაცები და სულ ძვირფასი ოქროქსოვილით დააფენინა ეზო-კარი.

დილით უთხრა ქმარს, მიდი, დაჯექ და დაუწყე სწორება, ვითომ შენ დაჰფინეო.

გამოვიდა ვაეი და ასწორებს ოქროქსოვილებს. რაღა იქნებოდა?!

მეორედ უბრძანა, ხვალისათვის ისეთი სასახლეები უნდა დამიდგა, რაც ხელმწიფეს ეკადრებოდესო.

წავიდა ვაეი ცოლთან. ცოლმა უთხრა, შენ წადი, ბრხინად დაიძინე, მე თვითონ ვიცო.

წავიდა ვაეი, დაიძინა.

ქალმა დაიბარა თავისი კაცები და უბრძანა, აბა, როგორ მარდად მოიქცევით, თქვენი იმედი მაქვსო.

დილისთვის ისეთი სასახლეები დადგეს, კაცს თვალს სტაცებს. ქალმა ქმარს უთხრა: ადი ზედ, აიტანე ჩაქური, ვითომ რაღაც დაგკლებია და აკაკუნეო.

ავიდა ვაეი სასახლეზე, უჭირავს ჩაქური და აკაკუნებს..

გამოვიდა დევი, ნახა მშვენიერი სასახლეები დაუღამას. ტუჩზე იკბინა, მაგრამ რაღა იქნებოდა?!

მერე უთხრა, ერთი ცხენი მყავს გასახედნი და ის უნდა
ჯამიხედნო.

• კარგო, უთხრა ვაჟმა.

წამოვიდა ცოლთან. ცოლს უთხრა: მამაშენს გასახედნი
კვიცი ჰყოლია, ის უნდა გაახედნინო.

აქამდე არაფერი, საქმე ახლა არის, უთხრა ცოლმა,
თვითონ მამაჩემი იქცევა კვიცად და იმას უნდა უმხედრო.
მე ერთს ლაგამს მოგცემ, ის ლაგამი ამოსდე იმას პირში,
თან ერთი რკინის კვერი წაიღე: აღმა აფრინდეს—თავში
სცემე, დაღმა წავიდეს—ცხვირში. ნუ შეიბრალებ, რაც ძალა
და ღონე გქონდეს, მაგრა დაჰკარ, თორემ მოუკლავს არ
ვაგიშვებსო.

მეორე დღეს წაიღო ლაგამი და ჩაქუჩი ვაჟმა. შეჯდა
კვიცზე და გაფრინდა ცხენიც ცისკენ. რამდენსაც ის ცხენი
ზევით აიწედა, იმდენს დაუშენდა ვაჟი თავში კვერს; ახლა
ძირს დაეშვებოდა და ახლა ცხვირში სცემდა. ისე მოლაღა,
ისე, რომ არაქათი გამოეღია და დადგა ცხენი.

ვაჟმა მოიყვანა დევის კარებზე, შეიყვანა თავლაში, წა-
მოჰყარა ლაგამი და გამოვიდა.

ცხენიც იქცა ისევ დევად და ისიც გამოვიდა.

დევი კარებთან დგას.

რა ჰქენ, გახედნე ჩემი ცხენი თუ არაო, ჰკითხა წყრო-
მით ვაჟსა.

ვაჟი ხედავს, რომ დევს ყბები სულ ჩამოლადრული
აქვს ცემისაგან.

რა გჭირს მაგ სახეზეო, ჰკითხა ვაჟმა.

ეს შენი ნაცემი არის, უთხრა დევმა, შენ რომ იჯექ,
ის ცხენი კი არ იყო, მე ვიყავი. ხვალ კი აღარაფერი გიხს-
ნის, უნდა შეგჭამო.

ვაჟი შეწუხებული მივიდა ცოლთან.

რა ჰქენ, უმხედრე ცხენსა თუ ვერაო, ჰკითხა ცოლმა.
მამაშენმა მითხრა, ხვალ უნდა შეგჭამო, ველარაფერი
ვიშველისო.

იმ ღამესვე ეს ქალი და ვაჟი ადგნენ და გასწიეს. ია-

რეს, იარეს, რაც ძალი და ღონე ჰქონდათ. რომ გათენდა, გაიგო დევმა მათი გაპარვა და ისიც გამოეკიდა.

მიდიან ქალი და ვაჟი.

ქალმა უთხრა ვაჟსა, აბა, მიიხედე, ხომ არავინ მოგვ-
დევსო.

ვაჟმა მიიხედა, ბუზისტოლად შორს რალაცა მოჩანსო. იქცა ქალი შემოსულ ყანად, ვაჟი მომკელად. დგას და მკის, თან ხვითქლი გადასდის. მოვიდა დევი.

ამაზე ქალსა და ვაჟს ხომ არ ჩამოუვლიაო, შეეკითხა მომკელსა.

მთელი დღეა ვმკი, სიცხით ვიწვი, რა ამვლელისა და ჩამომვლელისა მცხელა, არავინ მინახავსო, უპასუხა მომკელმა.

დევი გაბრუნდა უკან და გასწვია თავის სახლში.

ვერაინა ვნახე იმათი მნახველიო, უთხრა დევმა თავის ცოლს.

სრულებით არავინ იყოო? ჰკითხა ცოლმა.

როგორ არა, ერთ ალაგას ყანა იყო და მომკელი მკიდა.

მიველ ვკითხე და არავინ მინახავსო.

ისინი შენი ქალ-სიძენი ყოფილანო, უთხრა ცოლმა.

როცა დევი შინ გამობრუნდა, იქცა ქალი ისევ ქალად, მომკელი ვაჟად და გაუდგნენ გზასა.

იარეს, იარეს, დიდი გზა გაიარეს.

დევიც დაბრუნდა ისევ სახლიდან და გამოეკიდა.

ქალმა უთხრა ვაჟსა, აბა, მიიხედე, ხომ არავინ მო-
ჩანსო.

ბუზისტოლად რალაცა ჩანსო, უპასუხა ვაჟმა.

ის მამაჩემიაო, სთქვა ქალმა.

იქცა ქალი დაბურულ ტყედ, ამის ქალწულ გულში მზის სხივი არ ჩავარდებო. ვაჟი იქცა მოხუცებულ კაცად, დადის ტყის პირას და ჩინჩხვრებს ჰკრეფს.

მოვიდა დევი.

ამაზე ქალსა და ვაჟს ხომ არავის ჩამოუვლიაო? ჰკითხა დევმა ბერიკაცსა.

ამ ტყის მადლმა, რაც ეს ტყე გაჩენილა, აქა ვარ და

მე აქ სხვა არავინ მინახავს, შენს მეტი. მოხუცებული ვარ, მე რა გზაზვრების დარდი მაქვსო, უპასუხა ბერიკაცმა.

გამობრუნდა დევი და წავიდა სახლში.

იქცა ტყე ისევ ქალად, მოხუცებული ვაჟად და გაუდგნენ გზასა.

მოვიდა დევი სახლში.

რა ჰქენ, ვერსად დაეწიე, ვერ დაიჭირეო, ჰკითხა ცოლმა.

ვერა, უთხრა დევმა, იმათი მნახველი ძე-ხორციელი ვერა ვნახე. გზაზე ერთი ულრანი ტყე იყო, ერთი ბერიკაცი ჩინჩხვრებსა ჰკრეფდა, სხვა არავინ მინახავსო.

შე გამოყრუებულო, ის ტყე შენი ქალი იყო და ის მოხუცებული—შენი სიძე. უთხრა ცოლმა, ახლა კი მეც წამოვალ და ვნახოთ, სად წამივლენო.

შესხდნენ რაშებზე ორივენი და გამოეკიდნენ ქალსა და ვაჟსა.

მიდიან ქალი და ვაჟი, მისდევენ დევი და მისი ცოლი.

ქალმა უთხრა ვაჟსა, აბა, მიიხედე, ხომ არავინ მოგვდევსო.

ვაჟმა მიიხედა, ბუზისტოლად რაღაცა მოჩანსო.

ის მამაჩემი იქნებაო, სთქვა ქალმა და მიიხედა—ორად მოჩანდა.

ახლა დედაჩემიც მოგვდევს და ველარ გადუჯრჩებითო.

იქცა ქალი უძირო ტბად და ვაჟი იხვად. ლაპლაპებს ტბა და იხვიც არხეინად დაცურავს.

მოვიდნენ დევი და იმისი ცოლიც.


დაეწოთა დევის ცოლი ტბას, დაუწყო სმა, უნდა სულ ამოეცალა. დაუწყო სმა დევმაც. სვეს, სვეს და ორივენი დასკდნენ.

იქცა ტბა ისევ ქალად, იხვი—ვაჟად, გადაეხვივნენ ერთმანეთსა და გადაჰკოცნეს, რომ გადარჩნენ.

შესხდნენ დევისა და იმის ცოლის რაშებზე და გამოსწიეს ვაჟის მამასთან.

ჭირი იქა, ლხინი აქა,

ქატო იქა, ფქვილი აქა.



ბოქმის ყვავილი

იყო და არა იყო რა, იყო შვიდი ძმა. ძალიან მდიდრები იყვნენ, აუარებელი სარჩო-საბადებელი ჰქონდათ; თვალისა და მარგალიტის ანგარიში არ იცოდნენ, მუდამ ლხინსა და გახარებაში იყვნენ, მაგრამ ერთი არც მტერი ჰყავდათ და არც მოკეთე. ქვეყნისა არაფერი არ იცოდნენ.

ბოლოს თქვეს ძმებმა, ასე სიცოცხლეს არ შეიძლება, მოდი წავიდეთ, ან მტერი ვინმე შევიძინოთ და ან მოკეთეო! სთქვეს და აასრულეს.

აჭიდეს შვიდ ცხენს შვიდი საპალნე თვალ-მარგალიტი, აისხეს თვითონაც იარაღი და წავიდნენ—მტრისა ან მოკეთის შესაძენად.

ბევრი იარეს, თუ ცოტა იარეს, მივიდნენ ერთ დიდ ტრიალ მინდორზე. გაიხედეს: სხვა არაფერი არა ჩანს, მთელი მინდორი მარტო ცხვრით არის თეთრად დაფარული და ერთი მეცხვარე უდგას.

ძმები მაშინვე მივიდნენ იმასთან და უთხრეს, ესეა ჩვენი საქმე, გვინდა დავიმოკეთოთ ვინმეო!

მეცხვარეს გაუხარდა. მაშინვე მიიპატიჟა სახლში და მწვენივრად გაუმასპინძლდა. შვილი ჰყავდა მოსანათლი, ისიც მოანათლინა და დანათესავდნენ.

როცა ძმებმა წასვლა დააპირეს, მეცხვარემ იმდენი ცხვარი გაატანა, რამდენსაც კი შეიძლებდნენ და წაასხამდნენ. წამოვიდნენ ძმები გახარებული, რომ კარგი მოკეთე იშოვეს. ცხვარი კი არ უხაროდათ, იმიტომ რომ თავის სარჩოც ბევრი ჰქონდათ.

გავიდა კარგა ხანი. აღარც არაფერი ძმებმა იცოდნენ მეცხვარისა, აღარც მეცხვარემ იმათი. ერთმანეთი აღარ ენახათ.

ბოლოს ძმებმა სთქვეს, მოდი წავიდეთ, ჩვენი ნათლული და ნათლიმამა ენახოთო.

წავიდნენ, ნახეს: აღარსად ნათლიმამა, აღარსად ნათლული, აღარსად ცხვარი, აღარც სადმე მეცხვარე. ძალიან გაუკვირდათ. ბევრი ეძებეს, ბევრი თავიც შეიწუხეს.

ბოლოს ერთი ბებერი ნახეს, ჰკითხეს, მავანი და მავანი მეცხვარე თუ გაგიგონია, რა იქნა, სად წავიდაო?

ბებერმა უთხრა, ღმერთმანი, ეგეთი მეცხვარე დიდი ხანია ამოწყდა, ერთი შვილი დარჩა; სამადლოდ ხან ვინ აქმევს და ხან ვინ. დღეს ერთთან გაძღება, ხვალ მეორესთან; სადაც დაულამდება, იქ გაუთენდება, ერთი თავშესაფარი არა აქვსო.

ძმებმა სთხოვეს ბებერს: ერთი ის ბიჭი გვიპოვე და, რასაც გვთხოვ, მოგცემთო.

ბებერმა მოუყვანა ნათლული. კარგა მოზრდილი ბიჭი იყო. ძმებს ძალიან გაუხარდათ. წამოიყვანეს სახლში. ასვეს, აჭამეს, ჩააცვეს, დაბურეს, დაბანეს და გაურცხეს. გაუშალეს ბუმბულის ლოგინი და უთხრეს, მოისვენეო!

მაგრამ ბიჭმა უარი უთხრა. მე არ შემიძლია, მაგაზე ვერ დავიძინებ, ბანზე ავალ და იქ დავიძინებ. ერთ საბანს კი დავიხურავ ზემოდანო.

ძმები თავს რაღას შეაწყენდნენ, როგორც გენებოსო, მოახსენეს.

ავიდა ბიჭი და დაიძინა ბანზე.

თურმე იმ ღამეს ერთ ხელმწიფის ქალსა და ხელმწიფის შვილს პირობა ჰქონდათ: იმ ბანზე უნდა მოსულიყვნენ და მერე უნდა წასულიყვნენ ჯვრისდასაწერად.

მოვიდა ქალი პირველი. ნახა არსადაა დაპირებული. მივიდა, ასწია საბანს: იქნება ის იყოსო, ის არ გამოჩნდა. ქალმა დიდხანს იცადა კიდევ.

ბოლოს რომ არა და არ მოუვიდა ხელმწიფის შვილი, ქალმა სთქვა, ხომ მაინც მომატყუილა და მომატყუილა, შემარცხინა და, რასაც ღმერთი მაძლევს, მოდი ნუ დავკარგავო. გააღვიძა ვაჟი და უთხრა, ჩქარა წავიდეთ, ჯვარი დავიწეროთ, მე შენ ქძრად მინდიხარო.

ვაჟი რის ვაი-ვაგლახით დათანხმდა, ერთი ღარიბი კაცი ვარ, რასაც არა მხედავ, ამაზე მეტი არც სახლი მაქვს, არც კარი, არც სარჩო-საბადებელი, არც საკმელი, სასმელი და საცმელიო.

არაფერი უშავს, უთხრა ქალმა, ყველაფერი მე მაქვსო.

წაიყვანა ქალმა ვაჟი თავის სახლში. მერე წავიდნენ იქიდან და ერთი ხელმწიფის ქალაქში მივიდნენ. იქირავეს ხელმწიფისაგან სახლი და დადგნენ იმაში.

ის ქალი ისეთი ლამაზია, რომ ხელმწიფე გაგიჟდა იმის სილამაზით.

დაიბარა ნაზირ-ვეზირები და უთხრა, მე ისეთი ცოლი მყავს, რომ ქრისტიან კაცს პური არ ეჭმევა იმასთან და დახეთ, იმ მთიულს როგორი ლამაზი ცოლი ჰყავსო!

რა ვუყოთ, დიდებულო ხელმწიფე, უპასუხეს ნაზირ-ვეზირებმა, ძალით ხო ვერ წავართმევთო!

ხელმწიფემ უბრძანა, ნაზირ-ვეზირებმა ისეთი ღონე იღონეთ, რომ იმას ის ცოლი წავართვათო.

ნაზირ-ვეზირებმა იფიქრეს, იფიქრეს და მოახსენეს, ის მთიული კაცია, არაფერი არ უნახია, სადილად მოვიპატიუოთ. ის წესზე ვერ მოიქცევა, ვერ ადგებ-დაჯდება, გაურისხდი და წაართვი ცოლიო.

მაშისვე გაუგზავნეს ვაჟს კაცი, რომ ხვალ ხელმწიფე აკაბტიეობა სადილზეო.

ვაჟი, ცოცა არ იყოს, შეფიქრიანდა: არ ვიცი, არაფერი მინახია, ან როგორ უნდა ადგომა და დაჯდომა, ან სხვა საქციელი!

ცოცა დაარიგა: რო შეხვიდე, არ გაიცინო; თუ გაიცინოს, შენც გაიცინე, დაილაპარაკონ, შენც დაილაპარაკე!

ბოლოს ექვსი ვაშლი მისცა, სადილი რო გათავდეს, ეს ექვსი ვაშლი თეფშზე დააწყვე და მიართვი ხელმწიფეს. ხელმწიფე ისევ შენ დაგიბრუნებს, დასჭერი და ისევ ხელმწიფეს შესთავაზე. საკმელი რო მოგიტანონ, ყველა საკმელიდან თითო ლუკმა აიღე და გადადგი. მერე ადექ, დაუქარ თავი და წამოდიო.

ვაჟი სწორედ ისე მოიქცა, როგორც ცოცა დაარიგა. სადილი რომ გაათავეს, ადგა, დაუქრა თავი და წამოვიდა.

ხელმწიფე ძალიან გაურისხდა ნაზირ-გეზირებს, თქვე ვირებო, ვირები მართლა თქვენა ყოფილხართ და არა ის მთიული. რაზე შემარცხენით და თავი მომპვით?! ახლა სხვა რამე მოიფიქრეთ, თორემ ცოცხლები ვერ გადამირჩებითო.

ნაზირ-გეზირებმა უთხრეს, სასეირნოდ წაბრძანდით და ისიც დაიბარეთ, რომ თან გახლდეთ. ან წინ წავა, ან უკან დარჩება, არაფერი არ ეცოდინება და გაურისხდითო.

ხელმწიფემ მაშინვე დაიბარა ვაჟი და უბრძანა, სასეირნოდ მივდივარ ხვალ და შენც თან უნდა მახლდეო.

ვაჟს მეტი რა ღონე ჰქონდა! წამოვიდა სახლში ცოლთან დაღონებული.

რას დაღონებულხარ; უთხრა ცოცა, აჰა, ეს ძუა, ეს ბურთი ჯიბეში ჩაიდე და როდესაც იმეო მიუახლოვდები, ძუა გამოხსენი, დანიშნულ ადგილას რო მიხვიდეთ, უცებ მოატრიალე რაში, ბურთი ამოხტება ჯიბიდან და თამაშობას დაიწყებს. რაშიც იმას დაუწყებს თამაშობას და ხელმწიფეც შენ დაგიწყებს ცქერას. გზაზე კი არა და არა ჰქნა

და ან წინ არ წაასწრო, ან უკან არ ჩამორჩე. გააქციონ ცხენები, შენც გააქციე, დააყენონ, შენც დააყენეო.

წავიდა ვაჟი და წაიღო ძუა და ბურთი.

როდესაც ხელმწიფე და დიდებულები სასეირნოდ გამოვიდნენ, გამოხსნა ვაჟმა ძუა და ერთი მშვენიერი რაში მამინვე იმასთან დაიბადა. მოახტა ვაჟი რაშსა და ამოუდგა გვერდში ხელმწიფეს.

გააჩქარებს ხელმწიფე, გააჩქარებს ვაჟიც. ნელა წავა ხელმწიფე, ვაჟი უნელა წავა. იარეს და, როდესაც დანიშნულ ადგილას მივიდნენ, უცებ რაში მოტრილდა და მოაბრუნა.

ამოხტა ბურთი ჯიბიდან და დაიწყეს რაშმა და იმან თამაშობა. მთელი დიდებულები და ხელმწიფეც იღვნენ და პირადლებულები შესცქეროდნენ რაშისა და ბურთის თამაშს.

/ როდესაც მორჩა თამაშობას, დაუკრა ვაჟმა თავი ხელმწიფეს და სახლში გაეშურა.

ხელმწიფე ახლა უფრო. მეტადაც გაუწყრა ნაზირ-ვეზირებს, თქვე ვირებო, მეც ვირად გამხადეთ და გამაბრიყვეთ. იმაზე კარგი და შესაქცევი მხედარი ვის უნახავს?! თუ ისეთი არათფერი არ მოიგონეთ, რომ იმას არ შეეძლოს გაკეთება, ვაი თქვენს ტყავსაო!

ნაზირ-ვეზირებმა ბევრი იფიქრეს, ეძიეს და ბოლოს გადაწყვიტეს: ბოჟმის ყვავილი მოვატანიოთ, იქიდან კი ვერასგზით ვეღარ მოვაო.

წავიდნენ და მოახსენეს ხელმწიფეს. ხელმწიფესაც ძალიან გაეხარდა.

დაიბარა მეორე დღეს ვაჟი და უბრძანა, ბოჟმის ყვავილი უნდა მომიტანოო.

ვაჟმა დაუკრა თავი და გამობრუნდა.

მივიდა ცოლთან და უთხრა, ესე, ესე არის ჩემი საქმე და რა ვქნაო.

ცოლმა უთხრა, წადი, ხელმწიფეს ცხრა თვე, ცხრა დღე და ცხრა საათი ვადა გამოსთხოვე და ჩემთვის კიდევ სასმელ-საქმელიო.

წავიდა ვაჟი ხელმწიფესთან და ყველაფერი ესენი გა-
მოსთხოვა.

მოვიდა ცოლთან, მოუტანა ცხრა თვის საზრდო და
თვითონ კი წავიდა ბოჟმის ყვავილის მოსატანად.

ბევრი ეძებდა, ბევრი იარა, რა სოფელზედაც გაივლიდა,
იკითხავდა, ბოჟმის ყვავილი ხომ არ იცით სად არისო?

ყველა ერთ პასუხს აძლევდა, ჩამვლელი ბევრი გვინახია
ბოჟმის ყვავილის მოსატანად და ამომვლელი ბოჟმის ყვავი-
ლით კი აღარც ერთიო.

ვაჟმა ბევრი იარა თუ ცოტა იარა, მივიდა ბოლოს
ერთ ადგილას,—სამი ყანა დგას, სამი ძმა მკის: ერთი ბო-
ლოს დგას, ერთი შუაზე და ერთიც თავში. მკიან და ვერ
მოუშვიათ.

მივიდა ქვევითა კაცთან ვაჟი და მიესალმა. ერთმანეთს
გამარჯვება უთხრეს და ამბავი ჰკითხეს.

ვაჟმა უთხრა, ბოჟმის ყვავილისთვის ვარ წამოსული და
იქნება იცოდე რამე, მასწავლეო.

ის კაცი ისეთი ბებერი იყო, რომ თეთრი დახავსებული
წვერი წელზე ედო.

ამ ბერიკაცმა უთხრა, მე კი არ ვიცი, და ეგრე იარე,
ზევით რომ ყანასა მკის, ის ჩემზე უფროსი ძმა არის, და
იქნება იმან კი იცოდესო.

გადაუხადა ამ კაცს მადლობა ვაჟმა და წავიდა; შუა-
თანა ძმასთან მივიდა, ნახა, იმ კაცს თეთრი ძლივს ურევია,
ყოჩაღად არის. მიესალმა, გამარჯვება უთხრეს ერთმანეთს.
დასხდნენ, დაისვენეს. სამი დღე აქ მოუგვიანდა ვაჟს, სამი
იმ უმცროს ძმასთან.

ცხრა თვე გასულია და ექვსი დღეც. სამი დღე და
ცხრა საათილა დარჩა ვადა.

ჰკითხეს ერთმანეთს ამბავი და ვაჟმაც უამბო ყველა
თავისი თავგადასავალი და უთხრა, ახლა ბოჟმის ყვავილის
მოსატანად ვარ წამოსული, და არ ვიცი, გავიმარჯვებ თუ
ვერა. იქნება შენ იცოდე, სად არის, როგორია, როგორ იშო-
ვება, მასწავლეო.

კაცმა უთხრა, მე კი არ ვიცი და იქნება ჩემმა უფროსმა ძმამ კი იცოდეს. ეგრე ზევით რო აივლი, ის არის ჩემი ძმაო.

გამოეთხოვა ამასაც ვაჟი, მაღლობა გადაუხადა და წავიდა უფროს ძმასთან.

უფროს ძმას ეძინა. კარებში იმის ცოლი დახვდა, მშვენივრად მიიღო, პატივი სცა და გამოჰკითხა ასე შორს წამოსვლის მიზეზი.

ვაჟმა უთხრა, ბოჟმის ყვაველის მამებარი ვარ და იქნება თქვენმა ქმარმა იცოდესო.

ქმარსა სძინავს, უთხრა დიასახლისმა, გავაღვიძებ, ვკითხოთ, იქნება იცოდესო.

ახადა სკივრს, ამოიღო იქიდან ცხრა წლის ნიშნობის ქოშები, ჩაიცვა და გაიარ-გამოიარა ქმრის ოთახის კარებზე: ეგება ქოშების ხმამ გააღვიძოსო.

გაღვიძა ქმარს და ცოლს უსაყვედურა: რად გამაღვიძეო.

ჩაიხედა სარკეში, ერთი თეთრი თმა გამოჰჩრეოდა, გამოიგლიჯა და გადააგდო.

ცოლმა უთხრა, ეს ყმაწვილი ბოჟმის ყვაველისთვის არის მოსული და ხომ არ იცი, სად არისო.

მოიცადე, უთხრა იმ კაცმა, ჯერ ვისადილოთ, დროება გვატაროთ და მერე გასწავლი. მაგრამ ადვილი კი არ არის მოტანაო!

გაშალეს სუფრა. სადილს რომ მორჩნენ, ქმარმა უთხრა ცოლს, ჩადი და ერთი ნესვი ამოიტანეო.

ცოლი ორსულად იყო და უკანასკნელ თვეში იდგა. ჩავიდა ცოლი ნესვისათვის ძირს, მეოთხე სართულში, ამოიტანა ერთი ნესვი. ქმარმა დაუწუნა: ეს არ ვარგა, სხვა ამოიტანეო.

ჩავიდა მეორედ ცოლი. ამოიტანა კიდევ, ქმარმა ისიც დაუწუნა. ჩავიდა მესამედ ცოლი. ვაჟი ატყობდა, რომ ცოლს ძალიან უჭირდა, სულ ოფლი დაასხა. ქმარი მაინც არ მოეშვა. სანამ ცხრაჯერ არ ჩაგზავნა, ამოატანინა და ჩაატანინა.

ვაჟი ეხვეწებოდა იმის ქმარს: ნუ აწუხებ ცოლს, ცოდო არისო.

მაგრამ იმან არ გაუგონა. ბოლოს უთხრა: ხომ ნახე ჩემი უმცროსი და შუათანა ძმები როგორები იყვნენ და მე როგორი ვარ. მე ერთხელ ჩემ უნებურად გამაღვიძა ცოლმა და მაშინაც თეთრი თმა გამომრეოდა. ისინი უფროსები ეგონება კაცს და მე უმცროსი, იმიტომ რომ ასეთი მასიამოვნებელი ცოლი მყავს. ცხრა წელიწადია ჩემ ცოლს ჩემთვის ერთი ჩემი უნებური სიტყვაც არ ამოსცდენია; მე ამ ჩემს ცოლზე დანიშნული ვიყავი, ჩემი ძმები შემეცვილნენ, დიდხანს არ ვანებებდით ერთმანეთს; ბოლოს უცხო კაცმა ჩამოიარა და გაგვასამართლა: ვინც პირველი დაინიშნეთ, ცოლი იმისი არისო. მას შემდეგ ჩემ უმცროს ძმას ძალღის ყეფის მეტი არაფერი ესმის თავის სიცოცხლეში, შუათანას—ვირის ყროყინის მეტი და მე—მამლის ყივილის მეტი. ბედმა ასე გვარგუნაო.

მერე უთხრა ბოჟმის ყვავილი სადაც იყო. ერთი კლდე უჩვენა, თავი თეთრი ჰქონდა, შუაგული წითელი და ძირი შავი. ისეთი მაღალი კლდე იყო, რომ ჰანდრის წვერი ვერ ასწვდებოდა.

იმ კლდეზე ქაჯის ქალი დაჯდება და გადმოჰფენს თმებს, იმ თმას სულ ბოჟმის ყვავილი ასხნა; იმისი თმა კლდის ძირზე დაეფინება, ვინც მივა, იქ დაიმალება და, თუ იშოვის, მაშინ იშოვის იმ ყვავილს. ბევრი ახალგაზრდა ვაჟი დაღუპა და დაანელა იმან. უნ რო მიხვიდე, ის თმა ხელზე დაიხვიე და თვითონ იცის მერე, მოგკლავს, თუ დაგარჩენსო.

წავიდა ვაჟი და დაჯდა კლდის ძირას.

გამოვიდა ქაჯის ქალი და გადმოჰფინა თავისი ოქროს თმა კლდეზე, ათასნაირი ყვავილით აჭრელებული და აწყვაებული.

მივიდა ვაჟი. დაიხვია, დაიხვია იმისი თმა მკლავზე და უნდოდა დაჭერა. ქალმა სიმძიმე იგრძნო, გაიგო, ვინც იყო მიზეზი, აიწია, აკრიფა თმები და ვაჟი თავის ოთახში გადატყორცნა, თვითონაც თან მიჰყვა. ვაჟი უვნებლად ფეხზე იდგა.

ქალმა ჰკითხა, რა გინდა, რისთვის მოხვედი, რამ გაგაბედინა აქ მოსვლაო.

ბოჟმის ყვაილი მინდაო, უპასუხა ვაჟმა.

ვიცი, რადაც გინდა, უთხრა ქალმა, ნულარ დავიგვიანებთ, ცხრა საათილა არის დარჩენილი, წავიდეთ, მეც წამოვალო.

შესხდნენ ნიავქარის ცხენებზე და გაეშურნენ.

ღამე იყო, რომ იმის ცოლთან მივიდნენ. ჩამოხტნენ კარებზე და ვაჟმა კარები დაუკაკუნა ცოლსა. ქალი გულგახეთქილი წამოვარდა, იმას ეგონა ხელმწიფიანი მოვიდნენ ჩემს წასაყვანადო. თქვე უღმერთოებო, გათენებას მინც მოუტდიდით, რა გაუძღებარი გჭირთო.

კარებს უკან გასანთლული თოკი ჰქონდა ჩამოხმული, თუ ვადა გადავიდოდა და ქმარი არ დაბრუნდებოდა, გაპყიფდა შიგ თავს და დაიხრჩობდა თავს.

ქაჯის ქალმა უთხრა ვაჟს, არაფერი გაქვს განა შენი ცოლისა, რომ აჩვენო, არ შეწუხდესო.

ვაჟს ხელზე ბეჭედი ჰქონდა, გამოიძრო და კარებიდან შეუგდო ქალსა. ცოლს საშინლად გაუხარდა, გაულო კარი და გადაეხვია თავის ქმარსა.

მეორე დღეს ქაჯთა ქალმა გაუგზავნა ხელმწიფეს ბოჟმის ყვაილი და შეუთვალა, დიდებულო ხელმწიფევე, ეს როგორი ხელმწიფე ყოფილხარ, ზღვაზე გამოვიარე და ხიდი არ იღო. სამი ქალი მიშოვე და გამომიგზავნე, მე ხიდს ავეუშენებ, ასწიონ და გადონ ზღვაზეო.


როგორც იყო ის სამი ქალი უშოვა ხელმწიფემ და გამოუგზავნა, თავის ნაწნავეები ხეებად აქცია და უბრძანა იმ ქალებს, ზღვაზე ხიდად გაედოთ. ასწიეს ქალებმა და გააქეთეს ხიდი. თვითონ ქაჯთა ქალიც იქვე ჩაეკრა. ხიდია იმისთანა, რომ კაცი უკეთესს ვერ ინატრებს. შეუთვალა ქალმა ხელმწიფეს, შენი ცოლის გარდა წამოიყვანე შენი დიდებულები და ნახე ხიდიო.


ხელმწიფე წავიდა თავის დიდებულებით, ნაზირ-ვეზირებით ხიდის სანახავად. შედგნენ ზედ და გაისეირნ-გამოი-

სეირნეს. მართლა ძალიან მოეწონათ. მესამედ რომ გაი-
არეს და შუა ადგილას მივიდნენ, ასწია ხიდს ქაჯთა ქალ-
მა, აქცია ხეები თმებად, შეიკეცა და ხელმწიფე თავის ნაზირ-
ვეზირ-დიდებულებით წყალში გადაუძახა, იმათი ლეშით თევ-
ზები დააძღო.

ვაგი ხელმწიფედ დასვა, ცოლიც იმას დაუნარჩუნა.
ხელმწიფის ცოლი კიდევ ხელზე მოსამსახურედ დაუყენა. გა-
მოემშვიდობა და თვითონ კი წავიდა თავის ადგილას.

ჭირი იქა, ლხინი აქა,
ქატო იქა, ფქვილი აქა.
ელასა, ბიჭო, მელასა,
კოკა მეკიდა ყელასა,
მთქმელსა და გამგონებელსა,
ძილი გვაამოს ყველასა.





ს ე რ ო ლ ე ნ ა

იყო და არა იყო რა, იყო ერთი ცოლი და ქმარი-
ცოლი ორსულად იყო. ქმარი გუთანზე იყო, ხნავედა.

ერთხელ ცოლმა სადილი წაუღო. ხურჯინი გადიკიდა-
მხარზე, შიგ მკადები ეწყო და ქილით მაწონი ეღვა.

შუა გზას რომ მივიდა, მუცლიდან დაუძახა ვაჟმა, დედაე,
მომეც მე ავიკიდებ ხურჯინსაო.

სადა ხარ, შვილო, საიდან აგკიდოო, უპასუხა დედამ.

აი, დედილო, აქა ვარო, მოესმა დედას დაბლა მიწიდან,
დაიხედა და ცერისტოლა ვაჟი კი დაინახა. ხელები გაეშვირა-
და იღვა.

მომეცი, დედი, მე წამოვიღებო! არ ეშვებოდა ცერო-
ლენა დედას.

მისცა დედამაც.

აიკიდა ცეროლენამ ხურჯინი, მაგრამ რას წაიღებდა?
ხურჯინი დააწვა ზევიდან, კინალამ დაახრჩო.

წავიდნენ დედა და შვილი მამასთან.

გუთანი რომ დაინახა, ცეროდენამ გაუნიჟა მამას, მამილო, შენ ჩამოდი, მე უნდა დაეუჯდო.

შენ რა ხარ, შე ჩემო პაწაწკინა, უთხრა მამამ, შენ რა უღელზე დასაჯდომი ხარ, ხომ ჩამოვარდი, და გაგჰყლიტეს ხარებმაო.

არა, უნდა დაეუჯდე, და უნდა დაეუჯდო, აინიჟა ცეროდენამ.

ჩამოვიდა მამა. ცეროდენა დაუჯდა, მაგრამ გადმოვარდა და კამეჩის პატივეში ჩავარდა.

ექება მამამ, მაგრამ ვერ იპოვა და ვერა. დაიკარგა ჩვეხი ცეროდენა. ვინ იცის, რა მოუვიდა!

დაღონდა დედაცა და მამაც.

ბედად ცა მოიღრუბლა, წარბი შეიკრა, შავი ღრუბლების ზეწარი გადიბურა, დაიქუხა, დაიგრიალა. გააგრიალ-გამოაგრიალა თავისი რკინის ბურთები ცაზე და კოკისპირულად წამოუშვა წვიმა. წამოვიდა წყალი და კამეჩის პატივეც წაიღო. გაშალა, გაჟანტა და ჩვენი ცეროდენა უვნებლად კი ამოვიდა. გამოირეცხა პირი, ყურები და ისევ ის ბიჭი დადგა. ბედზე ერთი წვეტიანი ჯოხი იშოვა. ცოტათი შესცივდა კიდევაც. წამოვიდა და ვაზების ქვეშ ცეცხლი დაინთო, მოუჯდა გვერდზე და თბებოდა.

ერთიც ვნახოთ მგელი მოძუნძულდა, დაინახა ცეროდენა და ესიამოვნა: ერთი ლუკმა მანაც გამომივიაო.

მივიდა ცეროდენასთან და უთხრა, რომ შეგქამო, რას იზამო.

ვერ შემქამო, უპასუხა ცეროდენამ გულადად. წამოხტა და მგელს თავისი წვეტიანი ჯოხით შეუტია. მგელმა პირი გააღო და ჩვენი ცეროდენა პირში მოიქცია.

მგელს ძვლების ხერაში ერთი კბილი ჰქონდა ახლად-მოტეხილი და საშინლად სტკიოდა. ჩაჯდა იმ ნაკბილარში ცეროდენა და დაუწყო ჯოხით ჩხვლეტა მგელს პირში. მგელს საშინლად სტკიოდა, ეწვებოდა და ღრიალი მორთო; გამოდიო, შეებეწა ცეროდენას მგელი.

ვერ გამოვალ, შენ გინდა ისევ შემქამო, კბილებში რო-

გორმე მიგლო, უპასუხა დინჯად ცეროდენამ, მე აქაც კარგათბილად ვარო.

მგელს კბილი ძალიან ეწოდა. შეჭფიცა ცეროდენას, ოლონდ გამოლი მანდედან და, პირიქით, ოქროს მატყლიან ერკემალსაც გაჩუქებო.

გამოვიდა ცეროდენა კბილიდან. მგელსაც დაუამდა ტკივილი. აჩუქა ერთი ოქროს მატყლიანი ერკემალი ცეროდენას. და თვითონ თავის გზაზე გასწია.

ცეროდენა უდგას თავის ოქროს მატყლიან ერკემალს. და აძოვებს. თან მღერის და უკრავს ჩალის სტვირსა.

ყაჩაღებმა ჩამოიარეს, საყდრის გატება უნდოდათ, მაგრამ რადგან საყდრის კარები შიგნიდან იყო დაკეტილინ. ვერაფერი მოებ ერხებინათ. ცეროდენა რომ დაინახეს, ძალია გაუხარდათ.

წამოდი, უთხრეს ცეროდენას, საყდარში გადაგვამთ. ფანჯრიდან, კარები გაგვიღე და, რასაც გამოვიტანთ, შენც გიწილებთო.

არა მცალიან, ჩემს ერკემალს რალა ვუყუო, უპასუხა ცეროდენამ, ხო მგელი შექამს, მარტოკა რო დავაგლოო?

ყაჩაღებმა არ დაიშალეს, ნახევარს მოგცემთო, უთხრეს და, როგორც იყო, დაიყოლიეს, წაიყვანეს და გადასვეს ფანჯრიდან.

ცეროდენამ გაულო კარები. როცა ყველაფერი გამოალაგეს, ცეროდენამ უთხრა ყაჩაღებს, მომეცით ჩემი ერკემალი და დაპირებული ნახევარიო.

ყაჩაღებმა ნახევარზედაც უარი უთხრეს და ერკემალიც წაართვეს. დარჩა ცარიელი ცეროდენა.

ცეროდენა მაშინვე სოფლისკენ გაიქცა ყვირილით, მღევარი, მღევარი ჩქარა, ყაჩაღებმა საყდარი გაცარცვესო.

მაშინვე დიდი, პატარა გამოვიდნენ ყაჩაღებს, დახოცეს, ის ოქროს ერკემალიც წაართვეს და ის ნაპარავი ნივთებიცა.

ქირი იქა, ლხინი აქა,
ქატო იქა, ფქვილი აქა.



ს ა მ ი ლ ა

იყო ერთი ცოლ-ქმარი; ჰყავდათ სამი ქალი. ძალიან ლარიბაღ იყვნენ. არაფერი ებადათ; მამული არა ჰქონდათ და დედული.

ერთხელ იმ კაცის ცოლი თაროსა სწუმენდა; თაროს წუმენდის ღროს ძირს სამი პურის მარცვალი გადმოვარდა. წაიღეს ეს მარცვლები, გაჩიჩქნეს მიწა და დათესეს. ყანა მოვიდა ისეთი, რომ ავი თვალით არ შეიხედებოდა, ზღვასავით იწვა. თავთავისაგან მისხეპილი და მიწოლილიდა იყო. ცოლ-ქმარიც ძლივს შესცქეროდნენ; სიხარულით ცას ეწეოდნენ.

აი, დამწიფდა მარცვალიც, შემოვიდა ყანა. ყველანი წავიდნენ მოსაძკალად. მომკეს, შეკონეს და დადგეს ექვსფეხიანი უზარმაზარი ძნა. დაანებეს თავი და წამოვიდნენ სახლში.

მეორე დღეს მამამ გაგზავნა უფროსი ქალი ძნის სანახავად. მივიდა ქალი, შეხედა, ძნას ერთი უზარმაზარი გველ-ვეშაპი შემოჰკვრია, სულ შემოსწვდენია ამ ექვსფეხიან ძნას და კუდი პირში უჭირავს, ქალს შიშით გული წაუვიდა.

მოვიდა მამასთან, უთხრა, რომ ასე არის საქმეო!
მამამ ახლა შუათანა ქალი გაგზავნა, ჰკითხე, რა უნდა,
რისთვის მოვიდაო.

ქალი შიშით კინალამ მოკვდა, ვერაფერიც ვერა ჰკითხა.
მერე უმცროსი ქალი გაგზავნა მამამ.

ქალი მივიდა გველვეშაპთან და ჰკითხა, რა გინდა, რის-
თვის მოსულხარ, შეგვატყობინეო.

გველვეშაპმა უთხრა, წადი, მამაშენს უთხარი ერთ-ერთი
ქალი მომცეს ცოლადო.

ქალი წავიდა მამასთან და უთხრა გველვეშაპის დანა-
ბარები.

მამამ უფროს ქალს უთხრა, გაპყვები თუარა, შეილოო?
აბა, რა! უპასუხა უფროსმა ქალმა, აღარაფერს და-
ვუკლებ, მე მაგას ცოლად გავყვეო!

შუათანამაც ისა სთქვა. ჯერი უმცროსზე მიდგა. უმცრო-
სმა ქალმა თქვა, გავყვებით!

წამოიყვანა გველვეშაპმა ეს ქალი და წამოვიდა. წინ
გველვეშაპი მიტურავს და უჯან ქალი მისდევს. იმ სოფელს
რომ გასცდნენ, გადიძრო გველვეშაპმა ტყავი და ისეთი
ვაჟაკი გამოდგა, რომ უკეთესი აღარ იქნება. ქალს ძალიან
გაუხარდა.

ქმარმა უთხრა, ჩენს ქვეყანაში ქაჯურად ლაპარაკობენ;
ჩემმა დედამ რო გითხრას, კოკა გატეხეო, უნდა მიუტანო;
რო გითხრას, წყალი დააქციეო, უნდა მიუტანო; რო გითხ-
რას, თონე დაამტერიეო, შენ უნდა გაახურო; რო გითხრას,
სუფრა ააღაგეო, შენ გაშალე; რო გითხრას, ჯამები დაამტე-
რიეო, შენ მოიტანე.

ასე დაარიგა ცოლი და წავიდნენ.

ქაჯების ქვეყანაში რომ მივიდნენ, დედამთილმა დასაქმა
ახალი რძალი: წყალი დააქციეო, რძალმა აიღო და მიუტანა.
ყველაფერი ისე აასრულა, როგორც ქმარმა დაარიგა. ძალიან
უკვირდა ყველას, ახალი მოსული არის და როგორ იცის ყვე-
ლაფერი აქაური რიგი და წესიო.—ყველამ მოიწონა და
შეიყვარა.

ქალი დაორსულდა. მშობიარობის დრო რომ მოახლოვდა, წინაწევად მამის სახლში, სამშობლოში წაიყვანეს. დებს ძალიან შეშურდათ იმისი ქმარი და ცხოვრება.

მოილოგინა ქალმა. ვაჟი ეყოლა. ქმარიც მოუვიდა. როცა წასვლა დააპირეს, უფროსმა დამ გაყოლა მოინდომა.

დამ უთხრა, ნუ წამოხვალ, ჩემი დედამთილი ბოროტია, შენ ის არ მოგასვენებსო.

ქალმა არ დაიშალა და გაჰყვა.

გზაზე რომ მიდიან, ცოლისდამ უთხრა სიძეს, ბავშვი დედას უჭირავს ხელში, ბავშვს მე გამოვართმევ, შენ წინ წადი და მოგეწვეითო.

ვაჟი წავიდა წინ და დები უკან მიდიან.

გზაზე ერთი მსხმოიარე ვაშლი შეხვდათ. ძალიან მაღალი იყო და გლუვი, უტოტო.

დამ უთხრა უმცროს დას, მოდი, დაო, ჩემი ტანისამოსი ჩაიცვი, შენი ტანისამოსი აღარ დაგეხვება, მე გიზურგულეებ, აღი ამ ვაშლზე, დაკრიფე, სანამ ჩამოხვალ, ბავშვს მე დავიკერო.

რას იფიქრებდა საბრალო დედა? შვილი დას მისცა, დამ უზურგულა და ქალი ისე ავიდა ვაშლზე. იმან ვაშლს დაუწყო კრეფა. ქალმა აიყვანა ვაჟი ხელში და გზას გაუდგატირის ბავშვი, ტირის, სულ მუშტიტოლა ცრემლებს აბნევს, მაგრამ ვინ უდგებს ყურს?!

ზის ქალი ვაშლზე და ესმის შვილის ტირილი. ვერ გასძლო და დაუძახა დას:

ნუ მიტირებ წულსა, ყრმასა

შემომისვი ქანდარასა,

მოგიწოვებ პატარასა.

ამ ქალმა სიძე რომ დაინახა, დაუძახა, მოიცადე, ადამიანო, რძე გამიშრა და ბავშვი მიტირისო.

დაუტადა კაცმაც. იმასაც თავისი ცოლი ჰგონია, რაკი ისე არის მორთული, როგორც იმისი ცოლი.

წამოვიდნენ შინ და წამოიყვანეს ვაჟიც.

და რალა უყავ, რო აღარ არის აქაო, ჰკითხა გველგეშაპმა.

მე ვუთხარი, რო ჩემს დედამთილს ვერ გაუძლებ-მეთქი
და უკან დაბრუნდაო.

მივიდნენ სახლში.

დედამთილი ეუბნება, რძალო, ლიტრა გატეხეო!

ისიც აიღებს, დასცხებს და ჩახ!

ჯამები დაამტვრიეო! — ისიც აიღებს, დასცხებს და ამ-
ტვრევს!

თონე გატეხეო!

აიღო ცული, დასცხო და დაამტვრია!

ყველამ ეჭვი შეიტანა; აქ რალაც ამბავიაო!

რაკი რძე არა ჰქონდათ, ერთი ძროხა ჰყავდათ და იმის
რძით დაუწყეს ბავშვს ზრდა. როდესაც ცოტა მოიზარდა,
წაიყვანდა ხოლმე თავის ძროხას მინდორში და თვითონაც
იქ ეღვა და აძოვებდა...

დედა ვაშლზე რომ დარჩა, იმდენი იტირა, იმდენი
იჭირა, რომ ცრემლად და სისხლად ჩამოიშალა მიწაზე. სა-
დაც იმისი სისხლი და ცრემლი მოხვდა, ისეთი ლერწამი
მოვიდა, როგორც ტყე. ათასნაირი ყვავილი და ბალახი
გაიშალა.

ერთხელ პატარა ბიჭმა წაიყვანა ძროხა და იმ ვაშლთან
მივიდა. მოსტეხა ერთი ლერწამი, ფჩხილთ გააკეთა სტვირი,
დაუყრა და დაუყრა. სტვირი უკრავდა და თან იძახდა:

— სტვირო, სტვირო,

რასა სტირო?

— მე დედაშენი ვშავდები,

შენ ჩემი შვილი ბრძანდები!

სტვირი სულ ამას იძახდა. ვაჟმაც მიიკრა გულში სტვი-
რი და აღარ იშორებდა გულიდან.

სახლში რომ მოვიდა, მოიტანა, დაუყრა და სტვირმა
ისევ ის სიტყვები დაუყრა...

ქალს ეს გულზე ცეცხლად წაეკიდა. წაართვა სტვირი
ბავშვს და დაუმტვრია, მაგრამ ნატეხი სტვირი ისევ უკრავდა
და იძახდა:

— სტირო, სტირო,
რასა სტირო?

— მე დედაშენი ვშაედები,
შენ ჩემი შვილი ბრძანდები!

ქალმა გაიგონა კიდეც, წაართვა ნამტვრევებიც ბავშვსა და თონეში ჩაყარა. ნამტვრევები რომ დაიწვა, ნაცრისა ქალის სახე გაკეთდა და მიესვენა თონეზე. ბავშვიც იქვე იჯდა და ჩასტიროდა თავის სტირისა.

ჩაიხედა იმ ქალმაც და დაინახა თონეში ქალის სახე. გაცეცხლდა, გაბრაზდა, ამოაღებინა ნაცარი და ბანზე დააპნეენა.

ბანზე ერთი მშვენიერი ალვის ხე ამოვიდა. ნახა გველ-ვეშაპმა, ძალიან გაუხარდა; აატანინა ლოგინი და დაიდგა იმის ქვეშ.

ღამე, რომ დაეძინებოდა, ჩამოჰხრიდა ალვის ხე ტოტებს და ჩაეკონებოდა მძინარე ქმარსა.

ქალი კი სიბოროტითა კვდებოდა. მოივადმყოფა თავი და უთხრა ქმარსა, თუ მაგ ალვის ხეს მოსჭრით. მაგის ვარცლს გააკეთებთ და შიგ იმ ვარცლში მაბანებთ, ხომ კარგი, მოვრჩები, თუ არა და მოვკვდებიო.

ჯანაბას შენი თავი, თუ მოკვდები, უპასუხა ქმარმა, მოკვდი, მორჩი და მომასვენეო.

გველვეშაპი სანადიროდ წავიდა.

ცოლმა მუშებს დაუძახა და მოაჭრევინა ალვის ხე, გააკეთებინა ვარცლი, მაგრამ არ გაიბანა კი; რომ ავად არ იყო, რას გაიბანებოდა?

მოვიდა ქმარი. ძალიან ეწყინა და გაჯავრდა, მაგრამ ჯავრობით რაღას უშეელიდა?

ერთი იმ ალვის ხის ნაფოტი ერთი უშვილო ბებრის ბანზე დაეცა. იპოვა ბებერმა, შეიტანა და სახაშეს დააფარა.

ბებერი რომ საღმე წავა, ის ნაფოტი გადაიქცევა ქალად, დაჰგვის, დაარაკრავებს იქაურობას, დარეცხავს ჯამ-ქურჭელს, დაალაგებს, ისევ ნაფოტად გადაიქცევა და ისევ სახაშეს დაეფარება.

მოვა ბებერი, დაინახავს დაგვილ-დაწმენდილ სახლს, დარეცხილ-დასუფთავებულ ჭურჭელს, უკვირს. მიდის მეზობლებში და ზოგ ვის ეუბნება მადლობას, რომ მაგრე უვლით ჩემ სახლსაო, ზოგ ვისა.

ბოლოს ყველამ უთხრა, შენს სახლში ფეხიც არ შეგვიდგამს, არც დაგვიგვია და არც დაგვისუფთავებია. იქნება ვინ იყოს, უყარაულე და მოატანე სახლში. რო გამოხვიდე, კარებს უკან დაიმაღე და უცქირეო.

ბებერი სწორედ ისე მოიქცა, როგორც უთხრეს.

დაიმალა კარებს უკან და დაუწყო ცდა.

ნაფოტმა იფიქრა: ახლა კი წავიდა ბებერიო, იქცა ქალად და დაუწყო სახლს დაგვა და დაწმენდა. მიეპარა ბებერი, სწვდა და დაიპირა.

— ვაიმე!— დაიწვილა ქალმა.

— ნუ გეშინიან, შეილო, შენ შეილი და მე დედა,— უთხრა ბებერმა,— დმერთმა სხვა შეილი არ მომცა და შენ მაინც იყავ ჩემი შეილი.

ქალსაც ძალიან გაუხარდა. ამას იქით ერთად იყვნენ და ცხოვრობდნენ ტკბილად.

ერთხელ ქალი შეეხვეწა ბებერსა, შენი ჭირიმე, ჩემო დედაე, აქ რომ ვეშაპია, ის დავპატიყოთ, იმის ცოლიცა და შეილიცაო.

ბებერმა ნება დართო, რატომ არა, შეილო, ვინც გინდა, მე რა წინააღმდეგი გაგიხდები, დავპატიყოთ, თუკი ვინმე გესიამოვნებო.

გამართა ქალმა სადილი და მიიპატიჟა თავისი ქმარი, შეილი და და.

სადილზე სადღეგრძელოები რომ ჩამოარიგვს და ყველამ მიირთვა, ქალმა აიღო ჭიქა, დაასხა ღვინო და დალოცა.

— გაცოცხლოს შენ, ჩემო ქმარო, შენც, ჩემო შეილო და შენც, ჩემო დაო!

ქმარს აქამდისაც ეცნობოდა ეს ქალი, გულიც შეუყარდა და ახლა კი დარწმუნდა, რომ იმის ცოლი ეს იყო.

ქალმა დაწვრილებით უამბო ყველაფერი. მოაბა ქმარმა

ის მოლაღატე ქალი ცხენის ძუას და დააჩქლეთინა. თვითონ
ისევე თავისი წინანდელი ცოლი შეერთო და ბედნიერად
იცხოვრეს.

ქირი იქა, ლხინი აქა,
ქატო იქა, ფქვილი აქა.





მუჭა-ნახევარა.

იყო და არა იყო რა, იყო ორი კაცი. ერთი ქოთანს ლობიო ჰქონდათ, მარილი კი აღარა ჰქონდათ, რომ შეჭამადისათვის დაეყარათ. შედგეს შეჭამადი.

ერთმა უთხრა მეორეს, ხომ ხედავ, მარილი არა გვაქვს, წადი ქალაქში და იყიდე მუჭა-ნახევარი მარილიო.

დამავიწყდება, უპასუხა მეორე კაცმა, როგორ დავიხსომოო.

წადი და გზაზე სულ ის იძახე: მუჭა-ნახევარი, მუჭა-ნახევარი-თქო.

წავიდა ეს კაცი მარილის საყიდლად ქალაქში. გზაზე ერთი კაცი დაინახა, მოუხნავ მამულში პურსა თესავს და თან იძახის: ერთი ათასად, ერთი ათასადო!

გაიარა კაცმაც და თან ყვირის: მუჭა-ნახევარი, მუჭა-ნახევარიო!

მთესველს ბრაზი მოუვიდა, მე ერთი ათასად მომივიდეს, იმას ვითხოვ და შენ მუჭა-ნახევარს ამბობო. დაიჭირა და მაგრა სცემა, გული რომ მოიჯერა, თავი დაანება.

კაცმა უთხრა, რათა მცემ, რა დაგიშავე, კინალამ მომ-
კალიო!

იმიტომ გცემე, უპასუხა მთესველმა, რომ მე ვიძახოდი
ერთი ათასად და შენ—მუჭა-ნახევარსაო!

მაშ როგორ უნდა მეთქვაო, ჰკითხა კაცმა.

ერთი ათასად, ერთი ათასად და ბევრსაც დაგიმადლებ-
დიო, უპასუხა მთესველმა.

წავიდა აქედან მარილის მყიდველი და ერთ სოფელში
მივიდა.

კაცი ვინმე მომკვდარა და მარხავენ. გაუარა გვერღზე
ამ კაცმა და დაუძახა, ერთი ათასად, ერთი ათასადო!

გამოუხტნენ ეს მკვდრის პატრონები, მიაბრტყეს და
მიაბრტყეს. გული რომ მოიჯერეს, თავი დაანებეს.

რაზე მკლავთ, თქვე ურჯულოებო, მაშ როგორ უნდა
მეთქვაო, ჰკითხა მარილის მყიდველმა.

როგორა და ასე უნდა გეკნა: უნდა მოსულიყავ, ქუდი
მოგებადა და გეთქვა: ღმერთსა ვთხოვ, რომ ეგ ამბავი პირ-
ველი და უკანასკნელი იყოს თქვენს ოჯახში-თქო! პატივსაც
ბევრსა გცემდით და გაგისტუმრებდითო!

წამოვიდა იქიდანაც მუჭა-ნახევარა და ერთ ადგილას
ნეფიონს შემოხვდა. მოიხადა ქუდი, დადგა და დაუძახა,
ღმერთსა ვთხოვ, რომ თქვენს ოჯახში ეგ ამბავი პირველი
და უკანასკნელი იყოსო!

გადმოუხტნენ მაყრები, დადეს, მიაბრტყეს და მიაბრტყეს,
რაც სიგრძე ჰქონდა, ის სიგანე მისცეს. გული რომ იჯერეს,
თავი დაანებეს.

მუჭა-ნახევარმაც, როგორც იყო, მოიბრუნა სული და
უთხრა მაყრებსა, რაზე მკლავთ, რა დაგიშავეთ? მე ეგრე მა-
სწავლეს, მაშ როგორღა უნდა მეთქვაო.

მაყრებმა უთხრეს, უნდა ქუდი მოგებადა, მოსულიყავ
და სულ „ნეფეს გაუმარჯოს“, „ნეფეს გაუმარჯოს“, გეყვირაო.

ამათ რომ გადარჩა მუჭა-ნახევარა, ისევ თავის გზას
გაუდგა. მას ცემისაგან გვერდები სტკიოდა. იმასლა ფიქ-
რობდა: როგორა ვთქვა, რომ ვინმე შემომხვდესო.

გზაზე ერთ მონადირეს შემოხვდა. მიწაზე მტრედები ისხდნენ, მონადირეს შემოუყენებია ჩახმახი და ეპარება მტრედებს. მუჭა-ნახევარამ მაშინვე მოიგლიჯა ქული და „გაუმარჯოს“ ძახილით გაიქცა მონადირისაკენ. მტრედებმა რომ დაინახეს თავისკენ მიმავალი კაცი, აფრთხილდნენ და გაფრინდნენ.

წამოხტა მონადირე და გაიქცა კბილების კრაქუნით მუჭა-ნახევარასაკენ. სდო და სდო თოფის კონდახი ზურგში, იმდენი სცემდა, კინაღამ სული ამოაპარა. ბოლოს გული რომ მოიჯერა, დაანება თავი.

მუჭა-ნახევარამ ჰკითხა, სამართალი აღარა გაქვს, კაცო, რო მცემ, რათა მცემ, რა დაგიშავე? მაშ როგორ უნდა მოვქცეულიყავ, ან რა მეთქვა, ან რა მექნაო?

მონადირემ უთხრა: ხმა არ უნდა ამოგელო, უნდა დაკუზულიყავ და ისე გაგველო; მტრედები ვეღარ დაგინახედნენ და აღარც ეს კონდახი მოგხვდებოდაო.


მიდის მუჭა-ნახევარა და ღობეს მიადგა. დაიკუზა და ისე მიიპარება ღობის ძირზე. ოთხ კაცს ფულიანი ქისა დაუკარგიათ და ეძებენ. მუჭა-ნახევარა რომ დაინახეს როგორ მიიპარება, გამოუდგნენ, სტაცეს ხელი ჩოხის ბოლოში და დაიჭირეს.

სად მიიპარები, შე ყაჩაღო და არამზადა, შენა, იპოვე და ჰმალავო?! უდეს და უდეს.

იმდენი სცემეს საწყალ კაცს, რომ შინამდის ფეხები ვეღარ მიათრია...

ჭირი იქა, ლხინი აქა,
ქატო იქა, ფქვილი აქა.





სოვდაგარი და გლახა

იყო და არა იყო რა, იყო ერთი სოვდაგარი. ჰქონდა ბევრი ფული.

ერთხელ სოვდაგარი ერთ დიდ შარაზე მიდიოდა. წინ გლახა შემოსვდა და ხელი გაუშვირა მოწყალეებისათვის.

სოვდაგარმა შეხედა გლახას და პატროსან კაცად ეჩვენა, იფიქრა: მოდი, რაც იქნება, იქნება და ერთი მაგას კი გავამდიდრებო.

მიუბრუნდა გლახას და უთხრა, ახლა არა მაქვს ფული ჯიბეში, ამა და ამ დღეს ამოიარე ამ გზაზე, იმ დიდი ქვის ქვეშ ნახავ ფულს, გამოიღე და წაიღეო.

გასცდა სოვდაგარი გლახას და წავიდა თავის გზაზე.

გამოვლის დროს მართლა ერთ პარკში ჩაყარა ასი თუმანი, ასწია ქვას და ამოუღო ქვეშ.

გამოიარა გლახამ, ასწია ქვასა და მართლაც იპოვა ფულიანი პარკი. გლახას ძალიან გაუკვირდა: მოწყალეობა ერთი კაპიკია, ორი კაპიკია, ერთი შაურია, ბევრი-ბევრი ერთი

მანეთია და ეს ასი თუმანი რა ხათაბალა არის. იქნება აქ სხვაც რამ იყოსო.

აილო ბარი და დაუწყო თხრა. კარგა რომ გათხარა მიწა, ბარი ქვევრის სარქველზე აჩქამდა. ამოთხარა გლახამ და აღმოაჩინა უთელავე ხაზინა. გლახამ მაშინვე გაზიდა ეს ფული ქალაქში, ააშენა სახლები, შეირთო ცოლი და დაიწყო ხელმწიფესავით ცხოვრება.

გავიდა რამდენიმე ხანი. სოვდაგარი მრავალნიარ სნეულებით დაავადდა, მრავალ საშუალებას მიმართა მორჩენისათვის, ბევრს ჰკითხა რჩევა, მთელი თავისი ცხოვრება სულ ექიმებზე გადააგო, მაგრამ არ იქნა—ვერაფრით მორჩა. გაღარიბდა, გასაწყლდა, აღარა ებადა რა, რომ ეჭამა, დადიოდა და თხოულობდა მოწყალებას. ქალაქი შეაწუხა ამის თხოვნამ, ბოლოს მოინდომეს გაძევება.

იმ ქალაქში წინანდელმა ნაგლახაკარმა ააშენა გლახებისათვის სახლი და აქმევდა და ასმევდა, აცმევდა და ინახავდა ყველა გლახას, ვინც იმას კარებზე მიადგებოდა.

გაიგონა ნასოვდაგარმა, რომ ამა და ამ ადგილას გლახებს მოწყალებას აძლევდნო; თვითონაც იქ წავიდა და მივიდა იმისგან გამდიდრებული გლახის კარზე. იცნო ნაგლახაკარმა, შეიყვანა შინ და დაუწყო ძმასავით მოვლა.

სადილსა და ვახშამზე დაისვამდა გვერდზე და თავისთან აქმევდა პურს. მართლა ბევრს ეუბნებოდა ცოლ-შვილს ნაგლახაკარი: ამისაგან გაემდიდრდითო, მაგრამ ცოლ-შვილს ეზიზღებოდა იგი.

ბოლოს ერთი ექიმი გამოჩნდა. იმან თქვა, მე მოვარჩენ მაგასაო.

გლახას ძალიან გაუხარდა, მაგრამ მალე ექიმმა უთხრა, თუ მაგ შენ შეილებს დაჰხოც და იმათ სისხლში ვაბანებთ,—მორჩება, არა და—არაო.


დაფიქრდა ნაგლახაკარი და თქვა, დიდება შენთვისა, ღმერთო! ეგ სოვდაგარი რო არა ყოფილიყო, ხომ არც ჩემი შვილები იქნებოდნენო.—შეაყვანინა შვილები ოთახში, აასრულებინა ექიმის რჩევა.

სოვდაგარი მაშინვე გასაღდა. სადილზე დასხდნენ და მოიმხიარულეს თავი. ნაგლახაკარი კი დაღვრემილი იჯდა. ცოლმა ჰკითხა, რას დაუძმარებია, ბავშვები რატომ გვერდზე არ გისხედან ჩვეულებისამებრო.

შედი, გამოიყვანე, აიმ ოთახში არიანო, მიუშვირა ქმარმა ხელი, სადაც დახოცილი ბავშვები ეყარნენ, და ახლა შენ დაისხიო.

შევიდა დედა. ბავშვები თამაშობდნენ და ხტუნაობდნენ.

დედამ ბავშვები მიუსხა სუფრას. სოვდაგარს აჩუქა ათასი თუმანი და გაისტუმრა.





ზღაპარი უხეიროსი

იყო და არა იყო რა, იყო ერთი ცოლ-ქმარი, — ღარიბებო და უქონლები. ერთი ვაჟი მიეცათ, დაარქვეს „უხეირო“, მაგრამ ვერ გაზარდეს, ძუძუ არ ჰყოფნიდა.

წაიყვანეს ქალაქში, იქნება სამადლოდ ვინმემ აიყვანოსო.

ხელმწიფემ აიყვანა-და დაუწყო ზრდა. მაგრამ ეს ბავშვი ისეთი მკამელი გამოდგა, რომ ძლივს აძლებდნენ. როცა მოიზარდა, თითო თონე პური და თითო ცხვარი არა ჰკმაობდა. როცა ვაჟაკი გახდა, მაშინ ხომ ველარაფრით ველარა აძლებდნენ. რამდენიმე ხარს ერთად შიკამდა და იმდენსავე კოკა ღვინოს დაღვედა, მაინც ისე იყო, თითქოს არაფერი უჭამიაო. გაბეზრდა ხელმწიფე; ხაბაზები პურის გამოცხოებას ვერ ასწრებდნენ და მზარეულები მოხარშვას.

რაკი ყველა გაბეზრდა, ხელმწიფემ დაიბარა უხეირო მისცა ორასი თუმანი ფული, ერთი გუთნეული ხარკამეჩი-და გავზავნა მამასთან.

მოვიდა დედ-მამასთან უხეირო, მაგრამ ერთი-ორი დღეც ვერ დარჩა. რა უნდა ექამა, რით უნდა გაეძლო მუცელი? ადგა და ისევ ხელმწიფეს მიადგა კარებზე. ხელმწიფეს უხაროდა: ეგ არის მოვიშორე თავიდანაო, მაგრამ, რაკი ისევ კარებზე მიადგა, რაღას იტყოდა! იფიქრეს, ამას ძალით ვერ გავაგდებთ და ისევ ისა სჯობია ხერხით მოვიშოროთ როგორმეო.

საშინელი ღონიერი იყო უხეირო, იმის ღონისა კაცი არავინ იყო.

უბრძანეს, ამა და ამ ადგილას რომ დიდი მთა არის და მთაზე ტყე, იმ ტყიდან უნდა შეშა მოიტანოო...

ეს ტყე ორასთავიან დევს ეკუთვნოდა; იმის შიშით ნიავეიც კი ვერ გაიჭურხნებდა, ფრინველიც ვერ შეფრინდებოდა იმ ტყეში.

— მომიტანეთ ცული!—დაიძახა უხეირომ.

მოუტანეს აღმასის ცული. შემოჰკრა იქვე კედელს და სულ მიაფშვნიტა. გაუკეთეს ათფუთიანი, ისიც მიაშტვრია. ბოლოს ოცფუთიანი გაუკეთეს. გაიდვა მხარზე და გასწია დევების ტყისაკენ.

მივიდა ტყეში. შემოჰკრა წიფლებს, სულ ჩხირებივით დაამტვრია. დგას ერთი ლეწა-მტვრევა და ჩახაჩუხი.

გაიგეს დევებმა და გამოქანდნენ მაშინვე. არ მოგიკვდეთ უხეირო, არც შემდგარიყოს და არც გაქვეულიყოს! სტაცა ორივე დევს ხელი, ამოიჩარა ილიის ძირში, მიიყვანა, შეაბა კამეჩივით, დაუწყო ეს მთელ-მთელი წიფლები და დაირეკა; სულ გუგუნით მიატანინა ხელმწიფის კარებზე.

ხელმწიფეს მოახსენეს, გამობრძანდი, რამდენი შეშა მოიტანა უხეირომაო.

გამოვიდა ხელმწიფე, კინლამ გული წაუვიდა ამ დევების დანახვაზე.

მოსხნა უხეირომ შეშა დევებს, ახსნა უღელი, გაუშვა ნებაზე და უთხრა, კაცის ნათესავს ამას იქით აღარა ავნოთ რაო!

გავიდა ხანი.

დაუწყეს უხეიროს, უნდა წახვიდე და უკვდავების წყა-
რო მოიტანო.

უხეირო რა უარს იტყოდა! ეს იყო, რომ არ იცოდა, საითკენ იყო ის უკვდავების წყარო. ამ უკვდავების წყაროს-
ორი ბულა კამეჩი ჰყარაულობდა. ეს კამეჩები რომ დაინახავ-
დნენ იქითკენ მიმავალ კაცს, გაექანებოდნენ, დაეჯახებოდნენ
და გაჰყლტდნენ.

უხეირომ უთხრა, წავალ და მომეცი, რით მოვი-
ტანო.

მოუტანეს გოზაურები. სთხლიშა ერთმანეთს და დაამ-
სხვრია.

ბავშვი ხომ არა ვარ, ამეებით სად წავიდე. მომი-
ტანეთ დიდი რამეო.

ახლა ქვევრები მოუტანეს. ჰკრა ეს ქვევრებიც ერთმანეთს
და დაამსხვრია.

მომიტანეთ დიდი რამეო!

მაშინ მოუტანეს ორი ას-ას კოკიანი რუმბი, გადიწყო
მხარზე და გასწია.

ბეერი იარა თუ ცოტა იარა, მივიდა უკვდავების წყა-
როსთან. გამოექანნენ კამეჩები, უნდა დაეჯახნენ და გაჰყლი-
ტონ. სტაცა უხეირომ ყურებში ხელი, დაგრია სქელი შიმე-
ლები, მოგლიჯა ერთი ჭადარი, დაადო კისერზე ულლად, შე-
აბა კამეჩები, მერე რუმბები დაავსო, გადაჰკიდა უღელზე
დასცხო და დაირეკა კამეჩები ხელმწიფისკენ.

ხელმწიფეს მოხსენდა, უხეირო თვითონაც უჭირველი
მოვიდა, კამეჩებისათვისაც ის რუმბები მოუბამს და მოი-
ტანაო.

ხელმწიფემ რომ ეს კამეჩები დაინახა, კინალამ გული
გაუსკდა, ჯერ უხეიროს ვერ ვუძღვებდი, მაგათ სადლა გავუძ-
ლო; უთხარით კამეჩები ისევ გაუშვასო.

უხეირომ გამოუშვა კამეჩები, მოსცხო თითო-თითო
სახრე და გარეკა, გასწით, როგორც გიცხოვრიათ, ისევ ისე
იცხოვრეთო.

მაინც კიდეც არ დაწმნდა ხელმწიფის წყალი. კიდეც

ვძებდა მიზეზს, სადმე იმისთანა ადგილს გაეგზავნა უხვირო, რომ დაღუპულიყო.

ერთ ადგილას ელიას ყანა იყო. ასი დღის მიწას გარს სულ გალაგვანი ევლო და შიგ ყანა ეთესა.

უხვიროს უთხრეს, ეს ცხვრის ფარა უნდა ელიას ყანაში გარეკო და აძოვო.

გაირეკა უხვირომ ერთი ფარა ცხვარი ელიას ყანისკენ. შერეკა ყანაში, ფარას თავი მიანება, თვითონ წამოწვა და დაიძინა.

გადმოიხედა ელიამ. ხედავს იმის ყანას ცხვარი შეჰსევია და აოხრებს. დაუშვა და დაუშინა სეტყვა, ისეთს ისვრის, სულ ხის ტოტებს ამტვრევს. ეს ფარა ისე გაწყვიტა, რომ ერთი თხალა დარჩა, ისიც სადღაც ჯაგებში შემძვრა და ამიტომ გადარჩა. ამ უხვიროს კი აინუნშიაც არ მოსდის, სძინავს გულიანად.

ელიამ, რაც ძალა და ღონე ჰქონდა, არახუნა სეტყვა, მაგრამ მაინც ვერ გააღვიძა. მაშინ განრისხებული გადმოვიდა და დააწვა უხვიროს ზევიდან. წამოდგა უხვირო, გაღიბრუნა ელია და დააჯდა ზევიდან.

ამიშვიო, უთხრა ელიამ.

უხვირო არ უშვებს.

ამიშვიო, სთხოვა კიდევ ელიამ.

დამლოცე და აგიშვებო, უთხრა ელიას უხვირომ.

მაშინ დალოცა ელიამ, რომ ჯერზე ნახევარი პური ეჭამა, ნახევარი ჩარეკა ღვინო ესვა და ნახევარი გირვანქა ხორცი ეჭამა. აუშვა უხვირომ და გამოსწია თავის გზაზე.

ახლა კი დედ-მამისკენ წამოვიდა. იმათი ნახვა მოუნდა.

ცოტა ხანს იყო უხვირო თავის დედ-მამასთან. ისევ გმირობის სურვილმა მოუარა. ველარ დადგა დედ-მამასთან, ადგა და წაივდა თავის თავის საცდელად.

ბევრი იარა თუ ცოტა იარა, უცხო ქვეყანაში გავიდა.

შეგხედოთ, ერთი დევი მორბის და თან ერთი გორა უჭირავს და ბურთივით მოაქვს. დადგა უხვირო და დაუწყო ცქერა, კაცო, მე ლამის ქალამნებიც გავიხადო და შენ მაგოდენა გორა სად მიგაქვსო.

ხელმწიფის კარზე რომ უხეიროა, ის უნდა გამოვ-
ცადო.

გამოართვა ეს გორა უხეირომ, მოიქნია და სამი მთის
იქით გადისროლა. მერე უთხრა დევს, მეძმობი თუ მეყ-
მობიო.

გეძმობიო, უთხრა დევმა.

ემძო დევი და ორივენი წავიდნენ.

მოდიან და ერთი დევი მორბის. ხელში ორჯერ იმაზე
დიდი გორა უჭირავს და მოათამაშებს.

სად მიხვალ, კაცო, მე ლამის ქალანებიც გავიხადო,
ფეხებს ვერ დავათრევ და შენ მაგოდენა გორას მიაბრვი-
ნებო? ეკითხება უხეირო.

ხელმწიფის კარზე რომ უხეიროა, ის უნდა გამოვ-
ცადო.

გამოართვა უხეირომ გორა და ორ მთას იქით გადაის-
როლა. მერე უთხრა: მეყმობი, თუ მეძმობიო,

გეძმობიო, უპასუხა დევმა.

ემძო და წავიდნენ.

მოდიან და ახლა მესამე დევი შემოხვდა. იმასაც ორ-
ჯერ მეტი გორა დაუჭერია, ვიდრე მეორე დევსა, და ბურ-
თივით მოაქანებს.

კაცო, სად მოგაქვს მაგოდენა გორა, მე ცარიელამ
ლამის ქალანებიც გავიხადო, ეუბნება უხეირო.

ხელმწიფის კარზე რომ უხეიროა, იმას აქებენ და
იმის საცდელად მივდივარო.

შორს სიარული რად გინდა, უპასუხა უხეირომ, უხეი-
როც მე ვარო.

გამოართვა გორა, მოიქნია და ერთი მთის იქით გა-
დააგდო.

მეყმობი, თუ მეძმობიო, ჰკითხა დევსა.

გეძმობიო, უთხრა დევმა.

ემძო და წავიდნენ ოთხნი ძმადშეფიცულნი.

ბევრი იარეს თუ ცოტა იარეს, მივიდნენ თეთრი დევის

სამფლობელოში; ტყეში დადგნენ. არც პური აქეთ, არც ცეცხლი.

უხეირომ დევებს უთხრა: უნდა წახვიდეთ და, სადაც იყოს, შეშა და პური იშოვოთო.

დევები ისე დაშინდნენ, სულ კანკალმა აიტანა, შიმშილით რომ დაეხიოცნეთ, თეთრი დევის შიშით იქ რა მიგვიყვანსო.

ადგა მაშინ უხეირო და თვითონ წავიდა, მე თვითონ მოვიტანო.

შორს დაინახა ცეცხლის ბოლი. მიჰყვა, მიჰყვა და დევის დედასთან მივიდა.

— დედაშვილობას, ორიოდე პური და ცეცხლი გამომიტანე, პური მშვიან.

— შენ ვინა ხარ?—ჰკითხა დევის დედამ,—ჩემი შვილის შიშით ფრინველსაც ვერ გადუფრენია ცაზე და რა სულეერი ხარ, აქ რომ მოსულხარ; წადი ჩქარა, თავს უშველე, თორემ ჩემი შვილი სანადიროდ არის, მოვა და შეგკამს.

— რა მხარეზე არის?—ჰკითხა უხეირომ.

ბებერმაც ასწავლა;

— თუ წყალს გაასწარ არა გიშაეს,—უთხრა დევის დედამ,—და თუ წყალს აქეთ მოგასწრო, იცოდე ვერ გადაურჩები.

უხეირო სწორედ იქით წავიდა, საიდანაც უნდა თეთრი დევი მოსულიყო.

შორიდანვე დაინახა უხეირომ თეთრი დევი, რომ სანადიროდ ყოფილა, ერთი ხარ-ირემი მოუკლავს, ერთი კადარი მხარზე გაუდვია და ისე მოდის ლილინით.

უხეირო ჩაიმალა ხიდის ყურთან და ცხენი რომ მოუახლოვდა, ამოჰყო თავი უხეირომ, „ყვიტ“ თქვა და დევის ცხენი შეუფრთხა.

უჯავრდება თეთრი დევი, მაგრამ ცხენი ფრუტუნებს და წინ არ მიდის.

— აჩუ, შე ოხერო, ხელმწიფის კარზე რომ უხეიროა, იმასაც კი მოკლავ და მანდ ვინა ზის, ვინ გაშინებს ისეთი, რომ მე ვერ მოვერიო.

მაშინ ამოდგა უხეირო და დაუძახა, აბა თუ მომკლავ, უხეირო მე ვარ და ჩამობრძანდით!

შეიბნენ უხეირო და თეთრი დევი. დაახეთქა უხეირომ ეს დევი და მოკლა. მერე დააკრა ცხენს მკვდარი და ცხენი გააგდო დევის დედისკენ, აბა თუ თეთრი დევია მძლავრიო!

წამოიღო ცეცხლი და პურები. მოვიდა უხეირო დევებთან, დაანთეს ცეცხლი, ჰამეს პური და მერე ისევ წავიდნენ. გზაზე აღარა შემთხვევითაა რა, სანამ წითელი დევის საბრძანებელში არ მივიდნენ. დადგნენ აქაც ტყეში, მაგრამ არც პური ჰქონდათ და არც ცეცხლი.

უხეირომ უთხრა დევებს:

— წადით, აქ ახლომახლო ესახლება ვინმე, გამოართვით ორიოდე პური და ცეცხლი.

— აქ წითელი დევი სახლობს და ჩვენ არ შეგვიძლიან ფეხი მივდგათ იქა; წინათაც გვიცდია, მაგრამ მაშინაც ძლივს გადაერჩით ცოცხლები.

— კარგი და მე წავალ,—თქვა უხეირომ.

წამოვიდა და წითელი დევის დედასთან მოვიდა, დედი, ორიოდე პური მომეც და ცეცხლიო.

— აქ რამ მოგიყვანა, ძე-ხორციელს აქ ვერ გაუვლია ჩემი შეილის შიშითა,—უთხრა დევის დედამ,—წადი, სანამ იგი აქ მოსულა, ეცადე წყალს გაასწრო, თორემ თუ აქ მოგასწრო, გაგაფუჭებს.—მისცა პურებიც, ცეცხლიც და წამოვიდა უხეირო.

არ გავიდა ხიდსა, აქეთვე დადგა.

მოდის წითელი დევი, მხარზე ერთი წიფელი გაუდვია, ცხენისთვის ხარ-ირემი გადუქიდნია.

— შენ ვინა ხარ, აქ ჩემი შიშით ძირს ჰიანჭველას ვერ გაუვლია და მაღლა ფრინველს, რა სულიერი ხარ, რომ აქ მოსულხარ?—შესძახა დევმა.

ჩამოუხტა დევი და შეიბნენ. იბრძოლეს კარგა ხანს. მაგრამ დასცა უხეირომ და მოკლა ისიც. გადაჰკიდა მკვდარი ცხენს და დედას გაუგზავნა,—აბა, თუ შენი შეილის შიშით აქ ვერავინ გაივლისო.

ასკრა ირემს სამწვადეები, წამოიღო პური, ცეცხლი და მოიტანა თავის ამხანაგებთან.

იმ დღესა და იმ ღამეს კარგი დროება გაატარეს. მეორე დღეს ადგნენ და გაუდგნენ გზას. სულ იმისთვის კი დადიან, რომ თავი სცადონ. რამდენიც მიდიოდნენ, ამ დევებს შიში ეტყობოდათ.

ბოლოს ერთ ქვეყანაში მივიდნენ. შავი მთაა, შავი ტყე დგას, შავი ფრინველი დაფრინავს.

დადგნენ, დაისვენეს.

უხეირომ ჩვეულებრივ უთხრა ამ დევებს, პური და ცეცხლი მოეტანათ. ისინი კი შიშით კინდამ დაქრნენ.

— ამ შავ მთას ხომ ხედავ, — უთხრეს უხეიროს, — იქ შავი დევი ცხოვრობს, იმისი მომრევი ჯერ არავინ არის და იმას თვალთ როგორ დავენახვებით. ის გვირჩევნია ავდგეთ, წავიდეთ, გავეცალნეთ ამ დაწყვეტილ ადგილს. ერთხელ ჩვენ ვეომეთ მაგას, მაგრამ ცოცხლები ძლივს გადავრჩით.

— არა, მე უკან ვერ დავიხევ; თუ თქვენ არ წახვალთ, მე წავალ და მე მომკლას იმ შავმა დევმა.

ბევრს ეხვეწნენ ძმობილები, ნუ წახვალთ, მაგრამ არ დაიშალა. წავიდა და მივიდა შავი დევის დედასთან:

— დედაშვილობას, ორიოდე პური და ცეცხლი მომეცი.

— ვინ ხარ? — უთხრა დევის დედამ, — პური არ მიძევს, ცეცხლი არ მინთია. წადი საიდანაც მოსულხარ, თორემ ჩემი შვილი მოვა და შეგკამს.

— რა მხრიდან მოდის?

ასწავლა დევის დედამაც.

შევიდა უხეირო, გამოიტანა ძალით პურები, ცეცხლიც წამოიღო და წამოვიდა სწორედ იმ მხარისკენ, საიდანაც შავი დევი უნდა მოსულიყო. წყალთან რომ მივიდა, ხიდის ყურთან დაიშალა. ამ დროს მოდის შავი დევიც. ხარ-ირემი მოუკლავს, ერთი წიფელა მხარზე გაუდვია და მოლიღინებს. ხიდზე რომ შედგა, უხეირომ თავი ამოყო და „ყვიტ“ დაიძახა. ცხენი დაფრთხა, ფრუტუნე დაიწყო. ერეკება დევიც ხენს;

უჯავრდება, მაგრამ ცხენი ფრუტუნებს, ფეხს არ იცვლის ადგილიდან.

— აჩუ, შე საოხრევე; ხელმწიფის კარზე რომ უხეიროა, ისიც კი ცოცხალი ვერ მომრჩება, და ვინ გაშინებს?

— აბა, თუ ვერ მოგრჩება!—და ამოუხტა კიდევ უხეირო.

შეიბნენ. ძალიან დიდხანს იბრძოლეს. უხეირო დაიღალა და თითქო, გაუჭირდა შავი დევის მორევა. ბოლოს, როგორც იყო, მოიკრიბა რაც ჯანი ჰქონდა, დასცა და იქვე სული გაანთხეინა. დააკრა მკვდარი ცხენს და იმის სახლისკენ გააგდო. ასურა ირემს სამწვადეები, წამოიღო და მოვიდა.

დევებს ძალიან გაუხარდათ, რომ ცოცხალი ნახეს უხეირო.

— როგორ გადარჩი?—ეკითხებოდნენ. არ იჯერებდნენ, თუ უხეირო შავ დევს მოერეოდა. კაი პური ჰამეს და კარგადაც დაისვენეს.

მეორე დღეს დევებმა უთხრეს უხეიროს:—ჩვენ გზას დასასრული არ უჩანს. აღარ შეგვიძლიან შენ მოგვეთ, ჩვენ აქ დავრჩებითო.

კარგი, უთხრა უხეირომ, მე უთქვენოდაც გავძლებო. წაიყვანა ეს დევები. ერთს თეთრი დევის ცოლი შერთო, მეორეს—წითლისა და მესამეს—შავი დევისა.

სამივეს გამოეთხოვა და უთხრა, ნუ დამივიწყებთ; აი, ამ ბურთს დაეკიდებ, უცქირეთ და, როცა სისხლმა დაიწყოს წვეთა ამ ბურთიდან, მაშინ იცოდეთ, მიჭირს და მომეშველენითო.

წავიდა უხეირო.

ბევრი იარა თუ ცოტა იარა, ერთ ქალაქში მივიდა. ხედავს, რომ ეს ქალაქი როგორღაც მიჩუმებულია. ექვსი წლისაზე ზევით კაცს ვერა ნახავ, ზაფხუვების მეტსა. უხეირო ერთ ბებერთან დადგა. ეს ბებერი ძალიან უფროთხილდება უხეიროს. თავის შვილივით ინახავს.

— რად მოხველ, შვილო, აქ რა გესაქმება?

უხეირო მოუყვა და უამბო თავის თავგადასავალი. მეორე დღით შეხედა უხეირომ, რომ ეს ბებერი სადაც რამე კუჭრუტანებია ლესავს, რომ შუქი ვერ შემოიზაროს.

უხეიროს ეჭვი აღძრა. ჰკითხა ბებერს:— დედო, მითხარ, რატომ არ არიან დიდი კაცები ამ ქალაქში?

— რა ვიცი, შვილო, რაღაც არა რჩებიან, სულ იხოცებიან.— არ უნდა უთხრას, მართალს არ ეუბნება.

კიდევ ჰკითხა უხეირომ, კიდევ არ უთხრა ბებერმა.

ბოლოს უხეირომ უთხრა, დედი, ძუძუ უნდა მომაწოვო.

— რაღა დროს შენი ძუძუა, შვილო, გაუკაცი ხარ,— უთხრა ბებერმა.

უხეირო არ მოეშვა. პირში ძუძუ რომ ჩაიღო, მოუქირა კბილები:— მითხარ მართალი, რად არის გაწყვეტილი ამ ქალაქში კაცები, რო ბავშვებიღა დარჩენილან?

რაღა იქნებოდა? ბებერმაც უამბო:— შვილო, ამ ქალაქის ახლო, ზღვაში ერთი რკინის კაცია, იმ რკინის კაცს ერთი მოტაცებული ქალი უზის კოშკში. როცა ის ქალი გარეთ გამოვა, შუქი ქალაქში შემოდგება. ზო გახსოვს, სახლის კედლებს რო ვლესდი, არ მინდოდა შენ იმისი შუქი დაგენახა; ახალგაზრდა ხარ, წაგახდენდა. ამ ქალაქის ხელმწიფეს უნდა ის ქალი, ეომება რკინის კაცს, მაგრამ ვერას აკლებს. იმ რკინის კაცმა ისე გაუწყვიტა ჩვენ ხელმწიფეს ხალხი, რომ ექვსი წლისაზე ზევით აქ მამაკაცს ვეღარა ნახავ, იმას ვერავინ ვერ მოერევა.

— მაშ რაღა ბიჭი ვყოფილვარ,— თქვა უხეირომ,— თუ ის ქალი არ წავართვი.

იმ ღამეს ისევ ბებერთან გაათია. მეორე დღე რომ გათენდა, გამოვიდა გარეთ. ცოტა ხნის უკან გამოვიდა კოშკიდან რკინის კაცის ცოლიც და შუქი შემოადგა ქალაქსა. გასწია უხეირომ და მივიდა კოშკთან. რკინის კაცი ამ დროს ცაში იყო წასული.

უხეირო ქალთან ავიდა.

— აქ რად მოსულხარ, რა ხარ, რა სულიერი ხარ?—

ჰკითხა ქალმა, — რკინის კაცმა რო აქ მოგასწროს, ხო მოგკლავს ალარ დაგარჩინაო!

დადის უხვირო ამ ოთახში და იმის ნავალზე სულ ვარდი იშლება. ქალს ძალიან მოეწონა, მაგრამ რკინის კაცს როგორ გადაურჩებოდნენ ცოცხლები?!

— მაგის ფიქრი ნუ გაქვს, უთხრა უხვირომ, მე ვიცი და რკინის კაცმა.

ქალისკენ რომ მოდიოდა, ბებერმა უთხრა უხვიროს, რომ ქალს შეეხვეწე და ის გამოჰკითხავს, რა მოჰკლავს რკინის კაცსაო.

მართლაც შეეხვეწა უხვირო ქალსა, მითხარ, რა მოჰკლავს რკინის კაცსაო.

— მე არ ვიცი, — უთხრა ქალმა, — ის არავის არ ეტყვის. კიდევ შეეხვეწა ვაჟი ქალს, რომ რკინის კაცისთვის როგორმე ეთქმევიანებინა.

— კარგი, — უთხრა ქალმა, — შენ წადი, დაიმაღე და მე ვიცი თვითონ.

შუადღის დროს რკინის კაციც მოვიდა.

ჩაბოეკიდა ყელზე ქალი, დაუწყო ალერსი და კითხვა: — მითხარ, გენაცვა, ამდენი მტრები გყავს და შენი სიცოცხლე მუდამ საფრთხეშია. რა მოგკლავს შენ, რომ შენ თავს უფრო გავუფრთხილდეთ?

რკინის კაცმა უთხრა, ჩემ შარდში დასველებული იარაღის მეტი მე ვერაფერი მომკლავს, ისიც თუ ილლიის ძირში არ დამკრეს, არ მოგკვდებიო.

აღმა ქალი ამ ლაპარაკის შემდეგ, და როცა დრო იპოვა, სადაც რკინის კაცი შარდზე დგებოდა, იქ ორი დიდი ცული მიაყუდა. მართლაც რკინის კაცი ზედ მიმდგარიყო, ეჭვი ვერაფრისა აეღო.

როცა რკინის კაცი წავიდა კიდევ სალოცავად, მოვიდა უხვიროც. მოამზადა ორივე ცული და დადგა საომრად.

მოვიდა რკინის კაცი და შეიბნენ.

დიდხანს იბრძოლ. ოფლი სულ წყალივით. სდიოდათ. ბოლოს დასცა უხვირომ და დასცხო ილლიის

ძირში ცული, მაგრამ ერთი ცული გატყდა; მაშინ მეორ დასცხო და იქვე სული გაანთხევიანა. ამის შემდეგ დაიწყო ქალთან კოშკში ცხოვრება და ფეხს აღარსადა ღვამდა, აღარა შორდებოდა ქალსა.

გაიგო ხელმწიფემ, რომ რკინის კაცი მოკლეს და ის მზეთუნახავი ახლა სხვა კაცსა ჰყავსო. შეერბა ნაზირ-ვეზირები და უბრძანა, ის ქალი უეჭველად როგორმე ხელში უნდა ვიგდოო.

ომით ვერას გავხდებით, თქვეს ვეზირებმა, ისევ ხერხით როგორმე თუ შევძლებთ მაგ მძიმე საქმესაო.

ამ დროს მოვიდა ხელმწიფესთან ერთი ბებერი და მოახსენა:—დიდებულო ხელმწიფე, დამაკართ ფიცარზე, ჩამაგდეთ ზღვაში და მე მოვიყვან იმ ქალსაო.

ხელმწიფეს ძალიან გაეხარდა. მაშინვე დააკრეს ბებერი ფიცარზე და შეატურეს ზღვაში.

მიცურდა ბებერი კოშკის ძირში და დაიწყო ყვირილი, მიშველეთ, ვინა ხართ ქრისტიანი, მომხედეთ, ზღვაში ვიხრჩობი, თქვენი ღვთის გულისათვის, მიშველეთ რამეო.

გამოიხედა უხვირომ. დანახა ფიცარზე დაკრული, წყალში ჩაგდებული ბებერი.

ქალს უთხრა, ჩავალ, გამოვიყვან, მადლიაო.

ის ჩვენი მტერია, თავი დაანებეო, უთხრა ქალმა.

უხვირომ მაინც არ დაიშალა, ერთმა წვინტლიანმა ბებერმა რა უნდა მიყოსო.

რო ინანო, მე ნულარ დამაბრალებო, უთხრა ქალმა.

ჩავიდა უხვიროო. გადაარჩინა ბებერი და ამოიყვანა კოშკში.

ბებერი ემსახურება ერთგულად, ყველაფერს მშვენივრად აკეთებს. ამ დროსათვის იშოვა ბებერმა ბანგი, შეაზავა ღვინო და შეინახა.

ერთხელ გაუკეთა სადილი და მოართვა ეს ღვინოც. ბებერი თვითონ ღვინოს სვამს, ქალ-ვაეს კი ბანგნარევს ასმევს.

ცოტა ხნის შემდეგ ქალსაც და ვაჟსაც მიეძინათ.

ეს ბებერი კუდიანი იყო. იცოდა, რომ უხვიროს ვერაფერი მოჰკლავდა, თუ, თავში რომ სამი თმის ბეწვი ჰქონდა, იმას არ ამოაძრობდნენ. მივიდა, ამოაძრო თავიდან ის სამი ბეწვი, შეახვია წითელ ჩვარში და ზღვაში გადუძახა. უხვიროც მაშინვე მოკვდა. მერე შეუკრა ფეხები, მოაბა ერთ ქადარს ფეხებით და თავქვე ქვევრში ჩაჰკიდა. ქალი კი მოიგდო ხელში. ჩაისვა ნავში და მოუსვა ხელმწიფისაკენ.

გამოიღვიძა ქალმა. მიიხედ-მოიხედა, ხედავს, რომ თავის სახლში არ არის. მიხედა ყველაფერს და დაიწყო ტირილი. მერე ჩაჯდა სიბნელეში და ხმა აღარავისათვის გაუცია. ეფერება ხელმწიფეც, ცდილობს მოიგოს როგორმე იმისი გული, მაგრამ ტყუილად.

ამ დროს დევებთან დატოვებულმა ბურთმა სისხლის წვეთა დაიწყო.

უხვიროს! უჭირსო, სთქვეს დევებმა.

მაშინვე წავიდნენ უხვიროს საძებნელად. მისდევნენ იმის ნავალზე გაშლილ ვარდს და მივლენ ამ კოშკთან. გადმოვლენ და ნახავენ, რომ მკვდარი უხვირო ყელთავექვე ჩაკიდებულია ქვევრში. შემოიკრეს თავში და პირში, მაგრამ ტირილით რას არგებდნენ?

ბოლოს სთქვეს, უნდა შევიტყოთ, ის თმები სად არის, ვის ხელშიაო?

ერთმა სთქვა, მე ხმელეთზე გავიგებ, თუ სადმე არისო.

მეორემ სთქვა, მე ცაში შევიტყობო.

მესამემა სთქვა, მე ზღვაში მოვძებნიო.

ეძებეს ხმელეთზე, არ იყო; აძებნინა მეორე დევმა ფრინველებს ცაში, არც იქ იყო.

მესამე დევის სიძე ზღვის თევზთა მეფე იყო.

დაუძახა სიძეს და სთხოვა, აბა, შემიტყვე, სამი ბეწვი თმა ხო არავის ჩაუყლაპია შენ საბრძანებელშიო.

დაუძახა თევზთა მეფემ თევზებს, დიდსა და პატარას. მოვიდა და მოვიდა თევზები.

ამა და ამნაირი ბეწვები ხომ არაეინ ჩაყლაპეთო, ჰკითხა მეფემ.

ყველამ უარი თქვა: არაფერი არ გვინახიაო.

ხო არავეინ გაკლიათო, ჰკითხა მეფემ.

როგორ არა, დიდებულო მეფევე, ერთი ბებერი თევე-
ში გვაკლია, ზღვის ძირზე წევს, სიბერით ვერ იძვრისო.

მეფე მაშინვე იმისკენ დაეშვა.

ბებერმა თევზმა უთხრა, ეს არის ახლა მოიტანა წყალ-
მა წითელ ჩვარში შეხვეული და მე ჩაველაპე; ნუ მომკლავთ
კი და ჰიჰყინები ჩავიდნენ ჩემ მუცელში და ამოილონო.

ჩაგზავნეს ჰიჰყინები. ამოიტანეს ეს ბეწვები და მიუტა-
ნეს დევებს.


მიუსვ-მოუსვეს თავზე ეს ბეწვები უხეიროს, გაუხსნეს
ფეხები და სალ-სალამათივით მაშინვე ფეხზე დადგა.


— ოჰ, რა ბებერი მძინებია! — სთქვა უხეირომ.

— ბებერი მაშინ გეძინებოდა, ჩვენ რომ არ მოვსულიყა-
ვით, — უთხრეს დევებმა.

ოთხმა მეგობარმა გამოსწიეს ქალისაკენ. სულ აიკლეს
ხელმწიფის საცხოვრებელი, ხელმწიფეც მოკლეს და ქალიც
ამოიყვანეს. იქორწილა უხეირომ, შეირთო ცოლად ეს მზეთ-
უნახავი და მრავალ წელს ბედნიერად იცხოვრეს.

ჰირი იქა, ლხინი აქა,
ქატო იქა, ფქვილი აქა.





ღ ა თ ვ ი ლ ა მ ე ლ ი ა

იყო ერთი მელია. მუდამ მარტოკა დატუნტულვდა. ბოლოს მოსწყინდა მარტოს ცხოვრება და სთქვა: ერთი ძმობილი უნდა ვიშოვნო.

ადგა და წავიდა.

გზაზე დათეს შეხვდა.

მელიამ უთხრა, დავძმობილდეთო!

— კარგი, უთხრა დათემამ, მაგრამ შენ რას მოიტან? მე მუდამ თითო ცხვარს მოვიყვან.

— მე ყოველდღე თითო ქათამს მოვატრევე, — უთხრა მელიამ.

დათეს გაუხარდა; დაძმობილდნენ.

დათეს მოჰქონდა თითო ცხვარი. მელია აიღებდა ქონს, გადაადნობდა და ჩაასხამდა ქოთანში.

დათემამ ჰკითხა: — მაგას რასა შვრები, მელიავ, რად გინდა ქონი?

მელიამ უთხრა: — ძმობილო, მუდამ ასე მაძლარი კუჭი

არ გვექნება, ერთხელაც იქნება ცხვარ-ქათამი შემოგვაკლდება და მაშინ რა უნდა ვქამოთ, თუ არაფერი შევინახეთ?

— კარგია ძალიან, — უთხრა დათვმა, — მაგრამ უჩემოდ კი არ შექამო.

ერთხელ მელიამ და დათვმა ვერაფერი იზოვეს საქმელად. ძალიან მოშივდათ. მელიამ იფიქრა: მოდი, დათვს მოვატყუებ და ქონს მე თვითონ მივაძლები მარტოკაო.

ავდარი იყო. მელია ავარდა ბანზე და დაიწყო სირბილი, ვითომ ბანს ჰზეპავდა — წვიმა არ ჩამოგვივიდესო. ზოგჯერ მელია გაჩერდებოდა და დაიძახებდა: „არა მცალიან, ვერ წამოვალო“.

დათვმა გაიგონა და ჰკითხა: — რა არი, ძმობილო, რას იძახი?

— ნათლობაში მეძახიან და მე კი არა მცალიან, — უთხრა მელიამ.

— წადი, ჩქარა წადი, — უთხრა დათვმა.

მელია მართლაც წავიდა, მაგრამ იქ ნათლობა არაფერი იყო, თვითონაც იცოდა.

დაბრუნდა და დათვს უთხრა: — რა ნათლობაა, ერთი ხმიადი ჰქონდათ, ააგორებდნენ, ჩააგორებდნენ, ხუცესის კარზე მიაგორებდნენ; ერთი საღვინე ჰქონდათ და შიგ არაფერი ედგათო.

მეორე დღეს უთხრა დათვს: — ერთ ქორწილს გამოვუარე და დამპატიყეს; რადგანაც მე ნათლობაში ვიყავი, შენ იქ წადიო.

წავიდა დათვი, მაგრამ რა ქორწილს შეხვდებოდა? ერთ მეცხვარესთან მივიდა.

— მეცხვარევე, აბა, მაჭამეთ რამე, ქორწილი გქონიათ. მწყემსმა წამოაგლო ჯოხს ხელი და ერთი თუ ორი: შე ამყრალებულო, აქ ქორწილს რა ხელი აქვსო.

დათვმა ქურჭი მთელი ძლივს გაასწრო.

სანამ დათვი მოვიდოდა, მელიამ ამოჭამა ერთი ქოთანნი, ჩაყარა ნაცარი და ჩაღდა იქვე.

მივიდა დათვი და უთხრა, მე შიმშილით მოკვდი, ამოიღე, ქონი ვქამოთ, რალა შავი დღისათვის ინახავო.

მელიამ უთხრა:—შენ დიდი სული გაქვს, შეუბერე, ზედ ნაცარი დავაყარე, მოაშორე და ვჭამოთო.

შეუბერა დათემა და ნაცარი თვალეებში შეეყარა. იტაცა დათემა თათი თვალეებზე და დაიწყო წმენდა.

ამ დროს მელიამ გაასწრო და გაიქცა: დათემა არ შემკამოსო. ჩახვრიტა მიწა და მოსვრილი დაჯდა სოროს პირზე. ამ დროს გამოიარა დათემა და ჰკითხა, ხომ არავინ გინახავს ამაზე გავლილიო?

მელიამ უთხრა:—ამაზე გაიარა ერთმა მელიამ, იმასა და დათეს ჩხუბი მოსვლოდათ და სადღაც მივბოლოაო.

გაიციდინა მელიამ დათეი. დაბრუნდა ისევ უკან და ამოჰკამა. მეორე ქოთანიც აავსო ნაგავით, დააყარა ზედ ნაცარი და უნდა წასულიყო, მაგრამ ამ დროს დათეიც მოვიდა. მელია სადღა წავილოდა? დათეს ველარსად გაექცეოდა.

მელიამ ხერხი იხმარა, დათეს უთხრა:—ბიძიავე, ეს ერთი ქოთანი ქონი გვაქვს, შეჭამე, მშიერი იქნებიო.

დათემა უთხრა:—აბა, ახლა შენ შეუბერე ნაცარს, მე კინალამ თვალეები გამოვითხარეო.

მელიამ უთხრა:—მე ცოტა სული მაქვს, ვერ შევუბერავე, ისევ შენ შეუბერეო.

— არა,—უპასუხა დათემა,—აუცილებლად შენ უნდა შეუბერო!

მელიამ ცოტათ შეუბერა, მაგრამ ნაცარი ვერ გადაყარა. და უთხრა დათეს:—მე ჯერ რა პირი მაქვს, რა სული მედგას! მე სული კუდში მიდგას და, აბა, კუდიდან საიდან შეუბერო?

— მაშ როგორ ექნა?—ჰკითხა დათემა,—თვალეები დამეხრება, რო კიდევ ნაცარი შემიცვივდეს.

მელიამ უთხრა:—თვალეები დააჭკიტე და ისე შეუბერეო.

დათემა თვალეები დატყვრიტა, რაც ძალი და ღონე, ჰქონდა და შეუწვრიტა ნაცარი შეეყარა თვალეებში და გამობუგა. დათემა დაიწყო თვალეების წმენდა, მაგრამ რას უშველიდა?

მელიამ უთხრა დათვის, დამიცადე აქ და ექიმს მოვიყვანო.

წავიდა მელია. მოიყვანა ერთი თოფიანი მწყემსი და აჩვენა დათვი, მწყემსმა მოკლა დათვი, ტყავიც წაიღო და ხორციცა. მელიასთვის კი სამ დღეში ერთი ქათამი უნდა ეძლია. მწყემსმა ორჯერ კი მისცა მელიას დედლები, და მერე კი უარი უთხრა.

ბევრჯერ სთხოვა მელიამ მწყემსს, მომეც ჩემი დედლები, თორემ ღმერთი არ შეგარჩენსო!

მწყემსმა აინუნშიაც არ ჩააგდო მელიას სიტყვები.

მწყემსს ქორთუა ბატკნები ჰყავდა საბატკნეში. შეეჩვია მელია და ყოველდღე თითო ბატკანი მიჰქონდა. მწყემსი ხედავდა, რომ აკლდებოდა მუდამ დღე ბატკანი, მაგრამ არ იცოდა მიზეზი. ბოლოს ერთი ბანი დახურა, მეორე ახდილი გაუშვა, იმის ქვეშ მახე დააგო. მიიპარა ღამით მელია, ნახა, რომ ერთი ბანი ახდილი იყო, ჩახტა შიგ, მაგრამ ხატანგში გაება...


მეორე დღეს შევიდა მეცხვარე, ნახა მელია, დაავლო კუდში ხელი, გამოათრია გარეთ და უნდა ტყავი გაეძრო.

მელიამ უთხრა, კაცო, არ მომისმენ, განა აქ მოსამართლე არ არის, რომ გაგვასამართლოსო.

მოიყვანეს ორი მწყემსი და შესჩივლა მელიამ: — მოისმინეთ, კეთილნო მოსამართლენო! ღმერთმა საწყლად დამბადა, არც მამული მომცა, არც სახლი, დავებეტები ესე ქვეყანაზე. ზოგან თაგვს შეეხედები, ზოგან ქათამს და იმას ვჭამ. დღისით მშიერი ვარ, გარეთ ვერ გამოვდივარ და მეც არ ვიცი, სად დავდივარ. ღამე გამოვიარე მეცხვარის ბინაზე და ბანში კი ჩავვარდი, აბა, მე იქ რა მესაქმებოდა, მწყემსმა გამომათრია, უნდა მოვეკალი. ახლა თქვენ იცით, როგორც გაგვასამართლებთ. ცოცხალიც თქვენ ხელში ვარ და მკვდარიცაო.

მოსამართლეებმა გაამართლეს მელია და გაუშვეს. გაიიჭირა მელიამ კუდი და მოჰკურცხლა მინდვრისკენ.

მელია ახლაც ცოცხალია და ლოცავს მეცხვარეებს.



მელია, მამალი, ბატკანი და ჩიტო

ერთი მელია, მამალი, ბატკანი და ჩიტო დაძმობილდნენ. დაადგნენ გზას. დაულამდათ და დადგნენ ერთ ადგილას. დაანთეს ცეცხლი.

მელიამ უთხრა მამალს:—აბა, მამალო, მოდი ვიჭიდაოთო.

დაიჭიდნენ. მოჰგლიჯა მელიამ თავი და ჩაახრამუნა. მერე ბატკანიც შეჭამა.

— მელიავ, მე მართო ცარიელი ქონი ვარ, პირი გააღე, ჩაგვივარდები და შემჭამე,—უთხრა ჩიტმა.

გაალო პირი მელიამ, აიღო ჩიტმა ერთი მუგუზალი, შიგ პირში ჩასჩარა და გამოსწო პირი. მელიამ ველარ შეჭამა ჩიტო.

ჩიტო გაფრინდა. გზაზე ორ კაცს შეხვდა, ერთ ძალღს სცემდნენ.

ჩიტო მივიდა და სთხოვა, მე მომეცით ეგ ძალღი და რაც გინდათ, იმას მოგცემთო.

კაცებმა უთხრეს, ოლონდ ეგ მოგვაშორე და, პირიქით, ენ მოგცემთ ფულსაო.

წამოიყვანა ჩიტმა ძალღი.

ძალღი მშვიერი იყო.

ჩიტმა უთხრა:—აი, ის დედაკაცები რო სხედან და მაწონს შეექცევიან, ხო ხედავ?

— ვხედავ,—უპასუხა ძალღმა.

— მაშ, მე მივალ, დავიწყებ ნელა ფრენას, ისინი დასაქურად გამომიდეგებიან, მიღი შენ და მაწონს მიაძებნი.

ჩიტმა მართლა გაიტყუა დედაკაცები, ძალღი კარგა გაძღა.

წამოვიდნენ იქიდან. გზაზე მელიას შეხვდნენ. ჩიტმა ძალღი დამალა. მელიას დაუძახა:—გამარჯობა, მელიავ, მოგირჩა პირი, თუ არაო?!

მელიამ დაუძახა:— პირი კი მომირჩა, მაგრამ ლეში კი აღარ მიჭამიაო.

ჩიტმა დაუძახა:—აქ წამო, აქ არის ლეშიო.

მივიდა მელია და დასწვდა ძალღს კულზე. წამოუხტა ძალღი და შემოაცალა ქურჭი.

პირი იქა, ლხინი აქა,
ქატო იქა, ფქვილი აქა.





ნახევარწილას აბგავი

იყო ერთი საწყალი ნახევარწილა. გზაზე მიდიოდა. ფეხში ეკალი შეერტო; მივიდა მეპურესთან და სთხოვა, ფეხში ეკალი შემერტო, მადლი ჰქენ და ამომაძრეო.

ამოაძრო მეპურემ ეკალი და ჩააგდო თონეში.

მეორე დღეს ნახევარწილა მოვიდა მეპურესთან და მოსთხოვა თავის ეკალი.

მეპურემ უპასუხა, შენი ეკალი ჩავწვიო.

ნახევარწილამ ჩხუბი დაუწყო, აუცილებლად ჩემი ეკალი უნდა მომცე, ან არა და, ერთი კაი წითელი პურიო.

მისცა მეპურემ ერთი კარგი პური.

ნახევარწილა სიხარულით წავიდა თავის გზაზე. ერთ ადგილას ნახა, რომ მეცხვარეებს პური მოშეიბიათ, მოუწველიათ რძე და უპუროდ სკამენ.

ნახევარწილამ მისცა პური და უთხრა, აჰა, კამეთ, კარგი პურიაო.

მეცხვარეებმა გამოართვეს პური და შეექცნენ. რო-

დესაც მორჩენ, ნახევარწიწილამ მოსთხოვა თავის პური:
ან ერთი ცხვარი მომეცით, ან ჩემი პურიო.

რას იზამდნენ მეცხვარეები, მისცეს ერთი მსუქანი
ერკემალი და გაისტუმრეს.

წამოვიდა ნახევარწიწილა გახარებული და წამოიყვანა
ერკემალი.

გზაზე ერთ ქორწილში მივიდა, ნახა, რომ წამოუქცე-
ვიათ ერთი ვირი და ჰკლავენ.

ნახევარწიწილა მივიდა და უთხრა, მაგ ვირს კი ნუ
ჰკლავთ, აი ეს ერკემალი დაკალითო.

მექორწილეებს გაუხარდათ, გამოართვეს ეს ერკემალი
და დაკლეს.

მეორე დღეს ნახევარწიწილამ მოსთხოვა თავის ერკე-
მალი, ან ჩემი ერკემალი მომეცით, ან პატარძალიო.

რას იზამდნენ, მისცეს ეს პატარძალი. ნახევარწიწილა
მიდის გზაზე გახარებული.

ერთ ვაჟს შეხვდა. გაუყეთებია ბალახის სტვირი და
უკრაავს.

ნახევარწიწილა მივიდა და უთხრა: კაცო, ეგ შენი
სტვირი მე მომეცი და ეს პატარძალი შენი იყოსო.

გამოართვა სტვირი, შეჯდა ხის ტოტზე, ჩაჰბერა სტვირს
და დაამღერა:

ეკალი პურზე გავცვალე,
პურით ერკემალს ვეწიე,
ერკემლით ლამაზი ქალი,
ქალით ლამაზ სტვირს ვეწიე.





ზღაპარი ივანე სისქრისა

იყო და არა იყო რა, იყო ერთ ქალაქში ერთი მკვდელი. შვილები არა ჰყავდა და გულით კი უნდოდა.

ერთხელ მკვდლის ცოლი წყალზე იყო. კოკას რომ აესებდა, ნახა, რომ წყალს სამი ვაზლი მოჰქონდა. მკვდლის ცოლი დაეწვავდა ვაზლებს, ამოიღო წყლიდან და წაიღო სახლში. ერთი ვაზლი ქმარს მისცა, ერთიც თვითონ შეჭამა და ერთიც შუაზე გაიყვეს.

დაორსულდა მკვდლის ცოლი და დადგა მეცხრე თვე. ასტიედა მუცელი და დაუძახეს ბებიას, რომ შობვაში ეშეელნა.

სალამოზე ბავშვმა დედის მუცლიდან დაიძახა, წადით, ნათლია მოიყვანეთ, რომ მომნათლოთ, თორემ, დავიბადები თუ არა, გავფრინდები ცაშიო.

მართლაც ბინდზე დაიბადა ვაჟი, მონათლეს და დაარქვეს ივანე სალამოსი. მოწოვა ძუძუ და ქარივით გაფრინდა ცაში.

ის იყო ნათლია უნდა წასულიყო სახლში, რომ მეორე ვაჟმა დაიძახა, ნათლია არ წაყვიდეს, შუალამის დროს მეც დაევიბადებო.

შუალამის დროს დააბადა მეორე ვაჟიც. მონათლეს და დაარქვეს ივანე შუალამისა. მოწოვა იმანაც ძუძუ და გაფრინდა ცისკენ.

თენებაზე, ცაქარზე დაიბადა მესამე ვაჟი. მონათლეს და დაარქვეს ივანე ცისკარი. მოწოვა ივანე ცისკარმა და გასწია ცისკენ.

ამის შემდეგ ძმები ცხოვრობდნენ ღრუბლებთან და დასრიალებდნენ ვარსკვლავების ახლოს. დედასთან მარტო დღეში ერთხელ მოფრინდებოდნენ ხოლმე ძუძუს მოსაწოვად. ივანე სალამოსი სალამოზე მოფრინდებოდა, ივანე შუალამისა შუალამის დროს და ივანე ცისკარი—ცისკარზე. მოსწოვდნენ ძუძუს და გაფრინდებოდნენ ისევ. ერთხელაც არ უნახავთ ძმებს ერთმანეთი.

გავიდა კარგა ხანი და მოიზარდნენ ძმებიც. ახლა, რაკი ძუძუს არა წოვდნენ, გვიან-გვიან მოდიოდნენ სახლში. მოვიდოდნენ კვირაში ერთხელ, წაიღებდნენ საკმარის პურს და წავიდოდნენ ისევ.

იმ ქალაქში ერთი ხელმწიფე იყო. ხელმწიფეს სამი მზეთუნახავი ქალი ჰყავდა. ქალები არ გამოდიოდნენ გარეთ არც ღამე და არც დღე: ეშინოდათ, ან მზე არ მოგვეყიდოს და ან სიციფემ არ გვავენოსო.

ერთხელ მამამ უთხრა ქალებს, შვილებო, მუდამ სახლში სხედხართ, გაღით გარეთ, ნახეთ მზე, ქვეყანაო.

ქალებმა უსმინეს მამას და გამოვიდნენ სასერიოდ. შუადღე იქნებოდა, რომ უცებ მოიღრუბლა, დაიწყო ელვა-ქექა და ჩამობნელდა. მოფრინდა ერთი დევი, მოიტაცა ეს ქალები, შეისხა მხრებზე და შეერია ღრუბლებში. გავარდა ხმა ქალაქში: ხელმწიფის ქალები დაიკარგნენო.

შეწუხდა მთელი ქალაქი, დალონდა ხელმწიფეც, შევლა აღარსაიდან იყო. გაგზავნეს მძებრები, მაგრამ კვალი ვერსად იპოვეს. ბოლოს მოვიდა ბებერი—ბებია ივანე ცისკრის

დედისა და უამბო ხელმწიფეს, რომ ამ ქალაქში ერთ მკე-
დელს სამი ვაჟი ჰყავს, სამივენი ცაში ცხოვრობენ, როგორც
ფრინველები, ცაც იმათ ხელშია და ქვეყანაც, თუ ეცოდინე-
ბათ, ისევე იმათ ეცოდინებათ, რა იქნენ შენი ქალებიო.

ხელმწიფემ მაშინვე წვეულება გამართა და გაგზავნა
მკედლის შვილების დასაპატიებლადაც. დედამ პირობა მის-
ცა ხელმწიფის კაცს, რომ დავაბრუნებ სახლში და გამოვ-
გზავნი ხელმწიფესთანაო.

სალამო ხანზე მოვიდა ივანე სალამოსი, უფროსი ვაჟი.
დედა ძლივს დაესწრო შვილის ნახვას. ასეა, აჭამა და, რო-
დესაც შვილი უნდა წასულიყო, დედამ დაუწყო თხოვნა:
დარჩი, შვილო, ჩემთან ამაღამ, ხვალ ხელმწიფეს წვეულება
აქვს და დაგპატიეთათო.

დარჩა ივანე სალამოსი დედასთან. დედამ დაუგო ლო-
გინი და დააწვინა.

შულამის დროს ივანე შულამისა მოვიდა. იმასაც
გაუმასპინძლა დედა და სთხოვა, დარჩი აქ ამაღამ, ხვალ
უნდა ხელმწიფესთან წავიდეთო.

ივანე შულამისაც დათანხმდა დედის თხოვნას და დარ-
ჩა. სახლში მძინარე კაცი ნახა და ჰკითხა დედას: ეს ვინლა
არის, აქ რომ სძინავსო?

დედამ უთხრა, ეგ შენი უფროსი ძმა არის, ორნივე ერთ
ღამეს დაიბადენითო.

დაიძინა ივანე შულამისამაც.

თენებას ივანე ცისკარიც მოჰყვა. იმასაც გაუმასპინძლ-
და დედა და დააწვინა ისიც ძმების ახლო.

გათენდა. უფროსი ძმა ივანე სალამოსი ძილით იყო
გამომცხვარი, ივანე შულამისა შუა ძილში იყო და ივანე
ცისკარს მაშინლა ჩაეძინა.

უფროსი ძმა აღდა და, რა ნახა ორი უცხო კაცი, ძალიან
გაჯავრდა, სხვას რა ხელი აქვს, რომ ჩემ სახლში შემოდინ
ჩემ დაუკითხავადო!

უნდოდა იმათი დახოცვა, მაგრამ არც ისარი ჰქონდა
და არც ხმალი. მივიდა და დაეწვავდა ივანე ცისკარის ხმალს

(აბჯარი მარტო ივანე ცისკარს ეწოდნა), მაგრამ ძვრა ვერ უყო.

დედამ დაინახა ივანე სალამოსი რომ ხმაღს ეზიდებოდა და შეშინებულმა ჰკითხა, რად გინდა, შვილო, ხმალი, აქ რა მტრები გაწუხებსო.

— ესენი ვინ შემოგიყვანია სახლში?—ჰკითხა ივანე სალამოსამ.

— ეგენი შენი ძმები არიან. სამივენი ერთ ლამეს დაიბადეთ. ახლა ეგენიც პურის საჭმელად მოვიდნენ და დავაბრუნენ.

გამოიღვიძეს ძმებმა. გადაეხვივნენ ერთმანეთს და გადაჰკოცნეს. მერე წავიდნენ ხელმწიფესთან. ხელმწიფემ დიდის პატივით მიიღო ძმები და უბრძანა, რომ მათ კარგად გამასპინძლებოდნენ.

სადილის ბოლოს ხელმწიფემ ჰკითხა უფროს ძმას ივანე სალამოსას, ცაში დადიხარ, ქვეყანას ხელავ, ჩემი ქალები ხომ არსად გინახავსო.

ივანე სალამოსამ უთხრა, მე ისინი არსად მინახავსო.

ივანე შუალამისამაც ასე უთხრა. ივანე ცისკარზე მიდგა ჯერი.

ივანე ცისკარი წამოდგა, დაუკრა თავი ხელმწიფეს და უთხრა:—ბედნიერო ხელმწიფევ, ერთ მაღალ მთის წვერზე ვიწექ, ცაზე ღრუბლების რევას ვუყურებდი. უცებ მომესმა ქალების წივილ-კივილი. შეეხედე და დავინახე: მოფრინავს დევი და მოაწივლებს ქალებს. მე მაშინვე მშვილდს მოვაფლე ხელი, მაგრამ მალე ისევ დავაგდე, დევს მოვკლავდი, ჩამოვარდებოდა და ქალებიც დაიხოცებოდნენ. წავიდა და წაიყვანა ქალები. მას შემდეგ აღარაფერი არ გამიგია.

ხელმწიფეს გაუხარდა, რომ ბოლოს კვალი იპოვა თავისი ქალებისა.

ივანე ცისკარს უთხრა:—წადი, იპოვე ჩემი ქალები და თქვენ მოგცემთ ცოლებად. უმცროსი ისეთი ლამაზია, რომ მზეს შეშურდება იმის სილამაზე, ის შენი ცოლი იყოსო.

ივანე ცისკარი დათანხმდა. მან აზრით იცოდა, სადაც ცხოვრობდა ის დევი, წაასხა ძმებიც და გაუდგა გზასა.

ბევრი იარეს თუ ცოტა იარეს, მივიდნენ ერთ მთასთან. მთას ერთი ფეხი ერთ ზღვაში, ედგა და მეორე კი მეორე ზღვაში. მაღალი, წამოხურული კლდე იყო, რომ თვალი ვერ ასწვდებოდა. კლდის ძირს ერთი კარავი ნახეს. კარავში ერთ რკინის კაცს ეძინა, თავი მთასავითა ჰქონდა.

ივანე ცისკარმა გაგზავნა ძმები: წადით, გააღვიძეთო! მივიდნენ ძმები რკინის კაცთან გამოსალვიძებლად, მაგრამ ვერაფერი შეასმინეს.

მობრუნდნენ და უთხრეს ივანე ცისკარს: ვერ გააღვიძეთო.

ივანე ცისკარი მივიდა რკინის კაცთან და ჩაჰკრა თავში მშვილდი. რკინის კაცმა სთხოვა ივანე ცისკარს, მიძმე და გამოგადგებო.

ივანე ცისკარმა უთხრა, შენი თავი იმაში მეჭირვება, იმ კლდეზე აგვიყვანეო.

რკინის კაცმა უთხრა, შენ მჭედელი ხარ, გააკეთე ერთი დიდი ჯაჭვი, შევტყორცნოთ ზევით, მოვდოთ კლდეს და ავიღეთო.

ივანე ცისკარმა მოიტანა ბლომად რკინა, კვერები, მაგრამ გრდემლი კი დაჰვიწყებო.

რკინის კაცმა უთხრა, აი ჩემი თავი იხმარე გრდემლად და ამაზე გამოკვერე ის ჯაჭვიო.

აღდა ივანე ცისკარი და გამოკვერა უზარმაზარი ჯაჭვი. ჩაასვეს ერთი დიდი მარგილი, დაამაგრეს იმაზე ერთი პირი ჯაჭვისა, მეორეზე ჩანგლები მოაბეს და უთხრა ივანე ცისკარმა ძმებს: აბა, ეცადეთ, შეაგდეთ, იქნება შეუწოთო.

მივიდნენ ივანე სალამოსი და შუალამისა, მაგრამ ვერც კი დასძრეს.

— აბა, ახლა შენ შესტყორცნე, რკინის კაცო, — უთხრა ცისკარმა.

რკინის კაცმა მოავლო ჯაჭვს ხელი, შესტყორცნა, მაგრამ ერთი სამი-ოთხი ადლი კიდევ დააკლდა წვერამდის.

— ეგ არის შენი ღონე?— ჰკითხა ცისკარმა.

— ეგ არის!

მაშინ ცისკარმა მოაწვდინა ხელი ჯაჭვსა, ასტყორცნა და აიყვანა წვერამდის. მოეჭიდნენ ყველანი, მოედო ჩანგალი კლდეებს, გამაგრდა ისე, რომ ასვლა კარგად შეიძლებოდა.

აგზავნა ძმები ცისკარმა, მაგრამ ძმები ვერ ავიდნენ, კინალამ ჩამოცვივდნენ შიშით. მერე რკინის კაცი აგზავნა და უთხრა, არ ჩამოიხედო, თორემ ჩამოვარდებიო.

წავიდა რკინის კაცი და ცოტადა აკლდა ასვლას, რომ ჩამოიხედა ძირს, თავმა დასძლია და კინალამ ჩამოვარდა. რის ვაი-ვაგლახით ჩამოვიდა ძირს.

მერე დატოვა ძმები ცისკარმა და უთხრა რკინის კაცს: თუ რამ დაუშავდება ამათ, შენი კისრიდან ამოვიღებო.

ავიდა ცისკარი და გასწია დევის გზაზე. ბევრი იარა, ცოტა იარა, მივიდა ერთ სპილენძის სახლთან. სპილენძის სახლი სპილენძის დევისა ყოფილიყო. შევიდა სახლში, ნახა ერთი ლამაზი ქალი. ვაჟმა გამოჰკითხა ყველაფერი. გაიგო რომ ეს ქალი ხელმწიფის უფროსი ქალი ყოფილიყო.

დაღონებულმა ქალმა უთხრა: ნეტავი არ მოსულიყავ, შევიდთავიანი დევი მოვა და მოგკლავსო.

— ნუ შეწუხდები, მე ვიცი და იმანა, — უთხრა ცისკარმა.

— მაშ მე შენი ცოლი ვიქნები, — უთხრა ქალმა.

— არა, — უთხრა ცისკარმა, — შენ რძალი და მე მახლიო.

სალამო ხანზე შევიდთავიანი დევი ცხენით სახლში მოდიოდა, რომ მიუახლოვდა დევი სახლს, ცხენმა წაიბორძიკა.

— აჰუ, შე საოხრევე, რა ივანე ცისკარი დაგხვდება სახლში, რა გაშინებსო, — წამოიძახა დევმა.

მოვიდა შინ და მართლაც ივანე ცისკარი კი დახვდა სახლში. ცისკარი საჩრდილობელში იჯდა გარეთ.

დევმა დაუძახა: — ცისკარო, გამაგებინე, სამტროდ მოსულხარ, თუ სამოყვროდაო.

— შენთან სამოყვრო რა მაქვს, — მიუგო ცისკარმა, — სამტროდ მოველო.

გადმოხტა ცხენიდან სპილენძის დევი და დაუძახა:—
შეუბერე ე მანდ მიწასაო.

— შეუბერე კიდეც და, რაც გინდა ისა ჰქენიო,—უთხრა
ციცკარმა.

შეუბერა დევმა და მიდამო სპილენძად აქცია, რომ
ფეხი მოეკიდებინა; დაეჭიდნენ კიდეც. მოიქნია ციცკარმა
და ჩასვა მუხლებამდე, მოიქნია დევმა და ჩასვა მუხლებამ-
დე. მოიქნია ციცკარმა და ჩასვა წელამდე, მოუსვა ხმალი და
მოსჭრა სამი თავი. გაცოფდა დევი, დაიქნია დევმა ციცკარი
და ჩასვა მუცლამდე. ამოუფრინდა ისევ ივანე და მოსჭრა
დევს ოთხი თავი. გამოართვა ქალს ბეჭედი ძმისათვის, გა-
მოეთხოვა და წავიდა ახლა ცხრათავიან დევთან, რომელსაც
შუალა და ჰყავდა.

იარა ციცკარმა და მივიდა ვერცხლის სასახლესთან. აქ
შუალა და დახვდა. აქაც საგრილობელში დაისვენა და ელო-
დებოდა დევს. ქალი ეხევებოდა: წადი, მოგკლავსო.

მაგრამ ციცკარმა არ დაუჯერა. მოდის საღამოზე ცხრა-
თავიანი დევი და უცებ ცხენმა წაიბორძიკა;—აჩუ, შე სატია-
ლოვ, რა ივანე ციცკარი დაგხვდებო, —წამოიძახა დევმა.

მოვიდა სახლში და მართლაც ივანე დახვდა წამო-
წოლილი ხის გრილში.

დევმა დაუძახა:—ციცკარო, სამტროდ მოხველ თუ სამო-
კეთოდაო.

— მე შენთან სამოკეთოჯრა მაქვსო,—უთხრა ციცკარმა.

— მაშ შეუბერე მიწასაო.

— არც არას შეეუბერავ და არც არაფერიო,—უთხრა
ციცკარმა.

ციცკარმა მალე მოკლა ცხრათავიანი დევი. დანიშნა
თავის ძმისათვის იმისი ცოლი; გამოეთხოვა და წავიდა თორ-
მეტთავიან დევთან.

მივიდა იმის სახლში ციცკარი. მიდამო სულ ოქროსი
იყო. შევიდა ვაჟი და ნახა იქ უმცროსი ქალი. მივიდა ცის-
კარი, გადაეხვია თავის საცოლოს და დაუწყო კოცნა. ქალს
შეუყვარდა ციცკარი.

ცისკარმა უთხრა, მე მოველ, დევი უნდა მოგვკლავ.

ქალმა ტირილი დაიწყო, ნუ, თორემ მოგვკლავს, შენ იმას ვერაფერს უზამ, იმის მომრევეი არავინ არისო.

ცისკარმა უთხრა ქალს, ნუ გეშინიან, თორმეტთავიანი დევი მე ვერ მომკლავსო.

გავიდა და დაჯდა ხის ძირში, დაუწყო ლოდინი დევს.

დევი სალამოზე მოდის შინ და დაიბორძიკა ცხენმა. —აჩუ, შე სატიალე, იქნება ივანე ცისკარი გაშინებს, შენა ნახავ, რომ იმის მძოვრს ყორნები სჭამდნენ და იმისი სისხლი ღვარივით მიდიოდეს, —წამოიძახა დევმა.

მოვიდა დევი შინ, დაინახა ივანე და შესუყივლა: —ცისკარო, სამტროდ მოხველ თუ სამოკეთოდ?

— სამტროდ მოველი, — უთხრა ცისკარმა, — შენთან მოკეთობა რას გამომადგება!

— შეუბერე მიწასაო, — დაუძახა დევმა.

— შეუბერე და მანდა ხარო, — უპასუხა ცისკარმა.

გადმოუხტა დევი და ცისკარიც მიეგება. შეუბერა დევმა და ადგილი ოქროდ აქცია. იბრძოდეს. დევმა ცისკარი წელამდის დაიყვანა. ცისკარმა კი დევი მხრებამდე და ცხრა თავიც მოსჭრა.

დევი დაიღალა. ცისკარსა ჰკითხა: — როგორ იციან თქვენში ომი?

— ჩვენში ომობენ და დაისვენებენო, — უპასუხა ცისკარმა.

— მაშ დამასვენე, — სთხოვა დევმა.

ცისკარმა იფიქრა: რო დაეასვენო და ამომასწროს, ხომ მომკლავ.

ამოფრინდა მიწიდან და მოსჭრა დევს ის სამი თავიც. ეს კი ვაჟაკობა აღარა ქნა ცისკარმა: სამი თავი ლალატით მოსჭრა.

წამოიყვანა ქალი ცისკარმა და წავიდა. რომ გამოსცდნენ სახლს, ქალმა უთხრა, — ცისკარო, გაიხედე, რამდენი ოქრო რჩება ტყუილადო.

— დევებს ოქრო ვინ მისცა, — უთხრა ივანემ, — ეგ სუ თვა-

ლის მოტყუება არის. იმან მოგაჩვენა შენ, რომ ამ სიმ-
დიდრით მაინც გართობილიყავ, რაკი მამის სახლს მო-
შორდი.

შეუბერა ივანემ და აქცია მტერად. მოვიდნენ შუალა
დასთან, იქაც მტერად აქცია ვერცხლის სახლი; წაიყვანა
შუალაც, უფროსიც და მივიდნენ კლდესთან.

ცისკარმა ჩაუშვა ჯერ უფროსი ქალი და დაუძახა უფ-
როს ძმას: მოსტიდე მაგას ხელიო!

ჩაუშვა შუალა და და ის კიდევ შუალა ძმას ჩააბარა.
მერე თავის საცოლოს უთხრა, მაგრამ ქალი არ უჯერებდა:
ის რკინის კაცი გიღალატებს, შენთვის ამომდის მზეც და
მთვარეც, რო გიღალატოს, მე მაშინ რაღა ვქნაო.

ცისკარმა არ დაუჯერა და ჩაუშვა. ჩავიდა თუ არა
ქალი, რკინის კაცმა შემოჰკრა ჯაჭვს ლახტი და გაწყვიტა.

დარჩა ივანე ცისკარი მალლა. რაღას იზამდა? ჩამოვარ-
დნილიყო, მოკვდებოდა, მაგრამ აღარც სხვა გზა იყო.

ქალმა დაუძახა: ივანე, წადი, იმ დევს ერთი რაში
ჰყავდა, ზღვაში რო ცხვირივით კლდე დგას, იქ აბია, რად-
განაც ერთხელ ჩამოაგდო და იქ დააბა. წადი, ჰკარ წიხლი
იმ კლდეს გადაანგრევ და წამოიყვანე ის რაშიო.

წავიდა ცისკარი. ჰკრა წიხლი კლდეს, გადაანგრია და
ნახა რაში. ხელის სისქედ მტვერი და ქუქუცი ელო ზურგზე.

რაშმა უთხრა: – სამ დღეს შავ მთაზე გამიშვი, რომ ლო-
ნე მოვიდგა, თორე დასუსტებული ვარ და ვერ გზიდავო.

გაუშვა ცისკარმა სამ დღეს რაში. მესამე დღეს მოი-
ყვანა, შეკაზმა და შედგა ზედ ფეხი, მაგრამ რაშმა ერთი
ფეხით წაიბორძია.

რაშმა კიდევ უთხრა, ამაღამ კიდევ დამასვენეო.

იმ დამესაც დაასვენა რაში ცისკარმა. მეორე დღეს შე-
კაზმა, შეჯდა და გასწია საჩქაროდ. რაში გაფრინდა ისარი-
ვით და ორი დღის წინ, სანამ რკინის კაცი მივიდოდა, ქა-
ლაქში მოიღო ხულიო.

როგორც რაშმა დაარიგა, ცისკარმა შეკაზმა. იგი, და-
აკრა ზედ თავისი აბჯარი, გამოაძრო სამი ძუა და გაუშვა

ისევ წავ მთაზე. თვითონაც ჩაიცვა ერთი ძველი ფარაჯა და დაიწყო ქალაქში სიარული.

ბოლოს ერთ მჭედელთან მივიდა და უთხრა, შენი არაფერი არ მინდა, ვიმუშავებ, ოღონდ პური მაჭამეო.

მჭედელმა უთხრა, ძალიან კარგია.

ცულს აკეთებდა მჭედელი, უთხრა, მოიტა, კვერი და-მიკარო.

ცისკარმა მოავლო ცალი ხელი ერთ დიდ კვერს, დაარტყა ამ გრდემლს და კუნძს კი გააგდებინა.

მჭედელს ძალიან გაუკვირდა იმის ღონე. გააკეთეს დიდი გრდემლი დიდ კუნძში და დაიწყო ცისკარმა მუშაობა, მჭედლის ხუთი დღის საქმეს ერთ საათში აკეთებდა. მჭედელს ძალიან უხაროდა, რომ ამისთანა მუშა იშოვა.

ბოლოს მოვიდა რკინის კაციც და მოიყვანა ცისკარის ძმებიც. დანიშნეს ქორწილის დღეც, მაგრამ მეორე ბეჭედი აღარ გამოაჩნდა უფროს დას, რადგანაც ივანე ცისკარმა გამოართვა. გაგზავნეს ეს ბეჭედი, რომ ამისთანა ბეჭედი სხვა გაეკეთებინათ, მაგრამ ყველა მჭედელმა უარი უთხრა. მეგრე ცისკარის აღასთან მოიტანეს. იმანაც უარი უთხრა, ცისკარმა უთხრა, გამოართვი, მე გავაკეთებო.

იმ ღამეს დაიძინა მჭედელმა. ცისკარმა ცოტა-მეტა მიარაკუნ-მოარაკუნა, ამოიღო შენახული ბეჭედი, შეახვიდა და შედო მალლა თაროზე.

მეორე დღეს შევიდა მჭედელი, წაჭკრა წიხლი, რა ჰქენ, ხელმწიფესთან ხომ არ შემარცხვინეო. ცისკარმა გამოუღო ბეჭედი და მისცა.

გაგზავნეს ბეჭედი. მჭედელიც წავიდა ქორწილში, ივანესაც უთხრა, მაგრამ ცისკარი არ გაჰყვა.

როდესაც უნდა გამოსულიყვნენ ეკლესიიდან მისი უფროსი ძმა და უფროსი ქალი, ივანე გამოვიდა მინდვრად, შეტრუსა ძუა რაშისა და რაში მასთან დაიბადა.

შეჯდა ცისკარი და უთხრა, წადი და ცას მიეკარ, იქიდან უნდა დავეცე და ერთი სილა გავკრაო.

აფრინდა რაში და მიეკრა ცას. როდესაც ეკლესიიდან

გამოვიდნენ ცოლ-ქმარნი, ჩამოეშვა ივანე და ერთი სილა
სთხლიშა თავის უფროს ძმას.

მერე გაუშვა ისევე რაში, დაბრუნდა სახლში და დაჯდა,
ვითომ არაფერი არ მოუხდენიაო.

მოვიდა მჭედელი და უამბო ყველაფერი, ცხენმა ზოგი-
ფეხით გაიტანა, ზოგი კამპითაო!

აბა, რო წამოვსულიყავ, ხო შიშით მოგვედებოდიო,—
უთხრა ცისკარმა.

მერე ცისკარმა მეორე ბეჭედიც ისე გაუყეთა. ქალებმა-
იცნეს, მაგრამ არაფერი სთქვეს, უმცროსი ქალი კი ტირილა,
თუ მოვიდა, რატომ არ გამომიხსნის კიდევაცო. შუალა ძმა-
საც ერთი სილა უთავაზა.

ახლა ჯერი რკინის კაცზე მიდგა. დაუძახა თავის რაშს.
ცისკარმა, შეჯდა, აიღო ლახტი და უთხრა, აფრინდიო.

აფრინდა რაში და მიეკრა ცას. რკინის კაცი რომ მი-
დიოდა ეკლესიაში და მიჰყავდა ქალი, დაეშვა ივანეც ციდან.

ის იყო საყდარში უნდა შესულიყვნენ, რომ მოვარდა-
ივანე, მოუქნია რკინის კაცს ლახტი, დაარტყა თავში და
სულ-ხორციანად მიწაში დაკარგა.

გადმოხტა თვითონ, გადაეხვია თავის საცოლოს და
გადაჰკოცნა, ყველაფერი უამბო ხელმწიფეს. შეირთო უმცროს-
სი ქალი და როდესაც ხელმწიფე მოკვდა, თვითონ გახდა
ხელმწიფე.

ჭირი იქა, ლხინი აქა,
ქატო იქა, ფქვილი აქა.



ს ა მ ი ქ ა ჩ ა ლ ი

იყო სამი ქაჩალი. წავიდნენ გზას. იარეს და მივიდნენ ერთ სახლში, არც კედლები ჰქონდა, არც ჰერი და არც კარები. დაანთეს ცეცხლი. ეძებეს, ეძებეს და იპოვეს ერთი ქოთანნი. არც ძირი ჰქონდა, არც გვერდები, არც ყური და არც სარკველი. აავსეს წყლით, შედგეს ცეცხლზე და წავიდნენ საძებნელად.

იარეს და ერთ ადგილს ერთი მკვდარი კურდღელი იპოვეს. წამოიღეს და დაუწყეს ხარშვა. როცა კურდღელი მოიხარშა, სთქვეს, ვინც ყველაზე კარგ ტყუილს იტყვის, იმან შექამოსო.

პირველმა დაიწყო:— ჩვენ ბევრი ცხვარი გვეყავდა. ცხრა მთას იქით ვაძოვებდით. იქიდან მიღები იყო გამოყვანილი ჩვენს სახლში, რძე ჩამოდიოდა, კეთლებოდა ყველი, ერბო, ხაჭო და იმას ვჭამდითო.

მამაჩემს ასი ძირი ფუტკარი ჰყავდა— დაიწყო მეორემ,— ყოველდღე დავთვლიდით და ვიტყოდით, ყველანი იქ იყენენ,

თუ არა. ერთ დღეს დავთვალე და მემასე სკაში ერთი ფუტკარი გვაკლდა. მაშინვე წაველ საძებნელად, ვეძებე, ვეძებე და ბოლოს ერთ მინდორზე დავინახე: გუთანში შეებათ და ხნავდნენ. მიველ გუთანთან, მოვიკიდე ხელი ყურზე და უნდა წამომეყვანა. ამ დროს მოსწყდა კისერი და თავი ხელში შემჩა. მაშინვე ამოვიღე ნიგოზი და მოვუსვი კისერზე. კისერზე კაკლის ხე ამოუვიდა. უშველებელი ხე იღგა, სამ-სამი ურემი კაკალი ჩამოგვექონდა მუდამ წელსა. ერთი ყვავი შემოეჩვია ამ კაკალს. ერთხელ დავაფრთხე, არ გაფრინდა, მეორედ დავაფრთხე, არ გაფრინდა, მესამედ ავიღე და ბელტი ვესროლე. ბელტი კაკალზე დარჩა, გადიღდა, გადიღდა და გახდა სახნაე-სათიბი. ახლაც ვხნავთ, ვთესავთ იქ და ორასი-კოდი პური მოგვაქვს იქიდანაო.

— ეგ არაფერი, — დაიწყო მესამემ, — მე იმას გიამბობთ: მამაჩემმა, როდესაც დედაჩემი შეირთო და ქორწილი გვექონდა, იქ ვიყავე, ბევრი სტუმრები გვეყავდნენ, სადილი კარგი მოვამზადეთ, დავსხით ხალხი, ჩამოვურიგეთ პური ყველას და ნახევარზე დავგაკლდა. რას ვიზამდით? იმ წამს წამოვბტი, შევეკაზმე ბატი, ავკიდე ზედ პურით საესე ტომრები, გადავჯექ ზედ და მოვუსვი წისქვილისკენ. კარგა გზა გავიარე და უცებ ერთი მგელი გადმომიხტა. მომეწია, დააჯდა ბატს და გამომიჭამა გვერდი. რას ვიზამდი? გადმოვბტი, გავუჩხიბე გვერდი ბატს წნელებით, წავიღე წისქვილში, დავფქვი, გადავჯექ ისევ, გავაქანე სახლში, მოვზილეთ და დავაკარით პურები. ვიდრე პირველ სადღეგრძელოს დაღევდნენ, თბილი პურები ჩამოვურიგეთო. ეგრე იყო ჩემი ამბავი.

ყველამ მოიწონა მესამე ქაჩლის ზღაპარი და კურდღელი მესამე ქაჩალს დარჩა.

პირი იქა, ლხინი აქა,
ქატო იქა, ფქვილი აქა.



პური და ხვეწა-თიხვა

იყო ერთი ძალიან მდიდარი სოფდაგარი. მიდის გზაზე და ხედავს, რომ ერთი გლეხკაცი ხნავს. სალამს არ მისცემს. ისევ გუთნისდელა მიესალმება.

კაცო, ეტყვის სოფდაგარი, შე საცოდავო, რას ებრძვი მაგ მიწას და წელს იწყვეტ. ხო ხედავ, არცა ვხნავ, არცა ვთესავ, მაგრამ არც პური მაკლია და სარჩოც უთვალავი მაქვსო.

გუთნისდელა არაფერს ეტყვის. გასცდება სოფდაგარი და წავა თავის გზაზე.

გამოვა რამდენიმე წელიწადი, დადგება საშინელი შიმშილობა მოუსაგლობისაგან: აღარსად არის პური საყიდელი. სოფდაგარსაც გაუთავდა პური. შიან ცოლ-შვილსაც და თვითონაც. აღგება, წაიღებს ბევრ ფულს და წავა პურის საყიდლად. ივლის სოფდაგარი, ივლის და აკი იმ გუთნისდელას მიაღგება კარზე. სთხოვს: უნდა პური მომყიდოო.

რამდენიც გნებავს, მიირთვიო, უთხრა გლეხკაცმა.

ერთი ოცი კოდი ამიწყე და რასაც მთხოვ, მოგცემო.
შეაძლია ფული. მაგრამ გლახმა არ მიიღო, მე ფული არ
მინდაო.

მაშ რა მოგცეო, ჰკითხა სოვდაგარმა.

შენ ცოლს თუ მომცემ, უთხრა გლახაკმა, მოგცემ
პურს, თუ არა და—არაო.

დაფიქრდა სოვდაგარი. იფიქრა, იფიქრა და მერე
უთხრა, ცოლი კი არა მყავს, მაგრამ მამიდა კი მყავს, თუ
გინდა, იმას მოგცემო, იცრუა სოვდაგარმა (ცოლი მამიდად
გახადა).

კარგი, უთხრა გლახმა, ავიყვანო.

აუწყო, რამდენსაც წაიღებდა. სოვდაგარმა მოუყვანა
ცოლი.

ეს გლახაკი ისე ინახავს ამ სოვდაგარის ცოლს, რო-
გორც თავის საკუთარ შვილსა და დას: კარგს აჭმევს, კარგს
ასმევს, კარგს ატმევს. ჰყავს ცალკე მოსვენებით, სუფთად.

გავიდა რამდენიმე ხანი, ერთი თუ ორი წელი, არის
სოვდაგარი სახლში და კედლებსლა შესცქერის, გრძნობს
გულში რომ ამ მდიდრულად მორთულ სახლში, ამ ოქროთი
სავსე სკივრებთან ერთი ვიღაც აკლია. შემოეყარა გულს,
დაენანა თავისი ცოლი და შერცხვა.

რა ოხრად მინდა ამოდენა ფული, ან პური რად მინდა,
ვის ვაჭამო, თუკი ჩემი ცოლი აქ არ იქნებოა.


ადგა მაშინვე, ჩაიცვა, მოირთო, წაიღო უთვალავი ოქრო,
ფული და გასწია ცოლის გამოსასყიდლად. მივა იმ გლახ-
თან. გამოეგებეს, შეიპატივეს და გაუმასპინძლდნენ მშვენივ-
რად. გაშლილ სუფრაზე აიღებს სოვდაგარი თაფუკ თეთრ
პურსა და ეტყვის ლექსად:

პურო, ჩემო სულო და გულო,

ცოლი მამიდად გამიხდა,

ვაჭმე, სულო დატანჯულო!!!

მისცა გლახმა სოვდაგარს ცოლი. როგორ გაეხარდა
სოვდაგარს, როცა თავისი ცოლი მშვენივრად შენახული და
მოვლილი ნახა. გლახს გულითადი მადლობა შესწირა და
ამის იქით ხვნა და თესვის პატივისმცემელი შეიქმნა.



ქ უ რ დ ი ლ ა თ უ ლ ი

იყო და არა იყო რა, იყო ერთი ქურდი და ერთი თული. ერთი ძალიან ლამაზი ქალიც იყო. ორივეს უნდოდა იმისი შერთვა, მაგრამ არც ერთმანეთის წყენა უნდოდათ; ბოლოს სთქვეს: მოდი, ნათქვამია, ქუდი დადე და სამართალი ისე ჰქენ, რომელმაც კაი ბიჭობა ქნას, ქალი იმას დაარჩეს; წავიდეთო.

ძალიან კარგი იქნებაო.

გავიდნენ საქარავნო გზაზე. თულმა უთხრა ქურდსა: აბა, დადექ და მიყურე, რა ბიჭობას ვიზამო.

შემოჰკრა ცხენს, დააოთხა. წინ თორმეტი ურემი მიდიოდა მეურმეებით, დართული, დაბარგულ-დადებული. გადუდგა თული ურემებს წინ, შეაყენა წინა მეურმის ხარები და დაიყვირა, ამ საათში ჩამოდით ურემებიდან, გაიხადეთ რაც გაცვიათო; თვითონ გამოუშვა ხარი და კამეჩი. მეურმეებსაც რა მეტი ღონე ჰქონდათ: ოღონდ ნუ დაგვბოცავ და ყველაფერი შენი სანაცვლო იყოსო.

თავმოწონებულმა თულმა ჩამოუარა ქურდს და დაუ-
ძახა: მოდი, ნადავლი წაიღეო.

როცა ქურდიც მოვიდა, თულმა ჰკითხა:—აბა, ბიჭო, რას
იტყვი, კაი ბიჭობა ვქენ, თუ არა? თორმეტი მეურმე და
ურემი გავძარცვე.

ქურდი რალას ეტყოდა, ჰოს მეტსა:—მართალი ხარ, კაი
ბიჭობა ჰქენი. ქალი შენ გერგება, თუ მეც სამაგიერო არა
ვქენ რამეო.

მოდიან თავმოწონებული თული და დაფიქრებული
ქურდი.

„რას იზამს ამისთანა ბიჭობას ეს ქურდი, როგორც მე
ვქენი,“ ფიქრობს გულში თული, „ახლა ის ქალი უცილოდ
ჩემია და ჩემიო.“

ქურდიც ცუდად არა ფიქრობდა. გზაზე ისიც სხვადასხვა
აზრებს აწყობდა.

— აბა, თულო, შენ ხომ ეგ ბიჭობა ჰქენ, და თუ მეც სა-
მაგიერო ვერა ვქენ, უნდა შენ დაგრჩეს ქალი. წამოდი, წა-
მომყე, სადაც მე წავიდე, — უთხრა ქურდმა.

ერთი ხელმწიფე ბრძანდებოდა, დღესა და ღამეს სულ
სიამოვნებაში ატარებდა. როცა ქეიფის დრო იყო, ხომ ქეი-
ფობდა და, როცა ძილის დრო მოუვიდოდა, ნაზირ-ვეზირებს
დაიყენებდა გვერდს, არაკებსა და ანდაზებს ალაპარაკებდა.
ქურდმა მოიყვანა თული ამ ხელმწიფის სახლთან, ცხრაკლი-
ტული კარები გააღო, შეიპარა შიგ, შეაპარა თულიცა,
ორივენი ხელმწიფის ტახტქვეშ შეძვრნენ და იქიდან ყურს
უგდებდნენ. კარგა ხანი გავიდა. ხელმწიფემ თულემა დაიწყო,
ვეზირსაც ძილი მოეკიდა; რო არ დამეძინოსო, ვეზირმა კევი
ჩაიღო პირში და იმასა ლეჭავდა, თან ძილი ერეოდა და თვა-
ლებს ჰხუჭავდა. გამოძვრა ქურდი, ნელ-ნელა მიეპარა და
ვეზირს პირში ცალი წვერი ძაფისა ჩაუგდო, ცალი წვერი
ხელში ეჭირა ქურდსა. ვეზირმა ვერაფერი გაიგო და ძაფი
კევეში ჩააღეჭა. გამოსწია ქურდმა ძაფს ნელა-ნელა, გამოსწია
და გამოაცალა პირიდან კევი. რაკი პირში კევი აღარ ედო,
ვეზირს დაეძინა, იქვე ტახტზე გაიშხლართა. წამოხტა ქურდი

და დაჯდა იმის ადგილას. რაკი ზღაპრის თქმა შეწყდა, ხელმწიფემ თვალები გამოაქცია.

— რად შეწყვიტე, რატომ არ მიამბობ?

— ამ საათში მოგახსენებ, დიდებულო ხელმწიფეე, — მოახსენა ქურდმა, თითქო ვეზირი იყო.

— სთქვი, რალას ელი! — უბრძანა ხელმწიფემ.

ქურდმა დაიწყო:

— იყო და არა იყო რა, იყო ერთი თული და ერთი ქურდი. იმათ ორივეს ერთი ქალი უნდოდათ. წავიდნენ თავის საცდელად: რომელიც კაი ბიჭობას იქს, ქალი იმას უნდა დარჩესო. თული წავიდა, დახვდა გზაში მგზავრებს, თორმეტი ურემი და კაცი დაძარცვა, ხარი და კამეჩი გამოირეკა.

ქურდი კიდევ ადგა, ის თულიც თან წამოიყვანა. ერთი თქვენსავით დიდებული ხელმწიფე ბრძანდებოდა და ამ ხელმწიფის სახლში შეძვრნენ და ხელმწიფის ტახტქვეშ დაიმალნენ.

ხელმწიფეს ჩვეულებადა ჰქონდა, ძილის დროს არაკებს ათქმევიანებდა ხოლმე ვეზირსა. იმ დროს ვეზირს ძილი მოეკიდა, როცა ეს ქურდი ამ ტახტქვეშ იჯდა, ვეზირმა პირში კევი ჩაიდო, უფრო აღარ დამეძინებო. ქურდი მიეპარა, ამ ვეზირს, ძაფი ჩაუდო პირში, მერე გამოსწია, კევი გამოაცალა, ვეზირს იქვე დაეძინა, თვითონ დაუჯდა ხელმწიფეს და არაკების მბობა დაუწყო, თავის თავგადასავალი უამბო. ამ ლაპარაკში ხელმწიფეს დაეძინა, ადგა ეს ქურდი, იმ ხელმწიფეს ოქროს ინდაურები ჰყავდა, მოიპარა და წამოვიდაო.


— რას მიბრძანებ, დიდებულო ხელმწიფეე, რომელს ერგება ის ქალი, იმ თულს, თორმეტი კაცი და ურემები რო დაძარცვა საქარავნო გზაზე, თუ იმ ქურდსა?

— იმ ქურდს ერგება, — უბრძანა ხელმწიფემ.

მართლაც, ამ ლაპარაკში ხელმწიფეს დაეძინა. ადგა ქურდი, მოიპარა ხელმწიფის ოქროს ინდაურები, გამოაძვრინა თულიც, გამოაპარა და უთხრა: — ხო გაიგონე, ხელმწიფემ რაც ბრძანა, ქალი ვისაც უნდა ერგოს, ახლა ნულარაფერს დამემდურები, ჩემო ძმაო!

- გათენდა მეორე დღე, მოიკითხეს ხელმწიფეანთ ოქროს
- ინდაურები, პირს კატა ეცათ! ასეთი ხალხნი იყვნენ ქურდი და
თული.

პირი იქა, ლხინი აქა,
ქატო იქა, ფქვილი აქა.





ეშმაკის ლაგამი

იყო და არა იყო რა, იყო ერთი საშინლად ძუნწი, მაგრამ ძალიან მდიდარი კაცი. აუარებელი ცხვარი და საქონელი ჰყავდა, შინაც სარჩო მრავალი ჰქონდა. ისეთი ძუნწი იყო, რომ სულ მშვიერი და ტიტველი დადიოდა, არაფერს არ იცვამდა ტანზე; ცოლ-შვილსაც შიმშილით ჰხოცდა. მწყემსებს არ იჭერდა, თვითონ დასდევდა ცხვრებსა, მწყემსები დაჰკვლენ და შეჭამენ რასმეო.

მოკვდებოდა რამე და—არც თვითონა სჭამდა და არც სხვებს აჭმევდა, ისე უნდა გაფუჭებულიყო. არც მეზობლისა და არც სტუმრისა სახლში შეყვანა არ იცოდა.

ერთხელ ეს ძუნწი კაცი მინდორში ცხვრებს მიერეკებოდა. შეხვდა, მგელს ერთი უსახელო, ეშმაკის პატარა შვილი უჭირავს პირში და მიაბენინებს. მეცხვარემ მოიგლიჯა თოფი, გადაურბინა მგელს წინ, ესროლა და გააგდებინა. მერე მივიდა და წამოიყვანა თანა.

უსახელომ უთხრა, რაკი გადამარჩინე, ჩემ დედ-მამასთან თუ არ წაგიყვანე, არ იქნება. ისინი გადაგიხდიან ჩემ მაგიერ სიკეთესაო.

ალარ მოეშვა უსახელო ამ ძუნწსა. დაუყენა ძუნწმაც ცხვარს კაცი და გაჰყვა; გაუძღვა უსახელო, ისეთ ლადალუ-დაზე ატარა, ისეთ კლდეებზე მიჰყავს, რომ ეს ძუნწი სულ იკაკვება და წვება.

იარეს და იარეს ამ კლდეებზე. უსკდება გული ამ ძუნწსა, ფიქრობს, ვაითუ ამ ეშმაკმა გამიტყუოს და გადამჩეხოსო.

უსახელომ უთხრა, ჩემ დედ-მამას დიდი სარჩო აქვს, ბევრ ოქრო-ვერცხლს შემოგაძლევენ და არ მიიღო. შენ უთხარ, ჩემი ქონება მომეცი-თქო.

მივიდნენ ეშმაკის სახლში. უამბო პატარა ეშმაკმა, როგორც გადაარჩინა ამ მეცხვარემ მგელსა. ეშმაკებმა დიდი სიამოვნებით მიიღეს ძუნწი, შეიყვანეს სულ ოქროთი და ვერცხლით საესე ოთახში.

აი, შეიღო, წაიღე რამდენიც გინდა, აკრიფე, ჩაიყარეო.

მისდის სული ძუნწს, უნდა აკრიფოს ეს ოქრო-ვერცხლი, გაივსოს გულა და წაიღოს, მაგრამ პატარა ეშმაკი თვალს უშვრება.

აკრიფე ოქრო და ვერცხლი, რამდენიც გინდაო, ეუბნებიან ეშმაკის შშობლები.

ძუნწი ყოყმანობს, ხმას არ იღებს.

წაიღე ოქრო-ვერცხლი, რამდენიც გინდაო, ეუბნებიან.

ის კიდევ ჩუმად არის, არ იღებს ხმას.

მას რას ითხოვ, რა მოგცეთ, გვითხარ და აგისრულებთ, შენტვის არაფერს დავიშურებთო.

ჩემი ქონება მომეცითო, უთხრა ძუნწმა.


ეშმაკებს როგორღაც ემძიმათ ძუნწის სათხოვარი. შეყოყმანდა პატარა ეშმაკიც, მაგრამ მერე მივიდა ისევ ძუნწთან და წაჰკრა ერთი ქისტი კისერში. ამ ძუნწს პირიდან ლაგამი კი წაჰვარდა. დაავლო ლაგამს ხელი ეშმაკმა და შეინახა.

ეს ძუნწი კი თითქოს ახლა გამოერკვაო, მიიხედ-მოიხედა: სადა ვარ, აქ რას ვაკეთებ, ვინ მომიყვანა ამ სახლშიო. დაიხედა ტანზე, ხედავს ტიტველია, თითქმის, ჩამოხეულ-ჩამოგლეჯილია, თავის თავი თვითონ შეზიზღდა, გამოსწია ფეხაკრეფით. მოდის გზაზე და ფიქრობს თავის თავზე. მოაგონდა მაშინ, ცოლ-შვილიც მშიერ-ტიტველი და საცოდავები რომ ჰყავდა, დაჰნანდა, გაუჯავრდა თავის თავსა. ახლა სულ თვალწინ წარმოუდგა, რაც თავის სიძუნწით გაჰირვება და ნაკლებულობა გასწია.

მოვიდა ცხვართან; უბრძანა ბიჭს დაეკლა ერთი კარგი ქედილა, გაგზავნა სახლშიაც საკლავი; შეუთვალა ცოლს, ტანისამოსი გამომიგზავნეო. იყიდა ყველაფერი თავის ცოლ-შვილისათვის და გაგზავნა. სანამ ტანისამოსი არ მოუვიდა, თვითონ ვერ წავიდა სახლში, სცხვენოდა.

უხარიან ცოლ-შვილს, ეს რა ხასიათი შესცვლია ამ კაცსაო.

ამრიგად, იმის ქონება ეშმაკებს აღარ დარჩა და თვითონვე მოიხმარა.





მუნა-გლეჯია სიღელრისა და სიმაჰრისა

იყო და არა იყო რა, იყო ერთი გლეხკაცი. ჰყავდა ერთი ვაჟიშვილი. როცა ეს ვაჟიშვილი მოიზარდა, მამამ მოინდომა იმისი დაქორწილება, მოღალა მაჰანკლები, შემოიარა ქვეყანა, მაგრამ ტყუილად, არ იქნა იმისი ბედი არ გაიხსნა.

ადგა ბოლოს ეს ბიჭი და წავიდა მრჩეველთან. მრჩეველმა უთხრა, წადი, ამა და ამ ადგილას რომ ერთი მუხა დგას და იმ მუხის ძირში წყარო გამოდის, იქ მიდი. იმ წყაროზე პირი დაიბანე, აიხედე მალა, იქ ერთ ქალსა ნახავ, წაიყვანე და ის იქნება შენი ბედით.

წამოვიდა ბიჭი; როგორც მრჩეველმა უთხრა, ისე მოიქცა. იპოვა დასახელებული მუხა, მივიდა იმის ქვეშ და დაიბანა პირი, მერე აიხედა და ხეზე ერთი ქალი დაინახა; ჩამოიყვანა და წაიყვანა სახლში ცოლად.

ის დალოცვილის გაზრდილი საკვირველი სულიერი გამოდგა: თითო ჯერზე სამ თონე პურსა ჰკმდა. ცოტა არ

იყოს, ძალიან შეწუხდა ამ ქალის ქმარი, სადა ჰქონდა იმდენი, რომ ის გამოეკეცება.

ვისი ქალი ხარ, სადაური ხარ, ვინ არის შენი დედ-მამა, ჰკითხავს ქმარი, უნდა წავიდე, შენი დედ-მამა ვნახო, თან მოსაკითხი წავუღლო.

ცოლმა ასწავლა, სადაც უნდა წასულიყო, რა მხარეზე ეძებნა სიმამრი; გამოაცხო ექვსი თონე პური, დაკლა საკლავი, ქათამ-ინდაურები, ჩაალაგა, შეჯდა ცხენზე და წავიდა.

ბევრი იარა თუ ცოტა იარა, მივიდა თავის სიმამრთან. ხნულში წყალი უდიოდა. უნდოდა იმ წყალში გასვლა, მაგრამ მოიტაცა წყალმა თავის ცხენიანად და ჩაიტანა ბოლოში. ფართხალებს ეს კაცი, ცდილობს გამოვიდეს, მაგრამ ლამის დაიხრჩოს. შეეცოდა სიმამრს, ამოსდო ბარი და გადმოაგდო თავის ცხენ-ხურჯინიანად მშრალზე. წამოდგა სიძე კაცი, მიესალმა თავის სიმამრს, გამოემცნაურა.

— კაცო, რაზე დაიხრჩობოდი, ჩემი სიძე ყოფილხარ, წამო და დავისვენოთ; შენი სიდედრიც მოვა, სადილს მოიტანს, პატარა კიდევ შეეჭამოთ რამე.

დასხდნენ, ამოიღო რაც რამ ნამცხვარი ჰქონდა და ქათამ-ინდაურები, მოსაკითხად წამოღებული. დაუსხდნენ, დაუწყეს ჭამა. სიმამრმა მიუსე-მოუსევა, მიჭამ-მოჭამა ყველაფერი, ლუკმა აღარაფრისა გადარჩა, მერე უღვაშებზე გადისო ხელი. შესტქერის სიძე კაცი, შიშით სული სცვივა: მეც არ ჩამყლაპოსო.

ამხანად სიდედრიც მოვიდა. არც ის იყო პატარა ტანისა. თავზე ერთი ხახალი ეღვა, ზედ ექვსი თონის ნამცხვარი ეწყო, ხელში ერთი ქილა შეჭამანდი ეჭირა, იქნებოდა ესე სამი კოკისტოლა.

— მოიტანე, ადამიანო? ძლივ არ მოხველ, რა დაგემართა, აქამდე ლამის შიმშილით მოკვდე, — უთხრა ქმარმა ცოლსა.

მოიხადა ხახალი დედაკაცმა, ჩამოღვა ძირსა, დაუღვა ის შეჭამანდიანი ქილაც.

— ცოტა დამიგვიანდა, შეჭამანდი არ იყო მოხარუული, — უთხრა ცოლმა, — აი, ახლა მიიერთით.

თვითონაც გვერდით მოუჯდა.

— ჭამე, კაცო, მე შინა ვჭამე, აქ განა იმიტომ დაჯექი, რომ გჭამო რამე, შენა ჭამე, დალალული ხარ.

დაუჯდა ეს სიმამრი, დაუწყო ჭამა. თითო პურს თითო ლუკმად იღებდა.

— რატომ არა სჭამ, სიძე კაცო,—ეუბნება სიძეს სიმამრი.

რასა სჭამს, შიშით მუშტისტოლა გამხდარა, მეც არ შემეაყოლოსო. სიმამრმა ეს ექვსი თონე პური და ეს იმოდენა შეჭამანდი სულ ერთიანად შეჭამა. ულვაშები გადიწმინდა.

სალამო ხანზე სახლში წავიდნენ. სიძეც გაიპატივეს. მოდიან გზაზე. სიდედრი და სიმამრი ფეხით არიან, სიძე ცხენით მობრძანდება, მაგრამ ვერ ეწევა, მიაქენებს ცხენს, მაგრამ მაინც ვერ ეწევა. შეეცოდა სიდედრს თავისი სიძე.

— აქ მოდი, სიძე, მოდი, ხახალზე დაჯექი, ცხენიც აქ დასვი, ხომ ჰხედავ დავარდი.

მოუცადა სიდედრმა, ჩამოდგა მიწაზე ცარიელი ხახალი, თავის ცხენიანად სიძე აიყვანა და ზედ დასვა. მერე ისევ შეიღგა თავზე და მიაქვს.

გზაზე ერთ მუხას გაუარეს. სიძე კაცი მუხაზე წკებლას მიეწეადა მოსატეხად. ხელი წაავლო, მაგრამ რაკი სიდედრი მოდიოდა, ველარ მოასწრო ხელის გაშვება და ზედ შერჩა. რაკი სიძე კაცი ხახალში ველარ დაინახა, სიდედრი მობრუნდა: რა მექნა, სად წავიდაო. დაინახა, რომ სიძე მუხის ტოტზე აკონწიალია.

— რას აკეთებ მანდ, სიძე ბატონო,—ჰკითხა სიდედრმა.

სიძე კი ვერ ჩამოსულა მუხიდან და გაჭირვებული ძლივს ქშინინებს.


— არაფერს, ჩემო სიდედრო, ცხენისთვის წკებლა მინდოდა მომეტეხნა და ამ მუხაზე გაველ.—მოგლიჯა მუხა ძირიანად სიდედრმა და დაიდვა ისიც ხახალზე. ახლა კი, ცოტა არ იყოს, შიში მიეცა სიძე კაცსა.

აქ ხეირი არ არის, თუ თავს არ ვუშველეო, იფიქრა გულში.

— სიღედრო, წყალი მინდა დავაღვიინო ცხენს. ჩამოგვსვი და მალე მოგეწევით ისევა, თქვენ წადით, ნუ მომიცდიით.

ჩამოსვა სიღედრმა ხახალიდან თავის ცხენიანად.

ცოტა დაიცადა სიძე კაცმა და, როცა სიმამრ-სიღედრი კარგა მანძილს გასცდნენ, მოახტა თავის ცხენს და მოძუძგა სახლისკენ გულგახეთქილმა.





სოლომონ ბრძენი და ბერიკასი

სოლომონ ბრძენი თავისი ორი კაცით სოფელზე მიდიოდა. ერთ ადგილს, სახლის კარებზე ერთი დახავსებული ბერიკაცი იჯდა ჩაფიქრებული. სოლომონ ბრძენი მივიდა და მიესალმა. ბერიკაცი ფეხზე აუდგა სოლომონ ბრძენს და მაღლი მოახსენა.

სოლომონმა ჰკითხა:

- სხვა, ბერიკაცი, რასა იქ და როგორა ხარ?
- რა მიჭირს,—უპასუხა ბერიკაცი,—თორმეტსა და ოცდათორმეტს მაინც ვერაფერი გადავარჩინე.
- ორზე როგორა ხარ?—ჰკითხა ისევ სოლომონმა.
- უკვე დავსამდი,—უპასუხა ბერიკაცი.
- შორს როგორა ხარ?
- ახლოს მოველ.
- წისქვილები როგორა გაქვს?
- მგელმა დამიჭამა, რაც მგელს გადარჩა, უწყლო, ულარო დგანან და აღარაფერში მარგიან.

— მთაში თოვლი მოსულა, — უთხრა კიდევ სოლომონმა.

ბერიკაცმა ჩამოისვა თეთრ წვერზე ხელი და უთხრა:

— ბარშიაც ჩამოსულა.

— მაშ კარგი, — უთხრა სოლომონმა, — მე ორ თხას გამოვგზავნი და ვინძლო კარგა გაჰკრიჭო.

— ისე გავკრიჭო, — უპასუხა ბერიკაცმა, — რომ ტყავის მეტი ზედ არაფერი შერჩეს.

გამომშვიდობა სოლომონი ბერიკაცს და გასწია სახლში. შინ რომ მივიდა, თავის მხლებლებს ჰკითხა: — გაიგეთ რამე, რაც მე ვუთხარ ბერიკაცსაო?

— არა, — უთხრეს მსახურებმა, — თქვენ სუ იგაგებით ლაპარაკობდით და აბა ჩვენ რას გავიგებდით. ის ბერიკაცი ვერაფერს ვერ გიპასუხებდათ, ერთი საწყალი გლეხკაცი იყო.

— სტყუით, — უთხრა სოლომონმა, — ის ბერიკაცი სულ ყელში მიჭრიდა სიტყვას; თუ ახლავე არ წახვალთ და არ გაიგებთ, რასა ნიშნავს იმის სიტყვები, ახლავ თაყვებს დაგჭრით.

მხლებლები მაშინვე წავიდნენ იმ ბერიკაცის საძებნელად. იპოვეს და ჰკითხეს: — ერთი გვითხარ, ბერიკაცო, რა ილაპარაკეთ შენ და სოლომონმა?

— ჩვენ არაფერი გვილაპარაკნია, — უპასუხა ბერიკაცმა, — თქვენ ტყუილად გარჯილხართ, მე არაფერს გეტყვით.

სოლომონის მხლებლებმა დაუწყეს თხოვნა.

ბერიკაცმა უთხრა, სანამ ოც-ოც თუმანს არ მომცემთ ათითო სიტყვაში, არ გასწავლითო.

რას იზამდნენ კარისკაცები: ფულს მაინც სიცოცხლე სჯობიაო, სთქვეს იმათ და წავიდნენ; სადაც რამ ეგულებოდათ, წამოიღეს ბერიკაცთან. ოც-ოცი თუმანი რომ მისცეს, ბერიკაცმა უთხრა: — პირველად რომ მითხრა, რასა იქ და როგორა ხარო და მე რომ ვუპასუხე, თორმეტსა და ოცდათორმეტს ვერაფერი გადავარჩინე-მეთქი, ის არის, რომ თორმეტი თვე არის წლისა და ოცდათორმეტი კბილები. კაცმა რაც უნდა იზრომოს, მუცელს ვერაფერს მოაქარბებს.

როცა მეორე სიტყვაშიც ოც-ოცი თუმანი მისცეს ბერიკაცმა განაგრძო:

მეორე სიტყვა რომ მკითხა, ორზე როგორა ხარო და მე ვუპასუხე — დავსამდი-მეთქი, ის არის, რომ სანამ ახალ-გაზრდა ვიყავ, ორი ფეხით დავდიოდი და ახლა უჯოხოდ-ველარ გავივლიო.

— მესამე სიტყვაო? — ჰკითხეს კარისკაცებმა.

— ამოიღეთ კიდევ ოც-ოცი, — უთხრა ბერიკაცმა.

იმთავც ამოიღეს ფული მესამედ.

ბერიკაცმა თქვა: — მე რომ ვუპასუხე: შორს ვიყავ და ახლოს მოვედი-მეთქი, ის არის, რომ წინათ კარგად ვხედავდი, ახლა კი თვალთ მაკლია და ახლო ძლივსლა ვხედავო.

მეოთხე: წისქვილები — კბილებია, მგელი — ჭიაა. რაც კბი-ლები ჭიამ დაჭამა, ხომ გამოუსადეგარი არის, და რაც იმას გადარჩა, არც არაფრად ვარგა ის კბილები.

მეხუთე: მთაში თოვლი მოსულაო, რო მითხრა, და მე რო ვუპასუხე, ბარად ჩამოსულა-მეთქი, ხომ ხედავთ, თმაც თეთრი მაქვს და წვერიც — ეს არის.

მეექვსედ რომ ამოიღეს კარისკაცებმა რაც კი რამ ება-დათ, ბერიკაცმა უთხრა: — ის ორი თხა თქვენა ხართ, ჩაიყა-ვით ჯიბეში ხელი, გაქვთ კიდევ რამ, თუ არა; წადით და-ეგრე მოახსენე სოლომონსაცაო.





ამბავი მელიისა, თუ როგორ გაღაპრინა კაცი ლათვსა

იყო და არა იყო რა, იყო ერთი კაცი. ნალარსა ხნავდა. შოვიდა ერთი ღათვი.

— გამარჯობა, კაცი!

— გაგიმარჯოს, ღათვო!

— რას აკეთებ, კაცი?

— ნალარსა ვხნავ.

— შენ სადღა მიღიხარ?

— შენთან!

— რაღა?

— აღრე გამოხნავ, აღრე გამოგხრავ; გვიან გამოხნავ, გვიან გამოგხრავ.

ცოლი შოვიდა, სამხარი შოუტანა. კაცი დაღონებულა. ცოლს უამბო თავისი ამბავი. წაჲვიდა ცოლი, მიღის და ტირის გზაზე. შემოხვდა მელია, ზურგზე ტომარა ჰკიღია.

— რაღა სტირი?—ჰკითხა დედაკაცსა.

— იმისთვის, რომ ქმარი ღათვმა უნდა შემიქამოს.

— რას მომცემ, რომ ქმარი გადაგიჩინო?—ჰკითხა მელიამ.

— ბატსა, იხესა, ქათამსა და ინდაურსა.

წავიდა მელია დათეთან.

— გამარჯობა, დათვო!

— გაგიმარჯოს, ძელიაე!

— მოდი, დათვო, ტომარაში ჩაგსვამ.

— ნელა ჩამსვი, არაფერი მატკინო;—დასცინა დათვმა.

— მოდი, ერთი პირი მოგიხლართო!


— ნელა მოხლართე, არა მატკინო რა!

— მოდი, ერთი დაგახეთქო.

— ნელა დამახეთქე, არა მატკინო რა!—უთხრა დათვმა.

დაახეთქა მელიამ დათვი მიწაზე და მოკლა. მისცა დედაკაცმა მელიას: ბატი, იხვი, ქათამი და ინდაური. ჩაისვა მელიამ ტომარაში და გასწია გახარებულმა თავის სოროში.

ჰირი იქ დაეაგდე,
ლხინი აქ მოვიტანე,
ნაცარი იქ დაეყარე,
ფქვილი აქ მოვიტანე.





ხელმწიფის შვილისა და ხელმწიფის აბაჯი

ერთი დიდებული ხელმწიფე იყო. როდესაც დაბერდა და სიკვდილის ჟამს მიიწია, დაუძახა თავის ერთადერთ მემკვიდრე შვილს და უთხრა:

— შვილო, ხო ხედავ შენი თვალით, დღეს არა, ხვალ მოეკვდები, ფეხი სამარეში მიდგია, ქვეყანა შენ ხელთ უნდა მოექცეს, შენი თავიც შენ უნდა ჩაგაბარო, წადი ახლა და ყველა ქვეყანაში თითო სახლი აიშენე, რომ გაკირება იქნება, თუ სხვა რამე, დროზე თავი იქ შეაფარო.

შვილმა გაუგონა მამას ბრძანება, დაუხანებლად ადგა მაშინვე, წაიღო ფული და წავიდა თავის სახელმწიფოში. სადაც მოეწონება ადგილი, მთა იქნება, გორა, სოფელი თუ ტყე, მშენებელი სახლები ააშენა. როცა ყველგან მორჩა სახლების აშენებას, გულდასვენებული დაბრუნდა მამასთან.


მამამ დაიბარა შვილი თავისთან და გამოჰკითხა ყველაფერი:


— რა ჰქენ, შვილო, ააშენე ყველგან სახლები, როგორც

გითხარ, ყველგან გექნება თავშესაფარი გაჭირვებაში, თუ არა?

— ავაშენე, — უპასუხა გულდამშვიდებით შვილმა, — სადაც ან მთა, ან კორდი მომეწონა, ყველგან სახლები და თითო მშვენიერი სასახლე დაედგი.

— ვაჰ, შენ მტერსა, შვილო, შენ ის სახლები არ აგიშენებია, რაც მე გითხარი. ცარიელი სახლები, შვილო, გაჭირვებაში კაცს ვერ შეიფარებენ. მე ის გითხარი, წადი, ყველა ქვეყანაში თითო პატიოსანი კაცი დაიმეგობრე, შეიყვარე და შენი სახლი ის იქნებოდა. რა ქვეყანაშიაც კაცს კარგი და პატიოსანი მეგობარი ჰყავს, იქ იმისთვის სახლიც არის და ბინაცა.





დედაბრის შვილი

იყო და არა იყო რა, იყო ერთი ხელმწიფე. ამ ხელმწიფეს დიდხანს არა ჰყავდა ვაჟი. ბოლოს ეყოლა ვაჟი. ხელმწიფე თავის შვილს ძალიან უფრთხილდებოდა და არსად არ უშვებდა სასახლის გარეთ.

ერთხელ ხელმწიფის შვილი სწორეზში მშვილდ-ისრობასა თამაშობდა. ამ დროს წყლიდან ერთი ბებერი მოდიოდა და წყლიანი კოკა გამოატარა ბავშვების ახლოს. ბიჭებმა უთხრეს ხელმწიფის შვილს, აბა კოკას ვერ გაუტეხ იმ ბებერსაო?

ხელმწიფის შვილმა ჩააგდო ისარი კილოში და ესროლა. ისარი მოხვდა კოკის ძირს, გატეხა და წყალი კისერზე გადაესხა ბებერს. მობრუნდა ბებერი, უნდოდა დაეწყევლა კოკის გამტეხი, მაგრამ რაკი დაინახა რომ ხელმწიფის შვილი იყო, უთხრა:

— ხელმწიფის შვილო, დასაწყევლად მენანები, დედის-

ერთა ხარ, მაგრამ გეტყვი: ცხრა ძმა დევს რო და ჰყავს, იმის სურვილი ჩაგივარდეს გულშიო.

ხელმწიფის შვილმა ყველაფერი ეს დაიხსომა.

ხანი გადიოდა. ხელმწიფის შვილი გაიზარდა. ახლა ხელმწიფე იმის საცოლესათვისლა ზრუნავდა. გაგზავნეს კაცი ხელმწიფის შვილთან საკითხავად, ვინ გინდა, ცოლად რო ეგრეთოთო.

ხელმწიფის შვილმა უთხრა, თუ იქნება ცხრა ძმა დევს რო და ჰყავს, ის იყვეს, თორე მე არც ცოლი მინდა და არც ხელმწიფობაო.

დალონდა ძალიან ხელმწიფე, ცხრა ძმათა დევების და საიდან უნდა მოგვეპოო ჩემ შვილსაო.

ხელმწიფემ დაიბარა შვილი და უთხრა, შენგან არჩეულ საცოლეს მე ვერა გზით ვერ მოგვეპოო.

შვილმა უთხრა, დედაბრის შვილი და მე წავალთ. და მოვიყვანთ იმ მზეთუნახავსაო.

ხელმწიფე ჯერ არ დაჰყვა, შვილი როგორ უნდა გავგზავნო დევებთანაო; ბოლოს, როგორც იყო, დაიყოლია შვილმა.

ხელმწიფემ დაიბარა დედაბრის შვილი და უთხრა, ჩემ შვილს შენ გაბარებო.

დედაბრის შვილი და ხელმწიფის შვილი სწორები იყვნენ და ერთად იზრდებოდნენ.

დედაბრის შვილი ძალიან ღონიერი იყო: ქვას რომ ხელს მოუჭერდა, მაშინვე ფქვილად აქცევდა და ძალიან ჰკვიანიც იყო.

დედაბრის შვილმა უთხრა, მშვილდ-ისარი გამიკეთეთ რკინისა და წავალთო.

მაშინვე დაიბარეს მჭედლები, გააკეთებინეს თხუთმეტ-ლიტრიანი მშვილდი და მიუტანეს დედაბრის შვილს. მოსწია დედაბრის შვილმა და მიგრინ-მოგრიხა. გააკეთებინეს ოც-ლიტრიანი, იმასაც ასე უყო. ოცდახუთიანი — იმასაც. ბოლოს გააკეთებინეს ორმოცლიტრიანი. ეს კი კარგა მოხვდა ხელში დედაბრის შვილსა; გადიკიდა მხარზე და გაუღგნენ გზას.

სანამ იმათი სახელმწიფო იყო, იგნებდნენ გზას, მაგრამ მერე კი აღარ იცოდნენ, საითკენ წასულიყვნენ. ბოლოს დედაბრის შვილმა უთხრა, გავკრავ ისარს და ჩვენც გავვეთო იმის კვალსაო.

ჩააგდო კილოში ისარი, მოჰზიდა ბაწარს და გას-ტყორცნა. წავიდა ისარი, გადაიარა ცხრა მთა და დაერქო შვიდ ძმათა დევების ბაღში.

დედაბრის შვილი და ხელმწიფის შვილი გაჰყვნენ ის-რის კვალს: ზოგან ხე იყო ისრისგან მოტეხილი, ზოგან მთას ჰქონდა მოგლეჯილი პირი. იარეს, იარეს და მიადგნენ დევე-ბის სახლ-კარს. დევებს ვენახს: ჰქონიყოთ, ღვინო ესვათ,— შევიდნენ შიგ, ხილსა ხილობდნენ და ჩრდილსა ჩრდი-ლობდნენ.

დევების დედა მალა იჯდა ბანზე. ხელში ჰანდრის ტოლა ტარი ეჭირა და ზედ დოლაბი ჰქონდა კვირისტავად. დევის დედამ სთქვა, ვინ არიან ეგენი, რო აქ მოსულან, ჩემი შვილების შიშით ცაში ფრინველს ვერ გაუვლია და დედა-ქიწაზე ჰიანჰველასა და ეგენი კი მანდ დასეირნობენო.

აილო და გადმოაგდო კვირისტავი და დაუძახა დედაბ-რის შვილს, წამოდი, შვილო, კვირისტავი გადმომივარდა და ამომაწოდო.

მივიდა დედაბრის შვილი, მოავლო ხელი დოლაბს, ეს-როლა ამ ბებერს და კბილები შეამტვრია.

ბებერმა დაუძახა, შე დაშეხილო, რატომ ფრახილად არ ამოაგდო.

აი, შე სულელო ბებერო, დაუძახა დედაბრის შვილმა, იქნება შენა გგონია, რო მე მომატყუებ, განა არ ვიცი, რა-დაც გადმოაგდო.

სალამოზე მოვიდნენ შვიდნი ძმანიც, მოიტანეს შვიდი ირემი, შვიდი ჰანდარი და დაყარეს კარებზე.

დევებმა დაინახეს დედაბრის შვილი და ხელმწიფის შვილი და უთხრეს ერთმანეთს:

— კარგი ვახშმის ჩიტებია, რატომ საშამფურეები არ მო-ვიტანეთ, რო შეგვეწვა?—მერე დაუძახეს,—ჩვენი შიშით ცაზე

ფრინველი ვერ გადივლის, და თქვენ როგორ გაჰბედეთ, რო ჩვენს ვენახში ხილსა ხილობთ და ჩრდილსა ჩრდილობთო.

დედაბრის შვილმა დაუძახა, თქვენ ბაღში გვიშლით სიარულს და მე ვახშმადაც თქვენსას ვიქნებო.

დევეებმა იფიქრეს, თუ ღონიერი არ იყოს, ეგრე გუ-
ლადად არ ილაპარაკებდომ.

დაატყავეს ირმები, ჩაეთეს ქვაბში და დაუძახეს დედა-
ბრის შვილს, წამოდრ, ქვაბი შემოგვიკიდემო,—გამოცდა უნ-
დოდათ დედაბრის შვილისა.

დედაბრის შვილი მივიდა, მოავლო ხელი ქვაბს და
შედგა ცეცხლზე.

მოხარშა ირმები. მოიტანეს დევეებმა ვახშამიც. დედაბ-
რის შვილმა უთხრა, მე უღვინოდ არ შემძლია ჭამა და არც
ამ ხელმწიფის შვილსაო.

დევეებმა უთხრეს, ღვინო გვაქვს, მაგრამ ძალიან ძირს
არის ჩადგმული და, სანამ გავთხრით, კიდევ გათენდებაო.

დედაბრის შვილმა მოითხოვა, ბარი მომიტანეთო. ას-
წაუღებინა, სადაც ღვინიანი ქვეერი იყო; მივიდა, ჩაანგრია
ქვეერის ნაპირები, გადააცალა ზევიდან მიწა, ამოსწია ოთხ-
მოცხაფიან ქვეერს, ამოიღო ილღის ძირში და მოიტანა
ქერაზე. იმ ღამეს ძალიან ბევრი დალიეს; იმ ღამეს ორივენი
დევეებთან დარჩნენ.

მეორე დღეს გასწიეს თავის გზაზე. დედაბრის შვილმა
ააგდო ისევ ისარი; ისარმა გადაიარა რვა მთა და დაეცა
რვა ძმა დევის კარებზე. გაჰყენენ ისრის კვალს და მიად-
გნენ დევეების სახლს. შევიდნენ ბაღში და ხილი იხილეს. იმ
ღამეს ამ დევეებთანაც ისე გაატარეს ღამე, როგორც შეიდ
დევეთან.

მეორე დღეს დედაბრის შვილმა ააგდო ისარი; ისარმა
გადაიარა ცხრა მთა და ჩაერქო ცხრა ძმა დევის სახ-
ლის კარებში. გაჰყენენ ისრის კვალს და მივიდნენ ბოლოს
ამ დევეების სადგომთან.

შევიდნენ ბაღში, მიიარ-მოიარეს და ვაშლთან მივიდნენ;
ვაშლის ძირში ჭიანი ვაშლი ეყარა. ხელმწიფის შვილმა აიღო

და დაუწყო კამა. დედაბრის შვილი გაუჯავრდა, განა ვაშლი დაილია, რო კიანსა კამო.

მოავლო ერთ რიკს ხელი, ესროლა ვაშლს, ჯერ ზევით აახვეტინა ვაშლის ტოტები, მერე ძირს წამოვიდა და ჩამოამტვრია. ვაშლი ყვითლად გაიშალა ხელმწიფის შვილის ფეხებთან.

- დევების დედა მალა მჯდარიყო და ართავდა. დაინახა თუ არა ბაღში დაუპატიჟებელი სტუმრები, დაუძახა, თქვენ რა ხალხი ხართ, რო ჩვენ ბაღში შემოსულხართ. ჩემი შვილების შიშით ცაზე ფრინველი ვერ გადივლის, მიწაზე კიანქველა და თქვენ ხილსაც ხილობთ, ჩრდილსაც ჩრდილობთ და ვაშლსაც ამტვრევთო.

ამდამ ვახშამსაც თქვენთან ვკამთო, დაუძახა დედაბრის შვილმა.

დევების დედამ იფიქრა: რო არ შეეძლოს, აგრე ამაყად არ ილაპარაკებდა. მოდი, კვირისტაეს გადვუგდებ, და თუ მოერია და ისეე ამოაწია აქნობამდე, ღონიერი იქნებაო.

გადმოავლო კვირისტაუდ ნადები დოლაბი და დაუძახა დედაბრის შვილს: არიქა, კვირისტაევი გადმომივარდა და მომაწოდევო.

მივიდა დედაბრის შვილი, მოავლო ხელი დოლაბს და ამოისროლა ბებრისაკენ. დოლაბი მოხვდა კბილებში ბებერს და სულ ერთიანად ჩააღეწა.

სალამოზე მოვიდნენ ძმებიც, მოიტანეს ცხრა ირემი და ცხრა ზეხმელა. დაინახეს დედაბრის შვილი ბაღში და გაუხარდათ, საქმელი გაგვჩენიაო.

ერთ ძმას შინ შესვლა მოუნდა, მაგრამ შეიქედა, ველარ შეეცია; დედაბრის შვილის ისარს ნახევარი კარები დაეცირა. დევმა დაუძახა ძმებს, ისარს ბევრი. ებრძოლეს ამოსაღებად, მაგრამ ვერ ამოიღეს დედაბრის შვილის ისარი. ბოლოს იფიქრეს: ეგ ძალიან ღონიერი უნდა იყოს, რომ ისარიც ვერ დაეძარით იმისიო. ბოლოს იმათაც ისა სთქვეს, დაეუძახხოთ და ქვაბი შევადგმევინოთო.

ჩაკაფეს ირმები, ჩაყარეს ქვაბში და დაუძახეს დედაბ-

რის შვილს, შენ ქართველი იქნები, წამოდი, ერთი თქვენებურად მოგვიხარშე ხორციო.

ჩვენებურად მოგიხარშავთ და ჩვენებურად ვკამთო, მიუგო დედაბრის შვილმა, აილო ოთხყურა ქვაბი, რომელსაც ოთხი ძმანი ძლივს დგამდნენ ცეცხლზე და შედგა ზედადგარზე.

ვახშამზე დედაბრის შვილმა ღვინო მოითხოვა, ჩემი ხელმწიფე უღვინოდ ვერა ჭამს პურსაო.

ღვევებმა იფიქრეს: თუ ყმა ასეთი ღონიერია, ხელმწიფე რალა იქნება, მოდი, მივეფერნეთ, რო არ დაგვხოცონო.

ერთი წლის სათვალავი გვაქვს, მიუგეს ღვევებმა, და ღრმად არის ჩაფლული, და თუ ამოიღებ, დავლიოთო.

მირეკა დედაბრის შვილმა ღვევები, ამოათხრევიანა ქვევარი, დაავსეს რუმბები, მოიტანეს და დაიწყეს სმა ღვინისა. დედაბრის შვილი გამოჰხრავდა ძეალს, მთარტყამდა ერთერთ ღვეს და დაუმატებდა, ქართულად მოვხარშე და ქართულად გაიხლებითო.

ბოლოს დედაბრის შვილმა გამოუცხადა ღვევებს, მე გავიგე, რო თქვენ კარგი და გყავთ, თუ იმას მისცემთ ჩემ ხელმწიფეს, ხო კარგი, არა და—გაგწყვეტო.

ღვევებს მეტი ღონე აღარა ჰქონდათ, უნდა მიეცათ და ხელმწიფის შვილისათვის,

მეორე დღეს ხელმწიფის შვილი შეახვედრეს ქალს. დედაბრის შვილმა ღვევები სანადიროდ წაასხა. როდესაც ყველანი წავიდნენ, ქალმა ყველა გასაღები მისცა თავის ქმარს, დაატარა ოთახები და აჩვენა თავისი ძმების სარჩო. ბოლოს დაღალულს დაეძინა ვაჟის კალთაზე.

ვაჟმა ქალს დაუწყო თმების ქექვა, ერთი ნაწნავის ძირში იპოვა ერთი პატარა გასაღები.

ვაჟმა იფიქრა, ერთი ამას უყუროს კაცმა, ჩემთვის რო ყველაფერი არ უთქვამსო.

აილო, შეხსნა გასაღები და წავიდა ოთახებში. გაიარა რვა ოთახი სავსე ოქრო-ვერცხლით და თვალ-მარგალიტით და მიაღწა ერთ ოთახს. ოთახის კარი დაკეტილი იყო გარე-

დან. ვაჟმა იფიქრა: აქ რაღაც იქნებო. გაალო კარები და რა ნახა! შეიძლება ჯაჭვებით დაბმული იყო დევკაჟიანი დევი.

დევკაჟიანი ცხრა ძმა დევის მტერი იყო, დის მოტაცება უნდოდა და ღრუბლით ეომებოდა დევებს; დევკაჟიანი იმიტომ ერქვა, რომ არც ისარი და არც ხმალი არ მიეკარებოდა; ბოლოს ცხრა ძმა დევებმა დაიჭირეს და დააბეს.

დევკაჟიანმა რაკი დაინახა მზის სხივი, მიიწივ-მოიწია, მოპზინა ჯაჭვებს, მიწყვიტ-მოწყვიტა, გამოვარდა გარეთ, გაიტაცა ქალი და გაუდგა გზას. ვაჟს გულს შემოეყარა; როდესაც გონს მოვიდა, ადგა და მოძებნა ქალის ოთახი, მაგრამ სადღა იყო ქალი! დაიწყო ტირილი ხელმწიფის შვილმა, მაგრამ ტირილით რასღა უშველიდა.

დედაბრის შვილმა ერთი სროლით მოკლა ცხრა ირემი, მოპკიდა დევებს და წამოვიდნენ შინ. დედაბრის შვილმა ნახა ნამტირალევი ხელმწიფის შვილი და მაშინვე გულში მოჰხედა: აქ რაღაც უბედურება მომხდარაო! ხელმწიფის შვილმა ყველაფერი უამბო, რაც მოხდა. დაუკრიტეს კბილები დევებმა ხელმწიფის შვილს, მაგრამ დედაბრის შვილმა უთხრა დევებს:

— მე წავალ იმ დევის მოსაძებნად და ხელმწიფის შვილს აქ დაგიტყობ; ოცი დღე რო გავა, თუ მოველ, ხო კარგი, ვერა და—რაც გინდათ, ის უყავით ხელმწიფის შვილს, თქვენი ტყვეაო!

ადგა დედაბრის შვილი, აიღო თავის ორმოციტრიანი მშვილდ-ისარი და გაუდგა გზასა.

იარა დედაბრის შვილმა, იარა და მივიდა ერთ სახელმწიფოში. შეხედა, ერთ მღვდელს ზურგზე ეკიდა საყდარი, ხან ერთ სოფელში დასდგამდა სალოცავად, ხან მეორეში.

დედაბრის შვილს გაუკვირდა და უთხრა, შენ ძალიან ღონიერი იქნები, რო საყდარი მოგიკიდნია ზურგზეო.

მღვდელმა უთხრა, ღონიერი მე კი არა ვარ, ღონიერი დედაბრის შვილია, რო ცხრა ძმა დევის და წაართვა და თავის ხელმწიფეს დაუსვა ცოლადაო.

დედაბრის შვილმა უთხრა, მე ვარ ის დედაბრის შვილიო.

მღვდელს ძალიან გაუხარდა და შოახსენა, ან მიძმე და ან მიყმეო.

დედაბრის შვილმა იძმო და გასწიეს.

იარეს, იარეს და მიადგნენ ერთ ღიდ მდინარეს. მდინარის პირს ზის ერთი დაღონებული კაცი, მივიღნენ მღვდელი და დედაბრის შვილი და ჰკითხეს, რას დაღონებულხარ, ან ამ წყალთან რას ზიხარო.

კაცმა უთხრა, წყალი მწყურთან და ვერ დამიღევია, ერთი ყლუპი რო გამომივიდეს, მეორე აღარ გამომივიაო.

დედაბრის შვილმა უთხრა, კაცო, ჩვენ გასვლაც არ შეგვიძლიან და შენ სასმელადაც არ გყოფნისო.

წყალიხვრეტამ უთხრა, მე რა ვარ, რაც არის, დედაბრის შვილია, ცხრა დევს და რო წაართვა და თავის ხელმწიფეს ცოლად დაუხვიაო.

დედაბრის შვილმა უთხრა, ის მე ვარ, და გაგვიყვანე წყალსაო.

წყალიყლაპიას ძალიან გაუხარდა და სთხოვა დედაბრის შვილს, ან მიყმე და ან მიძმეო.

დედაბრის შვილმა იძმო და წავიდნენ სამნი.

კარგა გზა გაიარეს და ნახეს ერთი კაცი, მიწაზე გაწოლილა, და დაუდვია ყური მიწისთვის და იციინის.

დედაბრის შვილი მივიდა იმასთან და ჰკითხა, რას იციინი, ან მიწაზე ყური რად დაგიღვიაო.

როგორ არ გავიციინო, უთხრა იმ კაცმა, აქ წამოვწექ, მინდოდა დამესვენა, ვნახოთ რალაც ხმა მომდის, აღარ მასვენებს, ერთი აღიაქოთი ღვას. დავადე ყური მიწას და გავარჩიე: ჰიანჰველებს ომი აქვთ, ერთ ჰიანჰველას ბარცაყი მოსტეხეს, იმას უხვევენ და ის მაცინებსო.

ჩვენ კაცის ფეხის ხმა ვერ გავგირჩევია დედამიწაზე, და შენ კი დედამიწის ძირში ჰიანჰველების ომსაც ყურს უგდებ? საკვირველი კაცი ჰყოფილხარო, უთხრა დედაბრის შვილმა.

საკვირველი მე კი არა ვარ, საკვირველი დედაბრის შვილია, რომ ცხრა დევს და წაართვა და თავის ხელმწიფეს დაუსვა ცოლადაო.

მე ვარ ისაო, უთხრა დედაბრის შვილმა.

ქიანქველების მაყურებელმა უთხრა, ან მიძმე და ან მიყმე, მე შენთან მინდა ყოფნაო.

დედაბრის შვილს ძალიან გაუხარდა: სწორედ ასეთ კაცებს პოულობდა, როგორებიც იმისთვის იყო საჭირო; მაშინვე იძმო და გაუდგინე გზასა.

ნახეს, კაცი ღვას, აულია თავი და იცქირება ცი საკენ.

რას დგებარ და ცაში რას იცქირებო, ჰკითხეს.

ცაში მაცქერალმა მოახსენა, შარშან ისარი შევაგდე, ახლა დაბრუნდა, და ველი, როდის ჩამოვარდება ან საითკენ მიჰქრის ქარიო.

როდესაც დედაბრის შვილმა და იმისმა ამხანაგებმა გაიკვირვეს იმისი მახვილი მხედველობა. მან უთხრა, მე კი არა, საკვირველი დედაბრის შვილია, რომ დევებს და წაართვა და თავის ხელმწიფეს ცოლად დაუსვაო.

დედაბრის შვილი გამოემცნაურა, იძმო და წავიდნენ.

ახლა გასწიეს ხუთთა. გზაზე ერთ კაცს შეხვდნენ: მოჭგლეჯდა ერთ გორას, აიტანდა სხვა მთაზე და დააგორებდა.

დედაბრის შვილმა ჰკითხა, მაგას რადა შვრებო?

სხვა ველარაფერი მომიგონებია ჩემ გასართობად და გორებსლა ვგლეჯო, უთხრა გორიგლეჯიამ.

ესეც იძმეს და გასწიეს.

ერთი კაცს შეხვდნენ გზაზე, ფეხებზე დოლაბები ჰქონდა წამოცმული, დასდევდა წვრილიანში კურდღლებს და იჭერდა.

ესეც იძმეს და წავიდნენ.

დედაბრის შვილმა მათ უთხრა, ჩვენ უნდა გავიგოთ, ჯერ სად არის დეკაეიანი, მიწაშია თუ ცაში, და ისე მოვძებნოთ, თორე ვგრე წარაუგონოთ სიარული რას გვარგებსო. თან ცაქვერტიას უთხრა, აბა აიხედე, იქნება ცაში იყოსო.

აიხედა ცაჭვრეტიამ, ბევრი ეძება და ბოლოს სთქვა, ცაში არსად არისო.

ახლა ჭიანჭველების მაყურებელმა ჩაიხედა ქვესკნელში, დაადო ყური დედამიწას და გაუძღვა წინ ამხანაგებს, დევკაჟიანთან მე მიგიყვანთო.

იარეს, იარეს და ერთ გორას მიადგნენ. გორაში საშინელი ხმა ისმოდა. ჭიანჭველების მაყურებელმა უთხრა, აქა აქეს ბინა დევკაჟიანსა, და როგორ უნდა ჩავიდეთ, კარი არა აქვსო.

დედაბრის შვილმა უთხრა, აბა, გორიგლეჯიავ, თუ რამ შეგიძლიან, ახლა გამოჩნდებო.

გორიგლეჯიამ მოსდო გორას ხელი, მოგლიჯა და გადმოაგორა.

მღვდელმა მოიკიდა და გადაიტანა შორს.

მიადგნენ ციხის წვერსაც. ციხის წვერიდან ალი ამოდიოდა. თურმე დევკაჟიანი, როდესაც ამოისუნთქებდა, ცეცხლს ამოჰყრიდა.

ვინ უნდა ჩავიდესო, დაიწყეს ამხანაგებმა.

ვერაჟინ ვერ გაბედა ჩასვლა. დედაბრის შვილმა უთხრა, მე მომაბით თოკი და, როდესაც ცეცხლი ჩადგება, ჩა მიშვითო.

მობებს თოკი და ჩაუშვეს.

დაიძახა დედაბრის შვილმა, დავიწვიო, მაგრამ უფრო ძირს ჩაუშვეს. ბოლოს დედაბრის შვილმა ფეხები დაადგამიწაზე და ამოიქცია სული. გაიარა დევის ოთახები და მიადგა ქალის ოთახს.

ქალს კიდევ გაუხარდა დედაბრის შვილის მისვლა და კიდევ გაჯავრდა, აქ რამ მოგიყვანა, უთხრა ქალმა, დევკაჟიანი ხო მოგკლავსო.

მომკლავს და მომკლავს, უთხრა დედაბრის შვილმა, თუ შენ ვერ წაგიყვან, ჩემი ხელმწიფის სურვილს ვერ ავასრულებო.

ქალმა უთხრა, დევმა ხუთი დღე იცის ძილი, და მაშინ თუ რასმე უზამს კაცი, თორემ უიმისოდ იმას არაფერი მოჰ-

კლავს, მაგრამ არც მძინარე მოკვდება, რადგანაც იმისი სული სხვა რაღაშიაც არისო.

დედაბრის შვილმა უთხრა, თუ გინდა ხელმწიფის შვილი, გამიგე რაში უდგა სული დევკაჟიანსაო.

ქალმა დედაბრის შვილი დამალა და დევკაჟიანს ალერსი დაუწყო, ეგრე რო მიყვარხარ, რატომ არ მეტყვი, შინი სული რაში არის, რო ის სალოცავად გაეხადლოო.

დევკაჟიანმა იფიქრა: რაღა ახლა შეეუყვარდი ამ ქალს. აქამდე თავისთან ახლოსაც არ მიკარებდა, იქნება მცდიდესო.

აილო და ასწავლა, ჩემი სული ე მაგ ქოთნის ნატეხში არისო.

ქალმა იმ დროსთვის, როდესაც დევკაჟიანი ნადირობიდან უნდა მოსულიყო, აილო ქოთნის ნატეხი, გარეცხა, გაწმინდა, შემოსა აბრეშუმის ბაღდადით და ჩალო კილობანში.

როდესაც დევკაჟიანი დაბრუნდა, ქალმა აჩვენა ქილის ნატეხი, აი როგორ ვინახავ შენ სულსაო.

ღევმა უთხრა, შე საწყალო, ჩემი სული მაგაში კი არა ცოცხშიაო.

მეორე დღისათვის ცოცხიც ისე მორთო ქალმა, როგორც ქილა.

მერე კი იფიქრა ღევმა: უთუოდ აღარა მცდისო და ასწავლა: აქა და აქ ცხრა მთას რო გადავა კაცი და ერთ დიდ ველში რო ჩავა, იქ შვიდი მთიბავე თიბავს; ის მთიბავეები უთიბავენ ირემს. ის ირემი შუადღემდე შავ მთაზე არის, შუადღისას ჩამოვა და თუ საკმაო არ არის გათიბული, სულ ფეხით გასთელავს. იმ ირემს ვერავე ვერ მოჰკლავს, ვერც ისარი დააკლებს რასმეს და ვერც ხმალი, თუ ჩემ შარდში არ არის ნაწრობი. თუ იმას მოჰკლავენ, იმაში შველი ზის და ახლა ის გაიქცევა; თუ შველს დაიჭერენ, იმაში კურდღელი ზის. კურდღელში ყუთია და ყუთში სამი ჩიტია: ერთია სული, ერთი ჯანი და ერთიც გონი. როდესაც ისინი დაიხოცებიან, მაშინ მეც მოვკვდებიო.

ქალმა ეს ყველაფერი დედაბრის შვილს შეატყობინა, იპოვეს ნატეხარი და დადგეს იმ ადგილს, სადაც ღვეი მიღებოდა ხოლმე შარდისათვის.

დედაბრის შვილმა აწრთო ისრები და საჩქაროდ გასწია ირმის საძებნელად. გაიარეს ერთი მთა, მეორე, მესამე, მეოთხე, მეხუთე, მეექვსე, არსად არის ირემი. გაიარეს მეშვიდე და მერვე, მეცხრე გადაიარეს და გადაიხედეს. იქით ერთი უშველებელი ველია გაჭიმული, არსად ბოლო და არსად სიგრძე და სიგანე. შორს სადღაც კი ჩანს შვიდი რაღაც შავად. დედაბრის შვილი გულში მიხვდა, მთიბაეები იქნებიანო და დაეშვა იმათკენ.

მივიდნენ მთიბაეებთან; მთიბაეებს ერთი უშველებელი ადგილი გაუთიბაეთ და ნათიბი დაუგროვებიათ გროვად.

დედაბრის შვილმა ჰკითხა, რისთვის სთიბაეთ მაგოდენათივასაო.

მთიბაეებმა უთხრეს, ა იმ შავ მთაზე ირემია, გვიციქვრის, შუადღისას ჩამოვა, თუ მოთიბული საკმაო არ დახვდება, სუ ფეხით გაგვიტანსო.

დედაბრის შვილმა უთხრა ფეხდოლაბას: აბა შენ მოემზადე, თან დავიმალნეთ აქვე თივის უკანაო.

მოვიდა შუადღე და მოვიარდა ირემიც. ირემმა შეხედა, მერე მოავლო პირი და ერთი ბულული თივა ერთ ლუკმად გადაყლაბა. მერე ისევ აიღო თავი და დაუწყო ცქერა ერთ ადგილს, — სუნი თუ დაიყარა. დაბრუნდა ირემი გასაქცევად, და დაადენა დედაბრის შვილმა ისარი. ირემმა დაიჩოქა, დაეცა მიწაზე და დალია სული. დედაბრის შვილმა გასჭრა ირემი; იქიდან მართლა ამოხტა შველი და გაიქცა მინდორზე, მაგრამ ფეხდოლაბა მალე დაეწია. დაიპირეს შველი, გასჭრეს და მუტლიდან კურდღელი ამოვიარდა, მაგრამ ფეხდოლაბას კურდღელი ველარსად გაეხვეწა. დაიპირა კურდღელი, გასჭრეს და ამოაცალეს ყუთი; გააღეს ყუთი და შიგჯერ უბუმბულო ჩიტის ბარტყები ისხდნენ.

დევი სანადიროდ იყო. გულმა გაუგო, რომ ირემს რაღაც დაემართა და გასწია შინისკენ გაცეცხლებულმა, რომ დაესაჯა ქალი. მივიდა ხერელის პირზე, ასწია გორას და უნდა შესულიყო, მაგრამ ამ დროს ბებრის შვილმა ჯანის

ჩიტს მოწყვიტა თავი, დევი მაშინვე დადუნდა და ბოძად მიეღვა გორას. მერე მივიდა დედაბრის შვილი, გვითხარ, რა გაქვს ამ სახლში, სხვა ხო აღარაფერ მოიტაცეო.

დევემა სთქვა, სიკვდილს ისევ სიცოცხლე სჯობიაო, მისცა გასაღებები და უთხრა, ამ გასაღებით ოთახს რო გააღებ, ექვსი ქალია და გამოიყვანეთ; ამ გასაღებით გააღებ ერთ ოთახს და იმაში შეიდ ცხენს ნახავთ, გამოიყვანეთ და მოიხმარეთო.

მოპვლიჯა გონების ჩიტსაც თავი დედაბრის შვილმა, აერია გონება დევკაჟიანს და ველარაფერი გაიგო. გააღეს ოთახები და ნახეს მზეთუნახავი ქალები, გააღეს სხვა ოთახი და იქ რაშები ება. დაურიგა ამხანაგებს ეს ექვსი მზეთუნახავი ქალი, დაითითოეს რაშები, წამოიყვანეს ქალი და წავიდნენ. წასვლის დროს სულსაც მოწყვიტა თავი და დარჩა დევი ბოძად.

მიიწურა დედაბრის შვილის მისვლის დროც. მიიწურა და მიიწურა იმათი გზაც.

დევები ძლივს ელოდნენ დაღამებას, რომ დაეგლიჯათ ხელმწიფის შვილი ნაწილ-ნაწილ. ხელმწიფის შვილი კი იჯდა და გასცქეროდა გზას, როდის გამოჩნდება დედაბრის შვილიო.

ბოლოს გამოჩნდნენ. წინ დედაბრის შვილი მოდიოდა, უკან მოსდევდნენ ექვსი სხვანი და მოჰყავდათ ქალები.

მოჰგვარეს ხელმწიფის შვილს მზეთუნახავი; გააჩადეს დევებმა ქორწილი, მოხადეს ასკოკიანებს.

ქორწილის შემდეგ გასწიეს ხელმწიფესთან. იქაც გადიხადეს ლხინი და იცხოვრეს ყველამ ტკბილად.

მალე ხელმწიფის შვილი ხელმწიფედ გახდა; დედაბრის შვილი თავის ვეზირად გაიხადა და სხვებიც უფროსებად, ზოგი რისა და ზოგი რისა.

ჭირი იქა, ლხინი აქა,
ქატო იქა, ფქვილი აქა.



მინა თაჰისას მოითხოვს

იყო ერთი ქვრივი დედაკაცი, ჰყავდა ერთი ვაჟი. ვაჟი იზრდებოდა და ჰხედავდა, რომ მის გარდა ყველასა ჰყავდა მამა, მარტო ის მამობას ვერავის ეტყოდა. შვილი გადაეკიდა დედას, დედავ, ყველას მამა ჰყავს და მეც რატომ არა მყავსო.

დედამ უთხრა, მოკვდა, შვილოო.

— მაშ ალარ მოვა? ან რა არის სიკვდილი? — ჰკითხა შვილმა.

— ის კი ალარ მოვა, შვილო, და ჩვენ კი წავალთ იმასთან; სიკვდილს ვერავინ მოვრჩებით, ყველა მიწად ეიქცევიო, დავიხოცებით.

— შე არ მითხოვნია ღმერთისთვის გამაჩინეო, და რაკი გამაჩინა, რადლა უნდა მომკლას? — სთქვა ვაჟმა, — ისეთ ადგილს უნდა წავიდე, სადაც სიკვდილი არ არისო.

დედამ აბრუნა შვილი, მაგრამ არ დაიშალა.

მოიარა მთელი ქვეყანა, სადაც მიდიოდა, ჰკითხავდა, აქ არის სიკვდილიო?

ყველასაგან ერთი პასუხი ესმოდა, არისო.

დაღონდა ვაჟი, ადგილი არ იყო, რომ სიკვდილი არა ყოფილიყო. ამ დროს ვაჟი ოცი წლისაც გახდა.

ერთხელ ერთ მინდორზე მიდიოდა; გაიხედა წინ და შორს ერთი ირემი დაინახა, მისი რქები ღრუბლებში იყო აწვდილი.

ვაჟი მიუახლოვდა ირემს, ძალიან მოეწონა მისი რქები და ჰკითხა:—შენი გამჩენის მადლს, არ იცი იმისთანა ქვეყანა, რომ სიკვდილი არ იყოსო?

ირემმა უთხრა:—მე ღვთის მოციქული ვარ და ღვთის ნაწესებს ვასრულებ, სანამ ჩემი რქები ცას არ მიეხირება, მეც ვიცოცხლებ, მისწვდება ჩემი რქები ცას და მეც მოვეკვდები; თუ გინდა, შენც ჩემთან იყავ, და სანამ მე ვიქნები, შენც იცოცხლებო.

ვაჟმა უთხრა:—თუ ვიცოცხლებ, უნდა მუდამ ვიცოცხლო, თორემ აქ მოუსვლელადაც მოვეკვდებოდიო.

გასცდა ვაჟი და გაუდგა გზას; გაიარა მინდორი, ველები და შეება ტყიან და კლდიან ადგილს. ერთ ხევს მიაღწა: სულ პიტალო კლდე იყო და ისეთი ღრმა იყო, რომ თვალი ვერ ჩასწვდებოდა იმის ძირს. ხევის პირზე კლდეზე იჯდა ყორანი და ასკინტლებდა ხევში. ეს ყორა ნიც ღვთის მოციქული იყო.

ვაჟმა ჰკითხა ყორანს, არ იცი იმისთანა ქვეყანა, სადაც სიკვდილი არ არისო.

ყორანმა უთხრა:—მე ღვთისგან დაწერილი მაქვს სიცოცხლე იქამდის, სანამ ამ ხევს სკინტლით არ ამოვაგვებ. თუ გინდა ჩემთან იყავ და შენც ცოცხალი იქნები, სანამ მე არ მოვეკვდები. არაფერზე არ დაგვეჭირდება ზრუნვა, ყველაფერი მზა გვექნებაო.

ვაჟმა ჩაიხედა ხევის უფსკრულში, მაგრამ მაინც ცოტა იჩქვინა: გასწი, გასწი შორსაო, ეუბნებოდა რაღაც.

ამასაც გასცდა ვაჟი და მოათავა ხმელეთი და მიაღწა

ზღვის პირს; აუარა და ჩაუარა ზღვას. ერთი დღე იარა, მეორე და ვერაფერს შეხვდა. მესამე დღეს დაინახა სადღაც შორს მბრღღვინავი სარკე. ვაჟი წავიდა იმისაკენ და ნახა, რომ ის მბრღღვინავი სარკე სალი მინის სახლი იყო.

შემოუარა ვაჟმა და ვერსად უპოვა კარები, ბოლოს ერთგან შენიშნა პატარა ხაზი, მივიდა იმასთან და ნახა, რომ კარი იყო—გააღო და შიგ შევიდა. ოთახში ისეთი ლამაზი ქალი იწვა, რომ მზეს შესურდებოდა იმისი სილამაზე. ვაჟს ძალიან მოეწონა ქალი და ქალსაც ვაჟი.

ვაჟმა ჰკითხა ქალს:—მშენიერო, მე სიკვდილს გამოვექეც და არ იცი იმისთანა ადგილი, რომ სიკვდილი არ იყოს?

ქალმა უთხრა:—მაგისთანა ადგილი არსად არის. რას ეძებ, ჩემთან იყავო.

ვაჟმა უთხრა:—მე შენთან კი არ წამოვსულვარ, იმისთვის წამოველ, რომ იმისთანა ადგილი ვიპოვო, სადაც სიკვდილი არ არისო.

ქალმა უთხრა:—მიწა თავისას მოითხოვს, შენ მაინც უკვდავებას ვერ შეიფერებ. აბა მითხარ, რამდენი წლისა ვიქნები?

ვაჟმა დახედა: ქალის ახლად აკოკრებული მკერდი, ვარდისფერი ლოყები ისეთი საუცხოო იყო, რომ ვაჟს ერთ წუთში დაავეწყდა სიკვდილი.

ვაჟმა უთხრა:—ბევრი-ბევრი თხუამეტი წლისა იყო.

— არა,—უპასუხა ქალმა,—მე შექმნის პირველ დღესა ვარ გაჩენილი და აქამდე სულ ასე ვარ. მე „ტურფა“ მქვია და არც დაებერდები, მუდამ ასე ვიქნები და არც მოვკვდები. შენ აქ დარჩებოდი ჩემთან, მაგრამ ვერ შეიფერებ, ისევ მიწა მოგიითხოვს.

ვაჟმა პირობა დაუდო, რომ არადროს არ მოშორდებოდა. დაიწყეს ქალმა და ვაჟმა ერთად ცხოვრება.

წლები წუთებივით მიჰფრინავენენ; ბევრი რამ გამოიკვალა, ბევრი მოკვდა, ბევრი დამიწდა, ბევრი გაჩნდა, დედამიწა იცვლიდა პირს, ეს ეტყობოდა ყველაფერს, მაგრამ ვაჟი ვერ ამჩნევდა დროს ფრენას. ქალი ისევ ისეთი ლამაზი იყო და ვაჟი ისეთივე ახალგაზრდა.

გაფრინდა ათასი წელი. ვაჟს მოუნდა თავისი ქვეყნის ნახვა; თავის დედისა და ნათესაეების დანახვა მოსწყურდა. ქალს უთხრა, უნდა წავიდე და ვნახო ჩემი დედა და ნათესაეებიო.

ქალი არ უშვებდა: ახლა იმათი ძვლებიც აღარ იქნებაო.

ვაჟმა უთხრა: — რას ამბობ, ეს სამი-ოთხი დღე არის, რაც მოვსულვარ და როდის დაიხოცებოდნენ?

ქალმა უთხრა: — აკი გითხარ, მიწა თავისას მოითხოვს. მეთქი. კარგი, წადი და, რაც მოგივიდეს, შენ თავს დააბრალე. — სამი ვაშლი მისცა: — როდესაც იქ მიხვალ, მაშინ შეჰამეო.

წავიდა ვაჟი და აი შემოჰხვდა ნაცნობი ადგილები. აი ხევიც, ის უძირო უფსკრული. ყორანი მაშინდა მომკვდარიყო, ამოეგსო ხევი და თვითონაც გამხმარი იჯდა კლდის წვერზე.

ვაჟს თვალთ დაუბნელდა, მოაგონდა ქალის სიტყვები, გაბედა უკან დაბრუნება, მაგრამ მიწა, ბედისწერა არ უშვებდა. ისევ წინ წავიდა.

გასცდა კლდეებს და გავიდა ნაცნობ მინდორზე. გაიარა, გაანახევრა და ნახა, რომ ირმის რქა ცას მიჰკუდებოდა. ის იყო მაშინდა მომკვდარიყო ირემიც. ახლა კი დარწმუნდა ვაჟი, რომ მართლა კარგა ხანი გასულაო.

მაინც გასწია თავის ქვეყნისაკენ. მივიდა, მაგრამ ნაცნობი კი აღარავინ იყო. იკითხა დედა, მაგრამ იმის გამგონიც კი აღარავინ მოიპოვებოდა.

ბოლოს ერთი ბერიკაცი ნახა. ჰკითხა თავისი დედის ამბავი და უამბო ყველაფერი, მაგრამ ბერიკაცმა არ დაუჯერა, ის დედაკაცი, როგორც მამა-პაპას უთქვამს, ათასი წლის წინათ ყოფილა და როგორ შეიძლება, რომ იმის შვილი ახლა ცოცხალი იყოსო.

ხალხს არა სჯეროდა და ამბობდა, ეგ გამოგზავნილია საიქიოდანაო.

გავარდა ამაზე ხმა სოფლებში და ხალხი კალიასავით ეღებოდა ამ ვაჟს სანახავად.

ბოლოს ვაჟი მივიდა იმ ადგილს, სადაც იმათი სახლი იყო; სახლის ადგილს ყვითელ ხავსმოკიდებულ ქვითკირის კედლები კიდევ დახვდა.

ვაჟს მოაგონდა ყველაფერი, თავისი დედა, თავისი ბალობა, დაღონდა; ბოლოს სთქვა: მოიტა ერთი, შევქამ ერთ ვაშლსაო.

ამოიღო, შექამა და ერთ წამში ხავსივით წვერი დაეკიდა წელამდე, შექამა მეორე და მოეშვა მუხლები, ველარ განძრია ხელი, გახდა კუტი მოხუცი. თავი შეჭზიზღდა; დაინახა ახლოს ერთი ბაღი და დაუძახა:

— მოდი, ჯიბეში ერთი ვაშლი მაქვს და ამომიღეო.

ბაღლმა ამოუღო ვაშლი, შექამა ბერიკაცმა და განუტევა სული.

გაიტანა სოფელმა და სამადლოდ დამარხა.





სამი გვერანი ყურძნის აგზავი

იყო და არა იყო რა, იყო ერთი საწყალი მეწისქვილე-როგორც თვითონ იყო საცოდავი, ისე წისქვილი ჰქონდა საცოდავი. დიდი მოგება არაფერი ჰქონდა. ეგ იყო შიმშილით არა კედებოდა! ანკი რა მოჰკლავდა? ცოლი არ აწუხებდა და შვილი. კაცმა მართალი უნდა თქვას, ცოლი კი ძალიან უნდოდა, რომ შეერთო.

სახლის გვერდზე ერთი პატარა ვენახი ჰქონდა, შიგ სამი ვაზი ედგა, სამი მტევანი ება ამ ვაზებს. ჩამოუვლიდა მეწისქვილე ვაზებს: თქვენ უნდა დამაქორწილოთ, სამი მტევიდან სამი კოკა ღვინო გამომივიაო.

ისეთი იმედი ჰქონდა, თითქო დაწურული ედგა ქვევრში, ძალიან უფრთხილდებოდა, ბუზს არ აკარებდა ახლოს.

ერთხელ მეწისქვილესთან მელია მოვიდა:—მეწისქვილე, —უთხრა მელიამ,—ყურძენი მაჭამე და ბედსა გწევო.

— რა ბედს უნდა მწიო, შვილოსა, ჩემმა სამმა მტევანმა ცოლი უნდა შემერთოს, სხვა არაფერი მინდაო.

— კარგი, — უთხრა მელიამ, — მაჭამე და მე შეგერთავ.

— რომ არ შემართო, მერე რა გიყო?

— თუ არ შეგერთე და ბედს ვერა გწივ, შენ ხელთ არ ვიქნები, რაც გინდა ის მიყავი, — უთხრა მელიამ.

მეწისქვილემ ჯერ ერთი მტევანი მოუგლიჯა. შეჭამა მელიამ.

— მწივ ბედსა, მელიავ, — ეუბნება მეწისქვილე.

— მეორეც შემაჭამე!

შეაჭამა მეორეც.

— მწივ რალა ბედსა, თორე ამ კეტს ხომ უტკერი, დაგ-
ცხებ და დაგარეტიანებ, — უთხრა მეწისქვილემ.

— მოიცა, ჩემო ძმაო, მესამე მტევანიც შემაჭამე, და
ბედს მერე გწიევო.

შეაჭამა მესამე მტევანიც.

— თუ არა მწივ ბედს, ახლა კი ცოცხალს აღარ გაგი-
შვებ, — დაუყვირა გულმოსულმა მეწისქვილემ, რაკი ცარიელი
ვაზები დანახა.

გაუძღვა მელია მეწისქვილეს, გაიყვანა მინდორში, სულ
ლილილო და ყაყაჩოვებით ააჭრელა: უნდა ხელმწიფის ქალი
შეგერთოო.

იარეს, იარეს და ერთ ტლაპიან წყალს მიადგნენ. ზედ
ცალფენა კაცის ხიდი იდო: ცალი ხე იდო. შედგნენ ზედ,
დაანძრია მელიამ და ეს კაცი შიგ ტლაპოში ჩააგდო. როცა
მეწისქვილე კარგა მოისყარა, ჩამოხტა მელია და გამოათრია
მეწისქვილე ნაპირზე: — შენ აქ დამიცადე, მე წავალ და ამ
საათში ისეთ ტანისამოსს მოგიტან, თავის დღეში არ გე-
ნახოსო.

დაჯდა მეწისქვილე და ელის.

მოვიდა მელია ხელმწიფესთან და მოახსენა:

— დიდებულო ხელმწიფევე, თქვენთან სასიძო მომყავდა,
გზაზე ხიდიდან გადამივარდა, ტანისამოსი მოგსყარა და სირ-
ცხილით ველარ მოსულა. რაც ეკადრებოდეს, ერთი ხელი
კაი სამეფო ტანისამოსი გვიბოძეთ.

ხელმწიფემ მაშინვე უბრძანა მიეცათ ერთი ხელი კაი
ტანისამოსი თავისი მორთულობით.

წამოვიდა, წამოიღო მელიამ, ჩააცვა მეწისქვილეს, მორთო და მოიყვანა ხელმწიფესთან. გახარებულია მეწისქვილე, რადგან თავის დღეში ასეთი ტანისამოსი, ზედ კი არა, თვალთაც არ უნახავს. სულ ზედ იხედება. ზედ რომ იხედებოდა, როგორღაც ეუცხოვათ კარისკაცებს.

მელიას ჰკითხეს:—მელიავ, რა ხამივით იცქირება ტანისამოსზე?

— თქვენები არ მოეწონა, უკეთესს არის დაჩვეული და ველარ უწყენინებია თქვენთვისა.

ზის მეწისქვილე და დარდშია. ყველა, ყველა, მაგრამ ეს მექორწილე ხალხი სად უნდა წაასხას, სად, ვის სახლში შეიყვანოს?! ფიქრობს და ვერაფერი მოუგონია.

მელიას ჩუმად უთხრა:—რომ გავგიგონ, ხომ შენც უნდა დაიღუპო და მეც დამღუპო; რა ვქნათ, ახლა რაღა გვეშველება?

— შენ არხეინად იყავ, მე მოვახერხებ;—გაუმაგრა გული მელიამ.

შერთეს ქალი და წამოვიდნენ, იმოდენა ნაზირ-ვეზირები სულ თან გამოჰყვა. მელიამ დაიწინაურა, მაყრებს უთხრა: მე უნდა წინ მახარობლად წავიდე და თქვენ ფეხი ცოტა მძიმედ ატარეთო.

გამოსწია მელიამ. დევების ერთ კარგ სახლთან მოვიდა. შიგ გამოვალებული, სარჩოთი სავსე დევები ცხოვრობდნენ.

— არიქათ, ძმებო, ლაშქარი მოდის, თუ არ დაიმაღეთ, სულ ავიკლებენ, ჩქარა თავს უშველეთ!—დაუძახა მელიამ.

— რა ვქნათ, მელიავ, გვირჩიე რამე,—შეევედრნენ დევები.

— წამოდით,—უთხრა მელიამ,—აი დიდი თივის ზინი რომ დგას, იმაში შეძვერით. იმათი ლაშქარი რომ გამოივლის, ცხენების ფრუტუნს გაიგონებთ, თქვენც დაიწყეთ ფრუტუნნი, თავი გარეთ არ გამოჰყოთ, თორემ სულ გაგჟლეტენ.

დაანებეს თავი დევებმა მაშინვე სახლს, გულგახეთქილები შეძვრნენ თივაში. მელიასაც ეს უნდოდა: მიუქიდა ამ თივას ცეცხლი. ირგვლივ ფრუტუნნი დგას—ცეცხლის ალი

ტრიალებს. ერთი დღეილა გადარჩა ცოცხალი, სხვები სულ დაიბუღნენ. იმანაც თავს უშველა. სახლისკენ რალა მოახედებდა.

შევიდა მელია დევეების სახლში. მართლაც რა არ იყო იმათ სახლში, რასაც გული ინატრებს და გონება მოიგონებს. ჭერზე სულ ოქროსი და ვერცხლის ვარსკვლავები ისხდნენ. ავიდა მელია, სამი ვარსკვლავი ჩამოიღო და დამალა.

მოვიდნენ ქალიანნიც. გაჰკვირდნენ ნეფის მოწყობილობით. მეწისქვილელს გაკვირებული იხედება აქეთ-იქით, ხან ჭერში შეიკვირება.

— რას იხედება ეს კაცი?— დაიწყეს ჩურჩული.

აქ მელია წამოდგა და მოახსენა, ჭერში იმიტომ იცქირება, რომ წელან მე განგებ სამი ვარსკვლავი ჩამოხსნენ და იმას კითხულობს.

ისეთი ქორწილი გადიხადეს, რომ სულ მთა და ბარი შესძრეს.

როცა ქორწილი გათავდა და ხალხი წავიდ-წამოვიდა, მელიამ უთხრა მეწისქვილეს:

— აბა, ჩემო ძმაო, მე ამისთანა ბედსა გწიე და შენ რალა სიკეთეს მიზამ?

— საქათმეში დაგმარხავ, როცა მოკვდები,— უთხრა მეწისქვილემ.

მელიამ სთქვა, თუ არ გამოვცადე, მართლა საქათმეში დამმარხავს თუ არა, არ იქნებაო.

ერთი კვირის შემდეგ თავი მოიმკვდარუნა, სული განაბა, ფეხები გაფშიაკა და კუდი გაჭიშა.

მოვიდა მეწისქვილე, ნახა მელია მომკვდარა, დაავლო ხელი კულში და სანაგვეში გადაისროლა. წამოხტა გაბრაზებული მელია და მიაფურთხა მეწისქვილეს:— მაგრე უნდა სიკეთის გადახდა, არ გრცხვენია, მაგრე ასრულებ შენ დაპირებას? ამ საათში წავალ და ხელმწიფეს ვეტყვი, რომ შენ მეწისქვილე ხარ, შე საძაგელო შენა!

აბა რას ეტყოდა ხელმწიფე; ის მელიას უფრო არ


გამბტყუნებდა: მაჰანკალი ზენ იყავ და, თუ მეწისქვილე იყო, რაღადა მაჰანკლობდიო.

— აღარა, ბელიავ, აღარა ვიქ, — ეუბნება მეწისქვილე, — საქათმეში დაგმარხავ!

გავიდა კიდევ რამდენიმე ხანი, მელიამ კიდევ მოიმკვ-
დარუნა თავი. აილო მეწისქვილემ და ისევ გადისროლა. წა-
მობტა მელია და ახლა უფრო უარესი დღე დააყენა. კიდევ
შეჭფიცა მეწისქვილემ, თუ არ დაგმარხო, მერე წადი და,
რაც გინდა, მიყავიო.

ამის შემდეგ კარგა ხანს იცოცხლეს მელიამ და მეწის-
ქვილემ. როცა მელია მოკვდა, მეწისქვილემ მელიას ანდერძი
აღარ გაუტეხა.





გაღმოსაქმე ალექსანდრე მაკედონელზე

ალექსანდრე მაკედონელმა მთელი ქვეყანა დაიპყრო: აღარ დარჩა არც ქალაქი და არც სახელმწიფო, რომ ალექსანდრეს ხმაღს არ შეენძრია იმისი კედლები. მაკედონელის თვალი და გული მაინც ვერ გაძღა. იმას უნდოღა, რომ სულ ახალ-ახალი სახელმწიფოები დაეპყრო. დღხანს არ შეეძლო უომრად ყოფნა.

მაკედონელს ვეზირად ერთი ბრძენი პყავღა. ერთხელ დაუძახა ამ ბრძენს მაკედონელმა და უთხრა:—ომი მინღა, ხომ არ იცი ან ქალაქი, ან სახელმწიფო, რომ ჩვენ ხარკს არ გვაძღევღს?

ბრძენმა მოახსენა:—ეგ რომ სამი წღის წინ გვიკოთხნა, გასწავღღიღი ერთ მღღიდარ ქალაქს. ახღა კი ის ქალაქი გაქვეავეღულია. იმ ქალაქა სპიღენძისას ეძახიან, რადგანაც ვაღაღანი, სახღები, ციხეები სულ სპიღენძისა აქვს. შეიღ წღღს იქ ცა იყო შეკრული, არც მოსულა წვიმა, არც ამოსულა ბაღახი, არც ხეები. შეიღღებს აღარა შობღღენ ღღდაკაცები,

არც ნადირი და საქონელი. ქათამიც კი კვერცხს აღარა სდებდა, ხეები აღარა ჰყვაოდნენ და ნაყოფი არ მოჰქონდათ. წყლები და ხალხი გაქვეავებული არის. აგრეთვე გაქვეავებულია იმათი ხელმწიფე. სახლები ოხრად არის დარჩენილი, ოქრო და ვერცხლი უთვალავია, მაგრამ ისეთ ადგილას არის, რომ იქ ცოცხალი კაცი ვერ მივა... ერთი მხრით მიუვალი ზღვა აქვს და მეორე მხრიდან ისეთი მაღალი მთა, რომ იმის თოვლიან წვევრზე ფრინველებიც კი ვერ აფრინდებიან. მაგრამ თუ თაიხვრიტა ის მთა, მაშინ კი შეიძლება იმ ქალაქში შესვლა.

მაკედონელმა მაშინვე უბრძანა ჯარებს მომზადებულიყვნენ და მალე გაუდგნენ სპილენძის ქალაქის გზას. ალექსანდრეს ჯარი ცხრა წელიწადი იდგა იმ მთასთან და ხვრეტდა. მეცხრე წელს გახვრიტეს და გავიდნენ სპილენძის ქალაქში. ალექსანდრესთან ერთად ბრძენიც იყო და მუდამ არიგებდა, როგორც უნდა მოქცეულიყო. ჯარი მიადგა ქალაქის კედლებს, მაგრამ არსიდან არ შეიძლებოდა შესვლა.

ქალაქის კარებზე სპილენძის ერთი შეკმაზული ცხენი იდგა. ალექსანდრე მივიდა იმ ცხენთან და დაუწყო ფაფარზე ხელის სმა: ნეტავი ცოცხალი იყო, რომ ზედ შეგჯდომოდიო. როდესაც ალექსანდრე ამას ამბობდა, ბრძენი იდგა იმის გვერდზე და კარების თავზე მდებარე ქვას კითხულობდა. ქვაზე ეწერა: ცხენს მარჯვნივ შემოაბრუნებ, კარი გაიღება, მარცხნივ—დაიკეტებაო. ბრძენმა ეს მაშინვე მოახსენა ალექსანდრეს. შემოატრიალეს ცხენი მარჯვნივ და გაიღო კარი ქალაქისა. შევიდა ჯარი გაოხრებულ ქალაქში და დაიფანტნენ სახლებში ოქროსა და ვერცხლის საშოვნელად. აუარებელი ოქრო, ვერცხლი და თვალ-მარგალიტი იშოვა ჯარმა. გაავსეს ურმები, დატვირთეს აქლემები და ჯორები სიმდიდრით. ჯარი სპილენძს და უბრალო ფარჩას ხომ აღარ კადრულობდა, მარტო ოქროსა და ვერცხლს ხვეტდა.

ალექსანდრეს თვალი მაინც ვერ გაძღა. ბრძენს უბრძანა: იქ წავიდეთ, სადაც ხელმწიფის სასახლეაო.

წავიდნენ იქ. გზაზე ხალხი სულ გაქვეავებული ხედებოდათ: მჭედლებს ჩაქუჩები ეჭირათ ხელში და ისე გაქვეავებუ-

ლიყვნენ, მგზავრები ცხენზე ისხდნენ, წყლის მზიდავებს ზურგზე კოკები ეკიდათ და ისე იყვნენ გაქვავებულები.

ბოლოს შევიდნენ ხელმწიფის სასახლეში. მეფე და დედოფალი ტახტზე ისხდნენ. მეფეს პირში ყალიონი ეჭირა; იმის უკან ერთი კაცი იდგა, ხელში კომბალი ეჭირა; დედოფალს ხელში წიგნი ეჭირა და იმას კითხულობდა, ისიც ისე გაქვავებულიყო. გაძარცვეს მთელი სასახლე და გაიტანეს, რაც რამ იყო.

ალექსანდრე გამოვიდა, მაგრამ ბრძენს უთხრა: — მართალია, ამდენი სიმღიდრე მიგვაქვს, მაგრამ იმ გვირგვინების ფასი არაფერია, ისინიც უნდა წავილოთო.

— არ გინდა, მეფეო, — უთხრა ბრძენმა, — გვირგვინი შენიც გეყოფა.

მანაც არ დაიჯერა ალექსანდრემ, უნდა შევიდო.

— მაშ ჯერ წავიკითხოთ, რა სწერია იმ წიგნში და მერე ისე მოვიქცეთ, — უთხრა ბრძენმა.

წიგნში ეწერა: ვინც ჩვენს ქალაქში მოხვალთ და ნახავ: ჩვენ სიმღიდრეს, წაიღეთ ყველაფერი, ნურათერს ნუ გასწირავთ, მაგრამ ამ გვირგვინებს კი ნუ მოგვხდით, დაღმულია ღვთისაგან და კაცმა როგორ უნდა მოგვხადოს; და თუ არ დაიშლის და შეგვებება ვინმე, ინანებსო.

ალექსანდრემ თავი დაანება და გამოვიდა გამარჯვებული, მაგრამ ისევ შებრუნდა: ცოცხლები რას მიზამდნენ, მკედრები რას მიზამენ, მოვხდი გვირგვინებს, ერთს მე დაეიდგამ და ერთს ჩემი ცოლიო.

შევიდა. ჯერ მეფისათვის უნდა მოეხადნა, მაგრამ იმდროს, როდესაც ის მიეწოდა ხელმწიფის გვირგვინის მოსახდელად, იმის უკან კომბლიანი კაცი გაცოცხლდა, მოუქნია კომბალი ალექსანდრეს, თავში სდრუზა და ისევ ქვის კაცად იქცა. გასისხლიანებული ალექსანდრე ძლივს მოასულიერეს კარისკაცებმა.

ბრძენმა უთხრა: — აკი გითხარ, არ გინდა, თავი დაეანებოთ მეთქი, კიდევ კარგი, რომ დედოფლის გვირგვინს არ შეეხე პირველად, თორემ ის ქვის კაცი ხმაღს მოგქინედა და თავს მოგჭრიდა.

დაკრიჭა კბილები ალექსანდრემ ბრაზისაგან, მაგრამ
ქეას რას უზამდა? დაანება ალექსანდრემ იმ ქალაქს თავი
და დიდი ნადავლით დაბრუნდა თავის სახელმწიფოში.

* * *

ალექსანდრეს აღარაფერი გადარჩა უხარკოდ. ერთი
ზღვალა იყო, რომელიც ხარკს არ აძლევდა იმასა. ალექსან-
დრემ იფიქრა, მოდი ერთი, ამითაც ვაღიღებ ჩემ სახელს და
ზღვასაც გამოვართმევ ხარკსაო.

შეკრიბა ჯარი; უბრძანა თივისა და ნავთის მოტანა,
გადააყრევინა ზღვაში და გადაასხმევინა ნავთი და მისცა
ცეცხლი.

ცეცხლი მალე მოედო ნავთს და ბოლი შეიკრა ზღვის
პირზე. ზღვის ყველა ცხოველი შეწუხდა. ყველა ზღვის სულ-
ღმეული სამჯერ მაინც დაინახავდა ცას, ამოფრინდებოდა
ხოლმე წყლიდან, ახლა კი ცეცხლისა და ბოლის შიშით
ველარავინა ბედავდა ამოფრენას. ბოლოს რომ შეწუხდა და
შეწუხდა ზღვის სამეფო, გამოუგზავნეს ალექსანდრეს ერთი
პატარა კაცი სათხოვნელად: რაც უნდა გამოგვართვას,
ოლონდ თავი კი დაგვანებოსო.

მოცურდა კაცი ზღვის პირას, სადაც ალექსანდრე იყო
და უთხრა:—რა გინდა ჩვენგან, რას გიჭამთ, ნახნავს არ გი-
ფუჭებთ და ნათესს, თივა არ გვინდა თქვენი და პური, რა-
ტომ არ დაგვეხსნები და არ დაგვანებებ თავსა, რა გინდა
ჩვენგან, რა მოგცეთო.

ალექსანდრემ უთხრა:—მე არაფერი არ მინდა, მე მინდა
ერთი რამე მომცეთ მცირე, რომ ჩემს შემდეგ მეფეებმა
თქვან, მაკედონელმა ზღვასაც კი ხარკი გამოართვაო.

კაცმა გამოუტანა სამი მარცვალი, მისცა და უთხრა:—აჰა,
მაშ წაიღე და ერთ მარცვალს რომ შესკამ, ოთხმოცი წლისა
რომ იყო, ოცი წლისა გახდები, მეორეს რომ შესკამ, მეცნიერი
იქნები და მესამეს რომ შესკამ, რომ გაიარო, ყველა ბალახი
დაგიძახებს, რის წამალიც არისო.

გახარებულმა ალექსანდრემ მაშინვე შეგზავნა მცურავებო-
და დაალეკინა თივა ზღვას.

წამოიღო ალექსანდრემ ის სამი მარცვალი, მიუტანა-
მეპურეს, გააკეთებინა სამი გუნდა, ჩაატანებინა შიგ და
უთხრა:—ეს პურები რომ გამოცხვება, მომიტანე, წვეულება-
რომ მექნება, წინ დამიწყეო.

ალექსანდრეს უნდოდა თავისი ხალხის წინ გამხდარიყო
ახალგაზრდაც და ბრძენიც; მაგრამ ასე არ მოხდა.

დააქრა თუ არა მეპურემ გაკეთებული გუნდები, მაშინვე
ნაცარში ჩაცვივდა, წყალივით წვეთ-წვეთად ჩაიკრიბა ცე-
ცხლში. შეშინდა მეპურე, რომ ასე გაუფუჭდა ალექსანდრეს-
პურები, მაგრამ იფიქრა: განა მე მეპურე არა ვარ, განა სხვას
კი ვერ გავაკეთებო.

გაკეთა მართლა სამი სხვა გუნდა, გამოაცხო მშვენიე-
რად და მიართვა ალექსანდრეს. შეჭამა ერთი პური ალექსან-
დრემ, არაფერი არ მოუვიდა, შეჭამა მეორე, მესამე, მაგრა:
ისევ ის ალექსანდრე იყო.

ამ დროს იმ ქალაქში ერთი გლახა იყო, მოხუცებული
კუტი. ყოველთვის ვირზე იჯდა და ისე დადიოდა სოფლით
სოფელს; ჩაუარა ხელმწიფის მეპურეს და სთხოვა პური. მე-
პურე გაუჯავრდა: რა შენი დრო მაქვს, ხელმწიფის პურები-
გამიფუჭდა, წადი, გამეცალეო.

გლახამ უთხრა: ე კუტების ნამცეცები მაინც მომეც, შენ-
რად გინდა, მე წყალში დავალობ და ვჭამო.

მეპურეს გაუხარდა კიდევ, რომ მოიშორებდა ამ ნამ-
ცერეებს, აკრიფა ალექსანდრეს პურის ნატეხები და ჩაუ-
ყარა პარკში.

წავიდა გლახა შინ, ჩაალობ ეს პურები და როდესაც
დალბა, ამოიღო, დაუწყო ჭამა; შეჭამა ერთი ნატეხი და თეთრი
გრძელი წვერის მაგიერ ლოყაზე ამოუბუსუსდა პატარა წვერ-
ულვაში, გაიმართა წელშიაც და ფეხებშიაც. შეჭამა მეორე და
შეიქმნა მეცნიერი, შეჭამა მესამეც და სადაც გაივლიდა, ბალა-
ხები უყვიროდნენ, მე ასეთი ვარ და მე ისეთიო. მაშინვე დაა-
ნება გლახობას თავი, ჩაიცვა მშვენიერად და დაიწყო თავის-
თვის ტკბილად ცხოვრება.

ალექსანდრე წავიდა მეპურესთან და ჰკითხა:—შენს სულზე სთქვი, ის პურები მომიტანე, რომლებიც მე გამიკეთე, თუ არაო?

მეპურემ უთხრა ყველაფერი, როგორც იყო. მაშინ ალექსანდრემ გაგზავნა კაცები იმ გლახის საძებნელად, მაგრამ არსად იყო. მეორე დღეს ალექსანდრემ წაიყვანა მეპურე და აჩვენა გლახები, აბა იცან, აქ არის თუ არაო.

მეპურემ დაათვალიერა გლახები, მაგრამ ვერსად ნახა ის გლახა. ბოლოს ალექსანდრემ ჰკითხა:—ყველანი აქა ხართ თუ არაო?

გლახებმა უთხრეს:—მაშ, მეფევე, არ შეგიტყვიათ, წუხელ რა ამბავი მოხდა?

— რა?—ჰკითხა მაკედონელმა.

გლახებმა უთხრეს:—წუხელ თქვენს მეპურეს კუტები მიუტია ერთი მოხუცი გლახისათვის, უკამია თუ არა ის პურები, ახალგაზრდა, ბრძენი და ექიმი გამხდარა. ახლა აღარა გლახობს და ტბილად ცხოვრობს თავისთვისა.

ალექსანდრემ უბრძანა:—წადით, შესვით ის იმავ ვირზე, ჩააცვით ისევე ის ტანისამოსი და მოიყვანეთ ჩემთანაო.

წაივინენ, შესვეს ვირზე და მოიყვანეს ალექსანდრესთან. ალექსანდრემ ჰკითხა მეპურეს, ეს იყო თუ არაო.

მეპურემ უთხრა:—რა ვქნა, ბატონო, ვირი ის არის, ტანისამოსი ის აცვია, მაგრამ ეს ახალგაზრდა არის და ის კი ბებერი იყო.

მერე ალექსანდრემ თვითონ გლახას ჰკითხა. გლახამ ყველაფერი უამბო.

ალექსანდრემ ის გლახა თავის ექიმად დატოვა. მუდამ ჰკითხავდა თავის სიკვდილზე. ალექსანდრემ ერთხელ მკლავი გაასინჯა თავის ექიმს და ჰკითხა, რამდენ ხანს ვიცოცხლებო.

ექიმმა უთხრა, სანამ ცა სპილენძად არ იქცევა და დედამიწა რკინად, მანამდე ვიცოცხლებო.

ალექსანდრეს გაუხარდა, მაგრამ კარისკაცებს არ უყვარდათ ის, რადგანაც სასტიკი კაცი იყო და მოწამლეს. საწამლავემა დაასუსტა მაკედონელი და კვდებოდა; დაუძახეს ექიმს.

ექიმმა უთხრა:—ერთი დღის სიცოცხლე გაქვს, მაგრამ მე სამ დღეს კიდევ გაცოცხლებ ჩემი წამლებითაო.

ალექსანდრემ უთხრა:—აჲ იმას მეუზნებოდი, მანამ იცოცხლებ, ვიდრე ცა სპილენძად არ იქცევა და დედამიწა რკინადაო.

— დაიცადე,—უთხრა ექიმმა,—მაგას სიკვდილის წინ ნახავ.

სამი დღე კიდევ იცოცხლა ალექსანდრემ. მესამე დღეს მთავარი ჭკუა დაკარგა; კარისკაცებს უთხრა, ჩამიყვანეთ უკანასკნელად ჩემ ბალშიო.

ჩაიყვანეს ალექსანდრე ბალში, გაისერნ-გამოისერირა და უთხრა, წამიყვანეთ ჩემ საჩრდილობელშიო.


იმის საჩრდილობელს სპილენძი ეხურა და ძირს რკინა ეგო. დააწვინეს ლოგინზე ალექსანდრე. ალექსანდრემ დაინახა სპილენძი:

— ოჲ, ცა ქცეულა სპილენძად, — დაიძახა ალექსანდრემ, — ჩამიყვანეთ, ჩამიყვანეთ!

ჩამოიყვანეს რკინის იატაკზე.

— ოჲ, მიწაც რკინად გადაქცეულა, — დაიყვირა ალექსანდრემ და ამოუვიდა სული.

ექიმი კი იმის მაგივრად გამეფდა.





მ რ ი ს რ უ პ ე ნ ტ ე ლ ა

იყო ორი ცრუპენტელა. ერთს ერქვა დათუა, მეორეს— პეტრიკელა.

ერთხელ დათუა ცრუპენტელამ ერთი დიდი ტომარა მოიტანა, ხავსით მაგრა გატენილი, თავზე მატყლი დაატენა და იმერეთში წაიღო გასაყიდად. კორტოხის წვერზე (სურამის მთაზე) რომ ავიდა და ტურფა იმერეთს გადახედა, სწორედ ამ დროს პეტრიკელა ცრუპენტელა შემოხვდა: ნიგვზის ნაჭუჭებით საესე დიდი ტომარა ეყიდა, ხოლო ნაჭუჭების ზემოდან ნიგოზი ეყარა.

— გამარჯობა შენი!— შესძახა დათუა ცრუპენტელამ.

— გაგიმარჯოს!— მიუგო პეტრიკელამ.

— საიდან მოხვალ, ან სად მიხვალ?

— იმერეთიდან მოვდივარ ქართლში, გასაყიდად ნიგოზი მიმაქვს, მაგრამ ერთს გეტყვი, თუ დაიჯერებ: ტყუილუბრალოდ იქით-აქეთ სიარულს რას გამოგერჩებით, — ქალამნები დაგვიცვლდება, სხვა არა იყოს რა. მოდი, ჩვენი სავაჭრო

გავცვალთ: შენ ეს ნიგოზი წაიღე იმერეთში, გაყიდე და მე მატყლი მომეცი, დავბრუნდები და ქართლშივე გავყიდი.

— ძალიან კარგია, ძმობამ! გვირჩევნია ჩვენ ჩვენი სახლებსაკენ დავბრუნდეთ, თრევით რას გავხდებით. აჰა, მატყლი და შენც შენი ტომარა ნიგოზი მომეცი.

ამგვარად, ორივე ცრუპენტელამ ტომრები ერთმანეთს გაუცვალეს და თავთავიანთ სახლებსაკენ დაბრუნდნენ.

ცოტა გზა გაიარეს და ერთმანეთს რომ ვეღარ ხედავდნენ, სწრაფად თავთავისი ტომრები გახსნეს. ნახეს, ერთმანეთი მოეტყუილებინათ.

გავიდა რამდენიმე ხანი. კიდევ შეხვდნენ ერთმანეთს. მიემშვიდობა დათუა და უთხრა პეტრიკელას:

— მე მეგონა, მარტო მე ვიცოდი ტყუილი, მაგრამ არც შენ ყოფილხარ, ძამიავე, ნაკლები.

— იმე! რა გაგკვირვებია, შე კაცო! თუკი შენ იცოდი რამე, რატომ მეც არ მეცოდინებოდა?!

— მაშ, მოდი, დავმშობილდეთ!

— ძალიან კარგი. იცი რა, მოდი ერთად დავდგეთ სადმე მოჯამაგირედ.

— შენი ნება იყოს.

ცრუპენტელები შეუდგნენ მოჯამაგირის ადგილის კედლს. ბევრი იარეს, თუ ცოტა იარეს, ბოლოს შეიტყუვეს, ერთ დედაბერს ორი მოჯამაგირე უნდაო. მივიდნენ იქა და ადგილი იკითხეს.

დედაბერმა უთხრა:—ერთი ძროხა მყავს და ეს სახლი მაქვს; ერთმა თქვენგანმა ძროხა უნდა ატაროს საბალახოდ და თანაც სალამური, ჩონგური და დაირა უნდა ჰქონდეს, რადგან ჩემმა ძროხამ ცეკვა იცის; მეორემ კი აქაურობა უნდა დაგავოს, დაასუფთაოს და სხეი' ვეზოში გადაყაროს ნაგავი. თუ თანახმა ხართ და სამსახურს შეიძლებთ, დადექით.

— თანახმა ვართ, როგორ ვერ შევძლებთ, - უპასუხეს.

მეორე დღეს პეტრიკელა შინ დარჩა სახლ-კარის მოსაველელად, დათუამ კი პური, დაირა, სალამური და ჩონგური აიღო და ძროხას გაჰყვა..

პეტრიკელამ სახლ-კარი დაგავა, დაასუფთავა, ნაგავს თავი მოუყარა და, როცა სხვის ეზოში ჰყრიდა, პატრონებმა დაინახეს, მისცვიდნენ და სასტიკად სცემეს, თქვენ ნაგავს ჩვენ ეზოში რატომ ჰყრითო.

ცემისაგან გვერდებდალურჯებული პეტრიკელა ბოსლის ტახტზე დაეგდო.

არც დათუა ცრუპენტელას დაადგა კაი დღე. გავიდა თუ არა ძროხა საბალახოდ, მაშინვე კუნტრუში დაიწყო და სალამომდე ფეხჩაულვებლად დარბოდა.

სალამოს შინ მობრუნდა, დათუაც თან მოჰყვა. სირბილისა და შიმშილისაგან ისე დაქანცულიყო, რომ პურის ჭამაც კი არ შეეძლო. შევიდა თუ არა ბოსელში, პეტრიკელას ჰკითხა:

— რა დაგემართა, ძამიავ, ავად ხომ არა ხარ?

— ავად კი არა!

— აბა, რატომ წევხარ?

— ბოსელი და ეზო დაგვაგე, ნაგავი სხვის ეზოში გადავყარე, დამინახეს თუ არა პატრონებმა, მიმიწვიეს და კარგად გამიმასპინძლდნენ, ბევრი კახურის სმით თავი მიბრუნეს; შენ როგორილა დრო გაატარე?

— მეც კარგ ქეიფზე ვიყავი... დაუქარი დაირა, ჩამოეკარი თითები ჩონგურის სიმებს და ჩავაკრიალე სალამური. ძროხამაც დაუარა მშვენიერი ფეხმარდი ლეკური. კაცი და ქალი აუარებელი მოგვაწყდა, ჩვენთან ისინიც მხიარულობდნენ. წარმოიდგინე, პური ისევ მთელი მოვიტანე: სიხარულით ჭამაც კი არ მომგონებია.

— აბა, რახან ეგრეა, ძმაო, ხვალ მე გაეყვები ძროხას, და შენ კი შეზობელს ეწვიე და ერთი ლაზათიანად გამოთვერი.

— შენი ნება იყოს, არ ვაწყენინებ, — უთხრა დათუამ.

მეორე დღეს ისეთივე დღე დაადგა პეტრიკელას, რაც დათუას გადახდა: სალამომდე თავქუდმოგლეჯილი არბენინა ძროხამ; დათუა კი ისე დაამეყავეს ცემით, ძლივს მიათრია წელი ბოსლამდე.

იმ ღამეს რჩევა შეექმნათ და სთქვეს, თუ აქედან არ გავიპარეთ, ან შიმშილს ვერ გავუძლებთ ან სირბილს და ცემა ხომ ზედმეტიაო.

გადაწყვიტეს გაპარვა, მაგრამ კარებს საღამოობით დედაბერი თვითონ ჰკეტავდა გარედან. ეს გარემოება მათი გულის წადილის შესრულებას ხელს ძალიან უშლიდა.

პეტრიკელამ სთქვა:— მოდი, ეს ძროხა დაველათ, ტომარაში ჩავდეთ, მერე ერთმა მეორეს უკიბოს, მაღლა ავიდეს, ჭერიდან გაძვრეს და თოკი ჩამოუშვას. მეორემ ტომრით ხორცი მიაწოდოს, შემდეგ თვითონაც მოეჭიდოს და ავიდეს; მას უკან ერთად წავიდეთო.

— ეგ ძალიან კარგი იქნება, — მოუწონა დათუამ, — მე უფრო ღონიერი ვარ, ხორცსაც ავიტან და შენც ადვილად აგიყვანო.

უკიბა პეტრიკელამ, ტომრის ცალი ყური თოკით მაგრა გამოჰკრა, შიგ ორიოდე ნაჭერი ხორცი ჩადო, თვითონაც ჩაჯდა და დაუძახა:

— ხორცი ასწი და ტომარა ისევ ჩამოუშვი! — დათუამ ტომარა მაღლა ასწია, ზურგზე მოიგდო და მოკურცხლა. კარგა დიდი მანძილი რომ გაირბინა, დაიღალა და დასვენება მოუხდა. ტომარა ზურგიდან მოიხსნა და ძირს დააგდო.

— ნელა, შე ოჯახქორო, არა მატკინო რა, — შესძახა პეტრიკელამ და ტომრიდან ამოძვრა.

— თვითონ შე ოჯახდაქცეულო! წელი რად მომწყვიტე?

— აბა, ჩემი რა ბრალია: ნუ ვუღალატებთ ერთმანეთს, ნურც ჭირში, ნურც ლხინში და არც წელი მოგვწყდება და არც გული, — უთხრა პეტრიკელამ.

ის იყო და ის, ერთმანეთის მოტყუებას თავი დაანებეს, ძმურად, სიყვარულით იწყეს ცხოვრება და ერთმანეთის გატანას არაფერი ერჩინათ.



ბ ე ლ ი ვ ა რ ი

იყო და არა იყო რა, იყო ერთი საწყალი და უქონელი, მარტოხელა კაცი. წავიდა სამოჯამაგიროდ. ერთ ქალაქში მივიდა და ერთ გვარიან კაცთან სამ თუმნად დადგა. ისეთი ბედი ჰქონდა ყველაფერში, რომ ერთ წელიწადში იმისი პატრონი, რაც იყო, ერთიათასად მეტად გამდიდრდა.

როცა წელიწადი გათავდა, მოჯამაგირემ დაპირებული სამი თუმანი მოსთხოვა. აღას ძალიან მოსწონდა და არ უნდოდა იმის ხელიდან გაშვება, უთხრა:—რად გინდა, შვილო, რომ სამი თუმანი მოგცე და წახვიდე; აი ჩვენ ერთი ქალის მეტი არავინა გყავს, შეირთე, სილამაზე არ აკლია, მახინჯი არ არის, ყველაფრით სრულია; სხვაც რომ არაფერი მოუმატო; რაც ჩვენ სარჩო გვაქვს, ისიც გეყოფა საცხოვრებლად.

ბედივარმა, ასე ეძახდნენ მოჯამაგირეს, უარი უთხრა:—რაც დაპირებული ხარ, ის მომეცი, მე შენი ქალი არ მინდაო.

მანც ალამ არ მისცა დაპირებული. ასე ეგონა, რაკი ფულ არ მიეცემ, აღარ წავა, თავს არ დამანებებსო.

რაკი ვერაფერს გახდა, ბედივარი ხელმწიფესთან წავიდა საჩივლელად, მაგრამ ვინ მიუშეებს?! დგას კარებთან, კარისკაცები კი სცემენ და გამოაგდებენ ხოლმე.

ხელმწიფეს ერთი დედისერთა ქალი ჰყავდა, ძალიან გულკეთილი და პატიოსანი. ერთხელ დაინახა, რომ ბედივარს კარისკაცები სცემენ და მეფესთან არ უშეებენ. ძალიან შეეცოდა, წავიდა და მამას მოახსენა: — მამა, ერთი კვირაა აქ, შენ კარებთან ერთი საწყალი მუშაკაცი მოდის, დგას, დგას, ელის სამართალს; შენი კაცები კი სცემენ და აგდებენ. მეფე ბრძანდები, უნდა სამართალი უბოძოო.

მეფემ შვილის სიტყვები საწყენად მიიღო, გაჯაერდა და თავისი ქალი გააგდო.

ქალი წავიდა ბედივართან: — მეფის ქალი ვარ, შენი გულისათვის მამაჩემმა სახლიდან დამითხოვა, მე შენ მეცოდები და მიყვარხარ, წამოგყვები ცოლად, წავიდეთ შენ სოფელში და, როგორც იქნება, ისე ვიცხოვროთო.

ბედივარს ძალიან მოეწონა ქალი, მაგრამ თვითონ მეტად ღარიბი იყო და არა ებადა რა. ქალი მანც არ მოეშვა.

წაიყვანა ბედივარმა ქალი თავის სოფელში. იქ ერთი პატარა სახლი აიშენეს, მუშაობა დაიწყეს და ტკბილად ცხოვრობდნენ. ქალს შვილი უნდა შესძენოდა. ბედივარი დალონდა: უნდა წავიდე სადმე, რომ ცოლ-შვილს საზრდო ვუშოვო, თორემ ასე მუშაობით ცოლ-შვილს ვერ ვაცხოვრებო.

გამოეთხოვა ცოლს და წავიდა. ბევრი იარა, თუ ცოტა იარა, ერთ ქვეყანაში მოვიდა. კაი დიდი ქალაქია. ერთ მდიდარ ვაჭარს ხორცი უყიდნია და დგას, უნდა წაალეგინოს ვისმეს და ვერც კაცს შოულობს. ბედივარი მივიდა და მოახსენა: — მიბოძეთ, ბატონო, ხორცი, მე წავილებო.

ვაჭარმა ანიშნა, ამა და ამ ალაგას, რომ დიდი სახლია, იმ სახლში მიიტანე და მზარეულს გადაეციო.

წაიღო ბედივარმა ხორცი, მივიდა ვაჭრის სახლში, მა-

გრამ იქ მზარეული ვერავინა ნახა. ადგა და თვითონ მოამზადა მშვენიერი სადილი.

მოვიდა ვაჭარი, სადილი ძალიან მოუწონა, უთხრა: — ბედვიარ, მოდი, რა მოგცე, ერთ წელიწადს მოჯამაგირედ დამიდექიო.

გარიგდნენ წელიწადში ერთ აბაზად.

ისეთი გახდა ამ ვაჭრის ქონება, დულს და გადმოდის. მისი სარჩო-საბადებელი ერთი ათასად გაიზარდა.

გავიდა წელიწადი; გამოართვა ბედვიარმა ხვედრი ერთი აბაზი. წავიდა ბაზარში: ამით ჩემ ცოლს ვუყიდი რასმეს და გავუგზავნიო.

მართლაც, ერთი სარკე შეხვდა, მისცა აბაზი და, რადგან იმისი ალას ამხანაგი სოვდაგარი ბედვიარის ქვეყანაში მიდიოდა სავაჭროდ, ის სარკე მას გაატანა.

სოვდაგარი გზაზე ერთ ქალაქში ერთი მდიდარი კაცის ოჯახში დადგა. ხედავს: ქალებმა დილით რომ პირი დიობანეს, სარკის მაგივრად წყალში იხედებიან. თურმე იმ ქვეყანაში სარკე არა სცოდნიათ. სოვდაგარმა ამოუღო სარკე და აჩვენა, აბა ჩაიხედეთო.

ქალებს ძალიან გაუკვირდათ და ხელიდან აღარ უშვებდნენ, უნდა მოგვეიდრო!

— ვერ გავყიდი, — მოახსენა სოვდაგარმა, — სხვისი გამოტანებულიაო.

ქალები მაინც არ მოეშენენ. მისცეს ათი ჯორის საპალნე ფული.

სოვდაგარმა იფიქრა: ამ ფულს წავეულებ, ამისთანა სარკე იქ კი ცოტა იშოვებაო?!

ბედვიარის ცოლს ძალიან გაეხარდა ამოდენა ფული. სოვდაგარს კაი პატივი სცა და ისე გაისტუმრა. ქალს ამ დროს უკვე წელიწადნახევრის ვაჭი ჰყავდა. ამ ფულით მშვენიერი სასახლე ააშენა და დაიწყო კეთილი ცხოვრება.

ბედვიარმა მეორე წელიწადიც ისევ აღასთან გაატარა. ისე გამდიდრდა ალა, რომ იმ ქვეყანაში ხელმწიფის მეტი ველარავინ სჯობდა.

წლისთავზე ბედივარმა წაიღო მეორე აბაზი ბაზარში. ვნახოთ, ბაღლებს კატის კნუტი დაჰყავთ გასაყიდად.

— რა ღირს? — ჰკითხა ბედივარმა.

— ერთი აბაზი, — უთხრეს.

მისცა ბედივარმა და წაიყვანა. იმის ქვეყანაში ვაჭრების ქარავანი მიემგზავრებოდა. შეეხვეწა, ერთი კატის კნუტი მყავს, მინდა ცოლს გაეუგზავნო, და თუ შეიძლება, წაიყვანეთო.

სოვდაგრები დიდი სიამოვნებით დათანხმდნენ წაყვანაზე, რა ბედენად დაგვამძიმებსო.

სოვდაგრებმა მგზავრობის დროს ერთ ქვეყანაში დაიხვეწეს. აქ ისინი დაპატიჟა ერთმა ქალაქის დიდებულმა. სუფრა რომ გაშალეს, რამდენიმე კაცი ჯოხით დაადგა თავსა და ბოლოს. სოვდაგრებმა მიზეზი იკითხეს. მოახსენეს, რომ აქ იმდენი თავგი იცის, პურს ხელიდან გვტაცებენ და იმათ დასაფრთხობად დგანანო.

მართლაც, როცა სადილზე დაბრძანდნენ, იმდენი თავგი გამოცოცდა, რომ სულ დაფარა სუფრა. ადგა მაშინ ერთი სოვდაგარი და მოიყვანა კატა. კატამ დაინახა თუ არა თავგები, ეცა და სულ მუსრი გააელო. კატის ხმაზე ისე გაჰქრენ თავგები, რომ წამლად აღარ მოიპოვება. ისეთია სახლის პატრონი, აღარ იცის რაღა ქნას.

— რაც უნდა დამიფასოთ, მოგართმევთ, და კატა კი მე უნდა დამითმოდ, — უთხრა მსპინძელმა.

სოვდაგარმა უთხრა: — სხვისი გამოტანებულია და ვერ გავეყიდითო.

მაინც არ მოეშვა, მისცა თხუთმეტი ჯორის საკიდარი ფული და გამოართვა ის კატა.

სოვდაგრებმა მიუტანეს ბედივარის ცოლს აღებული ფული და უთხრეს: — შენმა ქმარმა გამოგვგზავნა, ასე იყო, ასეო.

გაუხარდა ბედივარის ცოლს და დაიწყო უფრო კეთილი ცხოვრება.

გავიდა მესამე წელიწადი. ბედივარმა რა იცის, რა ამბავია იმის ცოლის თავს. მიიღო მესამე აბაზიცი და გავიდა ბაზარში. ერთი კაცი დადის და იძახის, სამი ჰკუა მაქვს და ვინ იყიდისო.

— რა ღირს ეგ სამი ჰკუა, — ჰკითხა ბედივარმა.

— ერთი აბაზი!

მისცა ერთი აბაზი.

კაცმა უთხრა: — პირველი — გზაში რომ მიდიოდე და გარავდარდეს, დაბალ ადგილს არ დადგე, ეცადე მაღალ ადგილზე დადგე; მეორე — საწყენი რომ რამე შეგხვდეს, ნამდვილი სანამ არ გაიგო, გულზე ნუ მოხვალ; მესამე — რომ გკითხონ, რომელი სჯობიაო, ნურც ერთს ნუ აძაგებო.

ბედივარი წავიდა თავის ქვეყანაში. იქითკენ წავიდა იმისი ალაც სავაჭროდ. ბევრი იარეს, თუ ცოტა, ერთ ადგილას დაუღამდათ. ის არის წვიმაც დაიწყო. ერთი დაბლობი ქალა იყო.

ალამ უთხრა: — იქ დავდგეთ, უფრო მოფარებული ადგილია და ხეების ქვეშაც შევეფარებითო.

— არა, ბატონო, ნუ იქ მაგას, — მოახსენა ბედივარმა, — თუ ჩემსას გაიგონებთ, ამაღამ აიმ გორაკზე დავდგეთ.

იმ ღამეს, მართლა, ისეთი ნიაღვარი მოვარდა, რომ სულ წალეკა დაბალი ადგილები და სხვა სოვდაგრებიც. გადარჩნენ ბედივარი და იმისი ალა.

ალამ უთხრა: — რა უნდა მოგცე, რომ ამ უბედურებას გადამარჩინე? ჩემი სარჩოს ნახევარი შენი იყოს.

— მე მხოლოდ რაც გარიგება გვაქვს, ის მომეცი, — მოახსენა ბედივარმა, — მე მეტი არაფერი მინდა.

იარეს, იარეს და ერთ უღაბნო ალაგას მივიდნენ. ისეთია, უწყლობით ხალხი სულ იხოცება. იმოდენა ქარავანს მოუყრია თავი, რომ ჰედვა აღარ არის. თუმცა ჰა ყოფილა ამოჭრილი, მაგრამ ვინც იმ ჰაში წყლისთვის ჩასულა, ცოცხალი ველარავენ ამოსულა.

შეყრილიყვენ სოვდაგრები და თათბირობდნენ:

ვინც ჩავა და წყალს ამოიღებს, ოცი ჯორ-აქლემის საბალნე ფულსა და საქონელს მივეცემთო.

მაგრამ მსურველი არაეინ აღმოჩნდა.

ბედივარმა რომ გაიგო, რაშია ც იყო საქმე, მივიდა და გამოუცხადა:—მე არათერი სასყიდელი არ მინდა, ამდენი ხალხი რომ წყურვილით იხოცება, ვერც კი ვუტკერი მათ საცოდობას; მე ჩავალ და რაც იქნება-იქნება; ოღონდ თქვენ ერთი დიდი ქვაბი, გრძელი თოკები და წყლის ჭურჭელი მინახეთ.

ბერი უშალა აღამ, მაგრამ არ დაიშალა, ამდენ ხალხს რომ ერთმა კაცმა თავი შესწიროს, რა დიდი საქმე არისო.

უნახეს ყველაფერი. ჩაჯდა ქვაბში და ჩაეშვა ქაში. სოვდაგრებმა უკვე მისცეს ოცი ჯორ-აქლემის საკიდარი ბედივარის აღას, ის მაინც აღარ დაბრუნდება და ცოლ-შვილმა მაინც გამოიყენოსო.

ბედივარი რომ ჩავიდა ქაში, ცალ მხარეზე კაცის დასადგომი ნახა. დადგა. გაავსო ქვაბი და დაუძახა: ასწიეთო!

ამრიგად, მთელი სამი დღე აწოდა წყალი, სანამ არ გაავსეს, რაც წყლის ჭურჭელი ჰქონდათ.

როცა თვითონაც აპირებდა ასელას, ამ დროს გვერდიდან გაიღო კარი და ერთი კაცი გამოვიდა; მოხვია ხელი ბედივარს და შიგნით წაიყვანა. ბერი ოთახი გაატარა და ბოლოს ერთ ძვირფასად მორთულ ოთახში შევიდნენ. ტახტზე ორი ქალი ზის: ერთი ისეთია, იმაზე უკეთესს კაცის თვალი ვერა ნახავს, მეორე მახინჯია, როგორც ჯოჯო.

კაცმა ჰკითხა:—აბა, მითხარი, ამ ორ ქალში რომელი სჯობია?

ბედივარს მოაგონდა: თუ გკითხონ რომელი სჯობია, ნურც ერთს ნუ აძაგებო და მოახსენა: ყველა კაცს თავისი გემონება აქვს, მე რომ მკითხოთ, ორივე ლამაზია, მაგრამ მაინც აი ამას ვირჩევ, ისა სჯობიაო, და ხელი გაიშვირა გონჯინსაკენ.

ქალებმა გაიცინეს. გონჯი ქალი ადგა, შემოტრიალდა, ერთი გაიცინა და ისევე დაჯდა. ისეთი ლამაზია, რომ ის მეორე ლამაზი ამასთან სახსენებელიც არ არის.

ბედივარი ხედავს, რომ გარეთ სულ სავესეა კაცის ძელებით.

— ეს რა ამბავია, — იკითხა.

— ეგ ის არის, რომ ვინც აქ ჩამოვა და წყალს აავსებს, მერე აქ შემოვიყვანთ, ეგ ქალი სახეს იცვლის და ერგენება. ჰკითხავენ, რომელი სჯობიაო? ხამი კაცი პირველზე მიუთითებს, რა იცის, თუ მეორე სახეშეცვლილია. ეს ქალი ლანძღვად იღებს იმ დაწუნებას და ასე სჭრის თავებს. შენ ან სიმართლე მიგიძღვის რამე და იმან გიხსნა, ანდა შენმა ჰკუამ. აბა, გვთხოვე, რაც გინდა, რომ მოგცეთო.

ბედივარმა უთხრა: — ოღონდ ისევ მაღლა ამიყვანეთ და თქვენი არაფერი არა მინდა რაო.

დასვეს ერთ ვერცხლის ხონჩაზე და უბრძანეს: — აბა, ჩქარა მაღლა აიყვანეთ.

ბედივარი რომ ამოვიდა, ქარავანი იქ აღარ დახვდა. კარგა ხანი გასულიყო, ელოდნათ და წასულიყვნენ.

ბედივარი შეეხვეწა ხონჩას, რაკი მაგისტანა სიკეთე მიყავ, რომ აქამდე მომიყვანე, ბარემ სახლშიაც მიმიყვანეთ.

აფრინდა ხონჩა და ერთ კობტა ქალაქში, ერთ მშვენიერ სასახლეში მიიყვანა. ბედივარი იცქირება აქეთ-იქით: ეს ვის სახლში მოვედიო.

ერთი ქალი გამოვიდა, თან ერთი ვაჟი მოსდევს. ბედივარი უცქერის, ეცნობა, თავის ცოლს ჰგავს, მაგრამ აქ რა უნდაო, ამბობს გულში.

იცნო ცოლმაც, გადაეხვია, მიულოცა დაბრუნება და ვაჟიც აჩვენა, აი, ამოდენა შვილი გვყავსო.

— ეს სახლი ვილასია, ან აქ რას აკეთებ? — ჰკითხა ბედივარმა.

— სახლიც ჩვენია და ჩვენც შენები ვართ, — უთხრა ცოლმა, — შენი გამოგზავნილი ფულით დავდგი ყველაფერი.

— მე არაფერიც არ გამომიგზავნია, — უთხრა ბედივარმა.

ისეთია ბედივარი, ეჭვით აღარ იცის, რალა ქნას. ფიქრობს ცოლიც მოკლას და შვილიც. მაგრამ მოაგონდა მეორე


ჰკლა რომ იყიდა: სანამ საქმე კარგად არ გაიგო, გული არ მოგივიდესო.

გამოჰკითხა ცოლს ყველაფერი. ცოლმა დაწვრილებით უამბო: სარკის, კატისა და, ჰაში რომ ჩასულიყო, იმისი ამბავიც.

ბედივარის აღასაც გაეგო მისი მშვილობით დაბრუნება, ღიდი ძღვნითა და საჩუქრებით ეწვია.

ამის შემდეგ ცხოვრობდნენ კეთილად. ბოვეს ქალის მამა-ხელმწიფეც და რადგან იმას ვაჟი აღარა ჰყავდა, ბედივარს დარჩა ხელმწიფობა.

ჰირი იქა, ლხინი აქა,
ქატო იქა, თქვილი აქა.





ნახარქეჩია

იყო და არა იყო რა, იყო ერთი რძალ-მაზლი. მაზლი საშინელი ზარმაცი და ზორბა ტანისა იყო; არაფრის გაკეთება და მუშაობა არ შეეძლო. სულ ბუხართან იჯდა, ხელში ჩხირი ეჭირა და ნაცარს ჰქექავდა; ამისთვის ნაცარქეჩია დაარქვეს. რძალი ეუბნებოდა: — კაცო, აქეთ მოდექ, იქით მიდექ, იმუშავე და ოჯახში რამე შემოიტანე, თორემ მე შენი რჩენის თავი არა მაქვსო!

რძალმა მაინც ვერაფერი ვერ გააწყო. მაზლი სულ ბუხართან იჯდა და კარში ვერასგზით ვერ გაიტყუა.

აღდგომა დღეს ნაცარქეჩია ძლივს წავიდა წირვაზე და წირვის შემდეგ სახლში რომ დაბრუნდა, რძალმა კარი ჩაუკეტა და შინ აღარ შეუშვა.

ნაცარქეჩიამ რძალს საგზაოდ ერთი გულა ნაცარი, საღვინის და ახალი ყველი სთხოვა და გზას გაუდგა.

ბევრი იარა თუ ცოტა იარა, არ ვიცით, ერთ დიდ წყალს კი მიადგა და მეორე ნაპირს უშველებელი დევი დაი-

ნახა. დევი წყალს დასწაფებოდა და სვამდა. ნაცარქექია ძალიან შეშინდა, მაგრამ რა ექნა, ერთი გზის მეტი არ იცოდა. იმ გზით ისევ შინ, რძალთან უნდა დაბრუნებულიყო, თუ არა და დევის საუზმედ უნდა გამხდარიყო.

იფიქრა, იფიქრა და ბოლოს ეს მოიგონა, აბა გავივლიდა მტვერს დავაყენებო.

ნაცარქექიამ გუდას სადგისი უჩხვილიტა, გახვრიტა და რომ გაიარ-გამოიარა, დიდი მტვერი დადგა.

დევი გაოცდა, შეშინდა კიდეც, ქვა აიღო და უთხრა:— აბა, ამ ქვას წყალი გამოადინეო!

ნაცარქექიამ უცბად ახალი ყველი ამოიღო, მაგრად მოუჭირა ხელი, წყალი თქრიალით გამოადინა და დევეს შესძახა:— აბა, აქეთ გამოდი, მხარზე შემისვი და წყალს გამიყვანე, ფეხის დასველება არ მინდაო.

დევი მაშინვე გამოვიდა. ნაცარქექია მხარზე შეისვა და უთხრა:— ოჰ, რა ძალიან მსუბუქი ყოფილხარო!

— ეს იმიტომ, რომ ერთი ხელი ცაზე მაქვს მოკიდებული და, თუ ხელი გაუშვები, მაშინ ველარც კი დამძრავო.

— რაკი ეგრეა, აბა გაუშვი ხელიო, — უთხრა დევმა.

ნაცარქექიამ სადგისი ამოიღო, დევეს კისერში ჩაურჭო. დევმა საშინელი ყვირილი მორთო და სთხოვა, ხელი ისევ ცისათვის მოეკიდა.

როდესაც წყალს წავიდნენ, დევმა უთხრა:— წა ოდი-დღეს სადილად მეწვიეო.

ნაცარქექია შეშინდა, მაგრამ რას იზამდა, უთუოდ უნდა წაჰყოლოდა.

დევისას რომ მივიდა, ნაცარქექიას დევის სახლი ძალიან მოეწონა. დაინახა ვეება კეცი ხშიადით ბუხარში იყო შედგმული.

დევი სადილის მოსამზადებლად წავიდა და ნაცარქექიას დაუბარა ხშიადისთვის ყური ეგდო, არ დამწვარიყო. ნაცარქექიას უნდოდა კეცი მოებრუნებინა, რადგან დაინახა, ერთი გვერდი ძალიან შეწითლებულიყო. როგორც კი კეცს ხელი ახლო, მაშინვე გადმობრუნდა და ნაცარქექია შიგ მოჰ-

ყვა. ბევრი ეწვალა, მაგრამ კეცის ქვემოდან ვერ გამოძვრა. ბოლოს დევები შემოვიდნენ ოთახში და ნაცარქექია კეცქვეშ მოყოლილი ნახეს; გაჰკვირდნენ:—კაცო, ეგ რა გიქნიაო,— შეეკითხა ერთი დევი.

— მუცელი ამტკივდა ძალიან და თბილი კეცი მუცელზე დავიდე, ეგება როგორმე ტკივილმა გამიაროს-მეთქი. ახლა კარგადა ვარ, და აილე კეციო,— უთხრა ნაცარქექიამ.

შემდეგ სუფრას რომ მიუსხდნენ, დევებს ღვინო შემოვლიათ. აიღეს დიდი კოკა და ნაცარქექიას უთხრეს:—თუ ძმა ხარ, გადი, ეზოში ქვევრია, ამ ხელადით ღვინო ამოიღე და მოგვიტანეო.

ნაცარქექიას შეეშინდა. უშველებელი დიდი კოკა რომ დაინახა, მაგრამ მინც გავიდა ეზოში და დიდხანს აღარ დაბრუნდა. დევებს ცლა მოსწყინდათ, გავიდნენ და ნახეს ნაცარქექიას ბარი აელო ხელში და ქვევრის გარშემო მიწას თხრიდა.

— მაგას რას შვრები?—ჰკითხეს დევებმა.

— სჯობია მთლად ამოვიღო ქვევრი და ისე დავლიოთ, თორემ პაწაწინა ხელადით მოტანა ადამიანს მოსწყინდება.

დევებმა იფიქრეს: ჩვენ, ცხრა ძმათ, ძლივს ჩავსვით ცარიელი ქვევრი და ეს კი მარტო აპირებს საესე ქვევრის ამოღებასაო.

შემდეგ თვითონ დევებმა აავსეს ხელადა ღვინით და შეუღდნენ სადილსა.

ამ დროს ერთმა დევმა დაახველა და ნაცარქექია ქერს მიეკრა. დევებმა მალა აიხედეს და ნახეს, ნაცარქექია ქერის კოკს ეკიდება.

— კაცო, მანდ რამ აგიყვანა, რას აკეთებ?!

— როგორ გაჰბეღეთ ჩემ წინ დახველება,— უთხრა ნაცარქექიამ,— ეს წკებლა უნდა ჩამოვიღო და სულ გვერდები აგიწვათო!

დევები ძალიან შეშინდნენ: ჩვენ, ცხრა ძმათ, ძლივს მოვიტანეთ თითო ხე და ეს კი წკებლას ეძახისო!

შეშინებული დევები სახლიდან გაცვივდნენ და დაიფან-

ტენ. ნაცარქექია, როგორც იყო, ბობლვით ჩამოძვრა და დევების ოჯახს პატრონობა დაუწყო.

ერთ დევს გზაზე მელა შეხვდა და უთხრა:—დევო, სად მირბიხარ, რა დაგმართნიაო.

— რალა სად მივრბივარ, ჩვენთან ერთი კაცი მოვიდა, კინალამ გადავეყლაპაო, --და უთხრა დევმა, როგორიც იყო ის კაცი.

მელიას გაეცინა:—ის ხომ ნაცარქექიაა, საცოდავი კაცი, რადღან არას აკეთებდა, რძალმა სახლიდან გამოაგდო. მე იმათ კარგად ვიცნობ: რაც ქათმები ჰყავდათ, სულ მე გავუჩანაგე. წამოდი, როგორ შეგაშინა მაგ ლაჩარმაო.

— ვერ გენდობი, —უთხრა დევმა.

მელია ბევრს ეხვეწა.

— მაშ, რომ არ მილაღატო, მოდი, ამ თოკით წელზე გამომეზი.


მელიამ თვითონ მოიბა თოკი და მერე დევს გამოაბა. დევი ისევე დაბრუნდა თავის სახლში თოკგამომბული.

ნაცარქექიამ რომ მელია და დევი დაინახა, ძალიან შეშინდა, მაგრამ რალას იზამდა. მაშინვე კარში გამოეგება და მელიას უთხრა:—აჰ, შე საძაგელო! ჩემი თორმეტი დევი გემართა და ბედ მარტო ერთი მოგყავსო!

დევს ისე შეეშინდა, რომ თოკი დაგლიჯა, მელია სულ მთლად დაფლითა და თვითონ ცხრა მთას იქით გადიკარგა.

ნაცარქექიამ დევების სარჩო და სიმდიდრე, რაც რამ ჰქონდათ, სულ მთლად აქლემებს აჰკიდა და თავის რძალთან წაიღო. რძალი გაამდიდრა, ისევე ერთად დაიწყეს ტკბილი ცხოვრება.

პირი იქა, ლხინი აქა,
ქატო იქა, ფქვილი აქა.



ი ა ხ ა თ უ ნ ი

იყო და არა იყო რა, იყო ერთი დედაკაცი; ჰყავდა რვა ვაჟი და ერთი ქალი. ქალი ძალიან ლამაზი იყო; რომ გაიცინებდა, სულ ია და ვარდი გაიშლებოდა. ძმებს ძალიან უყვარდათ და ააზიზებდნენ.

ეს ქალი, რამდენჯერაც წყალზე წავა, აუძღევდა ერთი პატარა ჩიტი და შესძახის: ქალო, შენს თავს ბალო! ქალო, შენს თავს ბალო!

რომ გაუჭირა საქმე, დედას უთხრა:—რამდენჯერაც წყალზე წავალ, ერთი ჩიტი ამიძღევდა და მეძახის: ქალო, შენს თავს ბალო!

—ვაიმე, შევილო,—უთხრა დედამ,—ასე უთქვამს: შენს თავს ხათაბალო!

გავიდა ხანი. ხალხი დღეობაში მიდის. ქალმაც მოინდომა წასვლა. ძმებს უთხრა, რვა ძმას ერთი და გყევართ და მეც გულის მურაზს არ მისრულებთო!

დედასაც უსაყვედურა. დედამ უთხრა:—შვილო, თუ გაპყეები, ავე შენი ძმები მიდიან და გაპყეო.

ძმები წაყიდნენ, წაიყვანეს დაცა.

ერთი ხიდი ჰქონდათ გასასვლელი. ძმები ერთად გაყიდნენ, დაც უნდა გასულიყო, მაგრამ ამ დროს ერთი ციხე დაედგა თავზე. მოემწყვედა ქალი შიგა, არც კარი აქვს, არც ფანჯარა. ქალი ტირის, ტირის, სულ თვალებს ითხრის.

მივიდნენ შინ ძმები, უამბებს დედას, რაც დაემართა იმათ დასა. ასეთები არიან, რომ სულ ტირიან.

ქალი რომ ტირის, ამ დროს ამოივლის ერთი ბებერი კაცი, გაიღება ციხის კარები, ხედავს ქალი ტირის.

-- რადა სტირი, შვილო, — ეტყვის ბერიკაცი, — რა ძალა დაგდგომია ისეთი?

ქალმა უამბო თავისი თავგადასავალი.

— წამო, შვილო, ჩემთან, შვილი ქალი მყავს, მერვე შენ მეყოლები, თუ მეტად არ მეყვარები, იმათზე ნაკლებად ხომ არ გაგიფრთხილდებიო.

გაპყვა ქალი. ამ კაცის ქალებიც, ეს კაცი და ამისი ცოლიც ისე უფრთხილდებიან ამ ქალსა, რომ ცივ ნიავს არ აკარებენ. სულ ამის კითხულია ყველაფერი.

ერთხელ დედობილმა უთხრა:—მოდი, შვილო, ერთი თავი მომიხილეო.

მოუხილა ქალმა თავი და ამ დედაკაცს ქალის კალთაში კი დაეძინა. ჰხედავს, თმაში ერთი გასაღები აქვს ჩატანებულს. ქალი მუხლს გამოაცლის, მუთაქას დაუღებს, თვითონ გასაღებს წაიღებს, გააღებს დაკეტილ ოთახს და ერთი დევი კი შემოაჭყეტს თვალებსა. ქალი უცებ გამოუხურავს კარებს და გასაღებს ისევ თმაში ჩაატანს დედობილსა.

ეს დედაკაცი როცა შევა ამ დევთან, დევი ეტყვის: შენც ლამაზი და მეც, მაგრამ ია ხათუნისთანა კი არავინ იქნებაო.

ისეთია ეს დედაკაცი, სულ ნაღველი დაექცა. წამოვიდა, დაწვა, მოივადმყოფა თავი, წევს და კენისის. ეკითხებიან: რა გიშველისო.

— მე სხვა არაფერი მიშველის, თუ ია ხათუნს დაჰკლავთ

და იმის გულ-ღვიძლს მაქმევთ, მოვრჩები, თუ არა და—
მოგვედებო.

შეწუხდა ძალიან ეს კაცი. ძალიან უყვარს ია ხათუნი.

აბა, როგორ დავეკლათ, ეუბნება ცოლს, შეილად ავიყვანეთ, თავის დედ-მამასავით გვიცქერის, გვენდო და ახლა რომ დავეკლათ, ხალხს რა ეუთხრათო?!

წვეს ეს დედაკაცი და კენესის, ორი-სამი თვეა, აღარა დგება.

ძალიან რომ გაბეზრდა, ბერიკაცმა უთხრა მოჯამაგირეს:—წაიყვანე მინდორში ია ხათუნი დაკალ და გულ-ღვიძლი მომიტანეო.

წაიყვანა ბიჭმა ია ხათუნი; ბიჭს ერთი გოშია ჰყავდა, ის დაკლა, გულ-ღვიძლი ამოაცალა, ქალი გზაზე დააყენა, და დალოცა, წადი და ღმერთმა გიშველოსო! მოუტანა ის გულ-ღვიძლი. ჰამა თუ არა იმ დედაკაცმა, მერცხალივით ზეზე წამოვარდა საღ-სალამათი.

ია ხათუნმა კი იარა, იარა და ერთ ადგილას ცხრა ძმა დევი მდგარა, იმათ სახლთან მოვიდა. რვა ძმა სანადიროდ ყოფილა წასული და მეცხრე ძმა კი კოჭლი ყოფილა, ის სახლში გაუშვიათ.

მივიდა ია ხათუნი, დგას სახლის წინ და ტირის. გადმოიხედავს ეს დევი და გადმოსძახებს:—რა ხარ, რა სულიერი ხარ, ჩემი ძმების შიშით ცაში ფრინველს ვერ გადუფრენია და დედამიწაზე ჭიანჭველასა, შენ კი მოსულხარ და მანდა დგებარო.

— ესე-ესე არის ჩემი საქმე,—უთხრა ქალმა,—და ახლა შენ იცი, რასაც მიზამ.

დევს ძალიან გაეხარდა:—მინც ჩვენ ცხრა ძმას და არა გვყავს, შენ და, და მე—ძმა. მოვლენ ჩემი ძმებიცა, დაგმალავ და მერე გამოგაჩენო.

დამალა ქალი. როცა მოვიდნენ ძმები, უთხრეს, აღამიანის სუნი მოგვდისო.

— თქვენ თვითონ მოგყვებოდათ,—უთხრა ძმამ,—აქ აღამიანს რა უნდაო!

როცა ირმები მოხარშეს და პურის საჭმელად დასხდნენ, კოჭლმა დევმა უთხრა ძმებს:—ცხრა ძმა ვართ და ერთი და არა გვყავს. არ გინდათ, რომ გყავდეთ?!

— ბარემ გვინდა, მაგრამ, აბა, საიდან მოვიყვანოთ?

მაშინ გამოუჩინა ია ხათუნი ძმებსა. ყველამ დიდი სიხარულით მიიღო. ამის შემდეგ ია ხათუნი იყო სახლში დიასახლისი და ყველაფერი იმას ეკითხებოდა; უვლიდა სახლსა, უკეთებდა საჭმელს. ისეთია, დევები ძლივს შესცქერიან...

დედაკაცი რომ შვიდა დევთან, დევმა ისევ უთხრა:— შენც ლამაზი ხარ და მეც, მაგრამ ცხრა ძმა დევს რომ დად ია ხათუნი ჰყავთ, იმისთანა არაეინ იქნებაო!

ისეთია ეს დედაკაცი, სულ ცოფებსა ჰყრის. მიუხტა ქმარსა:—აკი მოვაკვლევინო, იძახოდი. ის ცხრა ძმა დევთანა ყოფილა! თუ არ წასულხარ და, რითაც იქნება და არ იქნება, აქ არ მოგიყვანია, ან არ მოწამლე, შენი ცოლობიდან ხელს ავიღებო. გაატანა ერთი მთელი კალათი სხვადასხვა წვრილმანი და ასე უთხრა:—უფროსი ქალი გავათხოვე და ქორწილში გვეწვიე-თქო. თუ არ გამოგყვეს, ეგ წვრილმანი მიეცი, ესენი მაინცა გქონდეს-თქო.

აიღებს ბერიკაცი ჯოხს, წაიღებს ერთ კალათა წვრილმანს და წაეა ცხრა ძმა დევებისაკენ. იმ დროს მივა, რომ ძმები სანადიროდ წასულან, მარტო ია ხათუნილია შინ: დადგება ძირსა და ელის, როდის გამოეა კარზე.

როცა ქალი გამოეა, ის კაცი მიესალმება:

— ია ხათუნი. შეილივით გვიყვარდი და განა ეგრე უნდა, რომ ჩვენსკენ ერთხელ აღარ შემოიხედე. შენმა დედობილმა გამომგზავნა: უფროსი ქალი გავათხოვე და ქორწილში მეწვიეო.

— თუ ჩემი ყოფნა გინდოდათ ქორწილში, მე იქ არ ვიყავი, რომ დაკვლა დამიპირეთ? ტყუილად გარჯილხარ, მე იქ აღარ წამოვალ.

— თუ არ წამოხვალ, შეილო, ე წვრილმანი მაინც აიტანე.

— ყველაფერი ბევრი მაქვს, მე თქვენი არაფერი მინდა,— ჩამოსძახა ქალმა,—თუ გაქვს კევი ამომაწოდე.

ჩამოუშვა თოკი, ასწია და აიტანა კევი. დაღეჳა და ჩაუვარდა ენა, ისეთია, აღარაფერი აღარ ესმის.

მოვიდნენ ძმები. ნახეს, რალა სანახავია ქალი! აღარც ენა აქვს, აღარც გონება. ბევრი იმწუხარეს, ბევრი იტირეს, ბოლოს შეუკრეს ერთი კიღობანი, ჩააწვინეს შიგ და მისცეს წყალსა.

ატარა წყალმა, ატარა და ერთ სახელმწიფოში მიიტანა.

იქაურ ხელმწიფის შვილს ცოლი უნდა შერთონ; ხელმწიფეს გამოუცია ბრძანება: ვისაც გასათხოვარი ქალი გყავთ, ყველამ მოიყვანეთ, ჩემ შვილს უნდა ცოლი შეერთო. ისეთია ეს ხალხი: მოდის და მოდის! სულ თავების მტვრევან, იქნება მე მომიწონოსო.

ამ დროს დაინახავენ, რომ წყალს კიღობანი მოაქვს, შეგზავნიან მკურავეებს, გამოიტანენ ნაპირზე, გახსნიან: ია ხათუნი უკვე გასაღებულა, ისეთია კაცს თვალს მოსტაცებს. აბა, სხვა ვილა მოეწონებოდა. ხელმწიფის შვილმა დაიწერა ჯვარი ია ხათუნზე. ცხოვრობენ ტკბილად და უღარდღვად.

დედაკაცი რომ დევთან შევიდა, დევმა უთხრა:—ლაშაზი ხარ, მაგრამ ამა და ამ ხელმწიფის შვილს რომ ცოლად ია ხათუნი ჰყავს, იმასთან კი ვერავინ მოვაო!

ოჰ, გაუსკდა გული დედაკაცს. დაეტაკა ქმარსა:—ეგ მეროდე გაუშვი ის ქალი ცოცხალი! წადი და აუტეხე რამე, თორემ იკოდე, ცოცხალი აღარ დამენახო!

წავიდა ეს კაცი. ბევრი იარა, თუ ცოტა იარა, მოვიდა ამ ქვეყანაში, სადაც ია ხათუნია.

მივიდა ხელმწიფის შვილთან და სთხოვა, მებაღედ დამიჭირეთო.

ია ხათუნმა უთხრა:—ნუ გინდა, გაანებე თავი, თორემ ინანებო!

არ დაიშალა ხელმწიფის შვილმა, მაგან რა უნდა გვიყოსო!

იარა ამ ბერიკაცმა, იმდენი ძვრა, რომ ხელზე მოსამსახურედ შეეპარა.

ერთხელ ხელმწიფის შვილი სხვაგან იყო სტუმრად;

ია ხათუნი დაწვა და ოქროსქოჩრიანი ვაეი ეყოლა. ამ ბერი-
კაცმა როცა დრო იპოვა, შევიდა, გამოსჭრა ყელი დედა და
შვილს და ერთ წყალში გადაყარა. მოიყვანა თავისი უფროსი
ქალი და დააწვინა ლოგინში.

ია ხათუნი წყალში ოქროს თევზად იქცა. ისეთია სულ
მზესავით ანათებს.

ხელმწიფის შვილი დაბრუნებულა და სწორედ ამ წყალ-
ზე გამოიარა. ეს ოქროს თევზი ისეთია, სულ ზედ ახტება.
დაიჭირა და წამოიყვანა სახლში.

ასეთია მეფის შვილი, სულ ზედ დაჰკანკალებს ამ თევზს.
გაუკეთა აუზი, გაუშვა შიგ და დღე და ღამე აღარა შორ-
დება.

ეს ქალი კი ჯოჯოსავით გამოიყურება ლოგინიდან.
ვახდა ავად.

თუ მაგ თევზს დაჰკლავთ და მაქმევთ, მოვრჩები, თუ
არა და—მოვკვდებიო!

რას იზამს ხელმწიფის შვილი? თუმცა არ ემეტება, მაგ-
რამ დედ-მამას ხათრს არ უტებს.

ისე აკრიფეთ ფხები, რომ ერთიც არსად არ გადაგი-
ვარდეთო, ბრძანა ქალმა.

დაკლეს და მოუხარშეს. მოაგროვეს ფხებიც, მაგრამ
ერთი ფხა მაინც გაჰყვა ნაგავსა, ამ ფხაზე ისეთი ალვის ხე
ამოვიდა, წვერით ცასა სწვდება. ეს ხელმწიფის შვილი დღეც
იმის ქვეშ არის და ღამეც. ჩამოუშვებს ეს ალვის ხე ტოტებს,
ქვეშაც ეშლება და ზევიდანაც ეხურება.

ვახდა ეს ქალი ავად. აიხირა, თუ მაგ ალვის ხეს მოსჭ-
რით და მაგის ნაფოტს ისე აჰკრეფთ, რომ ერთი არსად გა-
დავარდეს, მოვრჩები, თუ არა და—მოვკვდებიო!

მეტი რა ღონე იყო! მოსჭრეს, მაგრამ ერთი ნაფოტი
ერთი ბებრის ეზოში გადავარდა.

ისეთია ეს ბებერი, ამ ნაფოტს გადააბრუნებს, აკოცებს,
გადმოაბრუნებს, აკოცებს. ეს ბებერი რომ წავა, ეს ნაფოტი
ქალად იქცევა, დაჰგვის, დარეცხავს, დაწმენდს, შეადგამს
შეკამანდს, იქცევა ისევ ნაფოტად და დაეხურება ქოთანს.

ისეთია ეს ბებერი, უკვირს: არ იცის, ვინ უვლის სახლსა! მეზობლებში ამბობს: ესეა ესე ჩემ თავს და არ ვიცი, ვინ შემოდიხართ, ვინ უვლით ჩემ სახლსაო.

— უღარაჯე და ნახავ, ვინც არისო, — უთხრეს მეზობლებმა.

მართლაც გამოვიდა ერთხელ ბებერი, ვითომ სხვაგან მიდის და იქვე კი დაიმალა.

ამ ნაფორტმა რომ იფიქრა, ახლა კი წავიდა ბებერიო, გაღმობტა, იქცა ქალად, დატრიალდა, ყველაფერი ხელად გააკეთა და რომ ისევ ნაფორტად უნდა ქცეულიყო, შემოასწრო ბებერმაც, მე დედა და შენ — შვილიო!

გაეხარადა ამ ბებერს. ისეთია სულ თავს დასტრიალებს. უამბო ია ხათუნმა თავისი თავგადასავალი ბებერსა.

ბებერმა უთხრა: — ხელმწიფის შვილი დაეპატიოთ, შვილოო!

— არა, დედი, ის არ გეკადრებს, არ მოვა. ისევ ერთ წამალს გავაკეთებ, წადი, იმის ცხენებს გადააყარე; ისეთი ჭირი გაუჩნდებათ, რომ ჩვენს ზეტმა ვერაფერს მოარჩინოსო.

მართლაც, მისცა წამალი. წაიღო ამ ბებერმა და გადააყარა ცხენებს.

გაუჩნდათ ცხენებს ჭირი. ისეთია სულ დაფქვა. მივიდა ბებერი ხელმწიფესთან, მოახსენა, მე მყავს ერთი ქალი და ის მოარჩენსო.

წაუყვანეს ქალს ცხენები; გადააყარა წამალი და, როგორებიც წინათ იყვნენ, ხელად ისეთებივე გახადა.

გაუხარდა ძალიან ხელმწიფის შვილს.

რა მოგცე, - ეკითხება ბებერს, — რით დაგასაჩუქრო? ბებერმა უთხრა: — მე არაფერი არ მინდა, ჩვენსა წამობრძანდი და ჩემს ქალს უბრძანე მადლობა, იმან მოგიარჩინაო.

მოვიდა ხელმწიფის შვილი ბებერთან. ხედავს ია ხათუნი იქ არის. გადაეხვივნენ ერთმანეთს.

ქალმა უამბო ყველაფერი, რაც თავს გადახდა.

ხელმწიფის შვილმა ის კაცი და იმისი ქალი ცხენის ძუაზე გამოაბმევიანა და სულ ისე დააგლეჯინა.

ია ხათუნზე ხელმეორედ დაიწერა ჯვარი და გაბედნიერდნენ.



მ ე ლ ი ა ლ ა თ ვ ი

იყო და არა იყო რა, იყო ერთი გლეხკაცი. ერთი ქალისა და ერთი ფარა ცხვრის მეტი არაფერი ებადა. მეწველ ცხვარში თვითონ დადიოდა და ბატკანში ქალსა ჰგზავნიდა.

ერთ დღეს ქალს დაუცხა. აღრე ვერ გარეკა ბატკანი. ფარა დაემურა * და აღარ შეეძლო გაშლა. იჯდა და ტიროდა. ამ დროს ახლოს მელიამ გაიარა და ჰკითხა:—რა გატირებს, ქალო, რა დამართვია?

— ცხვარი დამემურა და ველარაფერი მიქნია, — უპასუხა ქალმა.

— თუ ერთ ბატკანს მე მომცემ, — უთხრა მელიამ, — ბატკნებს მე გაგიშლი.

ქალი დათანხმდა.

მელიას მისაცემი ბატკანი გაიყვანეს და დააბეს ხეზე. მელია შევარდა ბატკნებში და დაიწყო თავისუფლად

* დამემურა — ერთად შეჯგუფდა.

კულის ქნევა. ბატკნები დაფრთხნენ და გაიშალნენ. მელიამ წამოიყვანა ბატკანი და სიხარულით ფეხზე ძლივსლა იდგა.

მელიას ძალიან უყვარდა თავისი ბეკეკა და მუდამ პირით უზიდავდა ბალახს.

გაუქეთა ერთი სახლი და ჰყავდა იმაში. საღამოზე რომ მოვიდოდა სახლში, ეთამაშებოდა თავის პატარა ბეკეკას.

ერთ დღეს დათვმა შენიშნა, რომ მელიას ბეკეკა ჰყავსო. იფიქრა, როგორმე უნდა შეეჭამო.

მელა რომ დაბრუნდებოდა ხოლმე სახლში, ფეხს შეუყოფდა კარებში ბატკანს და დაუძახებდა:

ბეკეკო, კარი გამიღე,
მე დედაშენი ვარია,
პირში ბალახი მიჭირავს,
ძუძუებში რძე არია.

ბატკანიც დაინახავდა მელიას პატარა თათს და გაუღებდა კარებს.

ეს სიტყვები დათვმაც დაიხსომა.

მივიდა ერთხელ, როდესაც მელია სხვაგან იყო, ბატკანის სახლთან და დაუძახა დიდი ხმით:

ბეკეკო, კარი გამიღე,
მე დედაშენი ვარია,
პირში ბალახი მიჭირავს,
ძუძუებში რძე არია.

ბატკანმა დაუძახა: აბა, ერთი თათი შემოყავო.

დათვმა შეყო თათი, მაგრამ დიდი თათი ჰქონდა. იცნო ბატკანმა და დაუძახა:—წადი, მე ჩემი დედობილის თათს კარგა ვიცნობ, შენ ის არა ხარ, იმას პატარა თათი აქვს და შენ დიდიო.

დათვი წავიდა გაწვილებული. იფიქრა: უნდა როგორმე მე ის ბატკანი ხელთ ვიგდო.

წავიდა ტყეში. ავღრიანი დღე იყო. მწყემსებს ცეცხლი ენთოთ და ირგვლივ უსხდნენ.

დათვი გადაუხტა, დააფრთხო ეს მწყემსები, თვითონ ნაცარში ამოითუთხნა, გაიტუსა თათი და წავიდა ბატკნის სახლისაკენ. მივიდა კარებთან, შეჰყო ქუქრუტანაში თათი და დაუძახა:

ბეკეკო, კარი გამიღე,
მე დედაშენი ვარია.
პირში ბალახი მიჭირავს,
ძუძუებში რძე არია.

ბატკანმა დაუძახა! აბა, ერთი თათი შემოყავო.

დათვმა შეყო გატრუსული თათი. ბატკანმა ველარ იცნო, მელიას თათი ეგონა, გაულო კარი და შევიდა დათვი. მაგრამ მთლიანად არ შეჰკამა ბატკანი, ნახევარი მელიას შეუნახა.

გამოვიდა დათვი იქიდან და მოვიდა მელიაც. მელა მაშინვე მიხვდა, რა ამბავიც მომხდარიყო.

დათვმა დაუძახა:—ძმისწულო, ნახევარი შენ შევინახე, ბატკანმა გამაჯავრა და შეეკამეო!

— მადლობელი ვარ,—მოახსენა მელიამ ეშმაკობით,— მე ბატკნის ხორცს არა ვკვამ, ბიძავ, ისიც შენ შეკამე. ახლა მინდა, აქ რომ ახლოს ქორწილია, იქ წავიდეთ. ერთი ნასუქი დეკეულის ხორცი მეცა ვკვამო და შენც გაკვამო. ვერაფერს გაიგებენ მთვრალი მაყრები და შეგვრჩება.

დათვს ძალიან გაუხარდა, უთხრა, წავიდეთო!

მართლაც წავიდნენ. შევიდნენ ბოსელში. გახეთქეს ერთი მსუქანი დეკეული. მიაძღა დათვი და უთხრა მელიას:— მოდი ერთი, ჩვენც შემოვძახოთ მაყრულიო.

მელიამ უთხრა:—მე ხმა ჩამიწყდა გზისგან, შენ ბოხი ხმა გაქვს და შენ შემოსძახეო.

დაიღრიალა დათვმა თავისებურად. გაიგონეს დათვის ღრიალი მაყრებმა. გამოუცვიდნენ ამ მონადირეებს. მელიამ ფხაჟა გაადინა კარების ძირიდან და თავს უშველა, დათვი კი დარჩა მაყრების ხელში.

მეორე დღეს გამოიყვანეს ჩვენი „ბიძა“ და ტყავი გააძე-

რეს, მაგრამ ტყავეაძრობილმა დათვმა როგორღაც მოასწრო გაქცევა და თავს უშველა.

დათვი ძალიან გაჯავრებული იყო მელიაზე და ეძებდა, უნდოდა ჯავრი ამოეყარა. დათვმა მალე ნახა მელია: გორაზე, ერთ ეკლს ჯავთან იჯდა და წავიდა იმისკენ.

მელიამ დანახა და თითქო ვერ იცნო, პირი მოარიდა. დათვმა დაუძახა: — აბა, დამიცადე, მე მანდ მოვალო.

მელიამ დაუძახა: — ხმა ჩემი ბიძისაა და ეს წითელ-ყვითელი საცმელი კი არ არის იმისიო.

მივიდა დათვი და გამოუდგა მელას დასაქერად.

მელა გაძვრებოდა ეკლების ძირში ნელ-ნელა და კუდს მიუშვერდა დათვს, რომ შეეტყუილებინა ჯავებში; შეძვრებოდა შუა ჯავში და იქ დაჯდებოდა; შეჰყვებოდა დათვიც, იკაწრებოდა, სისხლი სდიოდა და ყვიროდა. მელია კი გაძვრებოდა და ახლა სხვაგან შეძვრებოდა.

მერე მელიამ დაუძახა: — ოლონდ ნუ მაწვალებ და მე თვითონ მოვარჩენ.

— როგორ? — დაუძახა დათვმა.

— როგორა და ის ხომ გინახია, მეცხვარეებს მგელი რომ ცხვარს დაუგლეჯს, რას უშვრებიან დაგლეჯილსა? წადი შენც, სახნის-საკვეთი მოიტანე, გავახურებ, დაგდალავ და მორჩებიო.

მართლა წავიდა დათვი. მოიპარა სახნის-საკვეთი და მიუტანა მელიას. მელიამ გაახურა სახნის-საკვეთი, დაუძახა მწყემსებს, შეაკვრევინა ფეხები დათვისათვის და უთხრა: — ნუ მომიკლავთ ჩემ ბიძას, უნდა დაედალო და მოვარჩინო.

დაუწყო დალვა მელიამ და დაიწყო ყვირილი დათვმა. როდესაც კარგა აღრიალა „ბიძა“ მელიამ, გაუხსნა ფეხები და უთხრა: ახლა მე მოვნახავ გოდორს, ჩავიგებ შიგ თივა-ბუმბულს და ჩავსვამ შიგ, რომ ბეწვი ამოვივიდესო.


მართლაც მოაქსოვინა ერთი გოდორი, ჩასვა შიგ და გააგორა; მაგრამ დათვი გამოძვრა შიგნიდან და გამოუდგა მელიას.

მელიამ უთხრა:—ახ, შენ ჩემო თავო, დამიგორდი, ბიძავ-
პატარა გოდორი იყო. ახლა კი დიდი გოდორი უნდა მოვაქ-
სოვინო და ჩავათბუნო შიგაო.

დაუჯერა დათვმაც. წაიყვანა მელიამ ერთი კლდის ზე-
ვით მწყემსები, მოაქსოვინა გოდორი, ჩაუგო ჩალა-ბუმბული,
ჩასვა ეს დათვი, გადაუწნა პირი და გამოაგორა კლდეზე-
თავად კლდის წვერზე დაჯდა და დაამღერა:

ახტება და დახტება,
ე სულბოროტიანი,
დაჯდება და უცქერის
ხოსრო დოვლათიანი!





ქირბალელისა და ზერტელის აპგაჰი

იყო და არა იყო რა, იყო ერთი ქირბალელი კაცი¹.
წავიდა სამუშაოდ. შეხვდა წინ ზერტელი.

— დაეძმობილდეთ!

— ძალიან კარგი!

წავიდნენ სამუშაოდ. რასაც პოულობდნენ და შო-
ულობდნენ, შუა იყოფდნენ.

ერთხელ ქირბალელს თავისი ნათესავი შეხვდა. დაჰპა-
ტიჟა ქირბალელმა. ფული არა ჰქონდა და ორი შაური ზერ-
ტელისაგან ისესხა. ისე აჭამა პური ამ ქირბალელმა, რომ
ზერტელი არც კი დალოცა.

როცა ქირბალელს მოკვთე წაუვიდა, ზერტელმა უთხრა:
— კაცო, ფული ჩემგან ისესხე, ჩემი ფულით აჭამე შენს მო-
კვთეს პური და მე ერთიც არ მითხარ, მოდი და დამლოცეო!

¹ ქირბალი სოფელია ქართლში, ზერტიც მებობლადევა.

თ. რაზიკაშვილის შენიშვნა.

იქნება მოვსულიყავ და მეც დამემატებინა ფული და უფრო-
კაი დროება გაგვეტარებინაო.

— კაცო, ოხერი ხასიათი მაქვს, — უთხრა ზერტელს კირ-
ბალელმა, — აი თუნდა ფულის სესხება ვთქვათ: კაცისაგან რომ:
ვისესხო ფული, მოვკვდები და აღარ მივეცემ. ჩემგან კაცი-
ვერაფერს წაიღებსო.

— კაცო, მეც ძალიან ოხერი ხასიათი მაქვს, — უთხრა.
ზერტელმა, — აბა, ხომ იცი, ჯერ სულ ზერტელ კაცს კუდიანებს.
გვეძახიან და მერე მე ისეთი ვარ, რომ მკვდარს სამარის.
კარამდე მივყვები და ჩემ ვალს კი არ შევარჩენო.

როცა მუშაობა გაათავეს და ფულებს დაუწვეს გაყოფა,
ზერტელმა უთხრა კირბალელს: — ახლა ხომ გაქვს, აილე და-
მომეცი ჩემი ორი შაურიო.

— კაცო, ახლა ხომ შენც ბევრი გაქვს, არ გიჭირს, კვი-
რას ამოდი და მოგცემო, — უთხრა კირბალელმა.

მართლაც, კვირას ავიდა ზერტელი კირბალელთან ორი-
შაურის სათხოვნელად. დაუკლა კირბალელმა ქათამი, სცა
კაი პატივი და გაისტუმრა, ახლა არა მაქვს და მეორე კვი-
რას ამოდიო.

ავიდა მეორე კვირასაც ზერტელი. მაშინაც კაი პატივი-
სცა და ორი შაური კი არ მისცა.

ასე რამდენიც შაბათ-კვირა მოვიდოდა, ავიდოდა ზერ-
ტელი და კირბალელიც პატივსა სცემდა.

ბოლოს, ქათმები რომ გამოეღია კირბალელის ცოლს,
მან ქმარს დაუწყო წყევლა: — შე დასალუპაო, აილე და თავში
ახალე ი რაღაც ორი შაური გმართებს, ახლა რაღა უნდა
დაუკლა? ხარსა და ძროხას ხომ ვერ დაჰკლავ?

— აბა რა ვუყო, — უთხრა ცოლს კირბალელმა, — ისე და-
ვიტრახანე, რომ ახლა მივეცე ის ორი შაური, ჩემთვის სირცხვი-
ლია. მოდი, ისევ თავს მოვიმკვდარუნებ. შენ დაჯექ, გულ-
ხელი დაიკრიფე და რომ გკითხოს ჩემი, სად არისო, შენ
უთხარ: „ხორველამ“ მოკლა-თქო.

ზერტელი რომ გამოჩნდა, კირბალელი გაიჭიმა, გაძაბა
სულ ტყავი.

— დილა მშვიდობისა!— მიესალმა ზერტელი კირბალელის ცოლსა.

— მშვიდობა ნუ მოგეშალოთ!— უპასუხა კენესით მოვალეს ცოლმა.

— რას დაღონებულხარ, სად არის ჩემი ძმობილი?

— ე რაღა სად არის, გენაცვალეთ, „ხორველა“ შეხვდა და შენი ჭირი წაიღო.

— უჰ, უჰ! რა უბედურება დაჰმართნია! აბა, ვინ გიგდებს ყურსა, თუ ისევე მე არ მოვუარე; ხომ იცი, ქვეყანა მოგერიდებათ, „ხორველამ“ მოკლაო.

ატყობს ზერტელი, საქმე როგორც არის.

— ფიცრები მომიტანე, კუბოს შეეუკრავ, ჩაეწვენ და გავასვენებ; აბა, აქ ხომ არ იქნება?— ეუბნება ზერტელი.

მოატანინა ფიცრები, შეუკრა კუბო, ჩააწვინა შიგა, მოსდო თოკი, მოიკიდა და სასაფლაოზე წაიღო, თვითონაც იქ ახლო დაიძალა.

დაღამდა კიდევ. იმ მხარეში ამ ღროს ყაჩაღობა იყო გავერცელებული და თურმე იქვე აქვთ ბინა, ნაძარცვსაც იქ იყოფენ.

ახლაც მოვიდნენ ეს ყაჩაღები და მოიტანეს ერთი პარკი ოქრო და ვერცხლის ფული. ფული სამად გაყვეს, სამ ალაგას დააგროვეს; ახლა ერთი კაი ხმალიც წამოუღიათ და ისა აქვთ გასაყოფი.

— მოდი, — სთქვა ერთმა, ვინც ამ მკვდარს ერთი დაკვერით თავი მოაგდებინოს, ეს ხმალი იმას დარჩეს.

— არა, — უთხრა მეორემ, — ვინც ერთი დაკვერით შუაზე გააპოს, ხმალი იმას დარჩესო.

— არა, ვინც ორივე ფეხი ერთი დაკვერით მოაგდებინოს, იმისი იყოს ხმალიო, — სთქვა მესამემ.

ისტეთია კირბალელი, სულ თახთახი გააქვს: ან ახლა დამარტყაძენ ხმალს და ან ახლაო. სძლო, სძლო და ბოლოს წამოიწია და დაიძახა: — ადეკით, ძველო და ახლო მკვდრებო! ერთი ეს ყაჩაღები დაევიპიროთო!

ასეთებია ეს ქურდები, შეშინებულნი! გაანებეს ფულს თავი და გულგახეთქილებმა მოცხრილეს.

მივიდა ზერტელი. ის ფული სულ ამათ დარჩათ. ფული რომ გაიყვეს, ზერტელმა უთხრა:—კაცო, ახლა მაინც მომეცი ჩემი ორი შაურიო!

კირბალელი კიდეც არ აძლევს, აქვთ ერთი ამბავი.


ქურდებს კიდეც კაცი გამოუგზავნიათ: აბა, წადი, ნახე, მართლა ადგნენ ძველი და ახალი მკვდრები, თუ ჩვენ მოგვეჩვენაო?!

რომ მოვიდა კაცი, წამოხტა კირბალელი, სწვდა ამ კაცს ქუდში, მოხადა და გადაუგდო ზერტელს:—აჰა, შენს ორ შაურში, არც ახლა დამეხსნებიო?!

გარბის გულგახეთქილი ქურდი. მივიდა ამხანაგებთან ქაქანი:—იმოდენა მკვდარი ამდგარა, რომ თითოს ორ-ორი შაური ძლივს შეჭხვედრია და იმაზედაც ლამის ერთმანეთი დაჭამონ, მეც ქუდი წამართვეს და ძლივს გამოვასწარიო.

აგრე გათავდა კირბალელისა და ზერტელის მართებულობის საქმე.

ჭირი იქა, ლხინი აქა,
ქატო იქა, ფქვილი აქა.





როსტომი

როსტომს კბილი სტკიოდა. მიწა მიწად არ ეჩვენებოდა და ცა ცად. მოავლებდა ხელს კოჭლ დევს და ხან აქეთ უკრავდა თავს და ხან იქით.

— ჩემზე რა ბიჭობას იჩენ, გმირო როსტომ, მიპოვე ერთი კოჭლი და ხან რას მიშვრები და ხან რასა, — უთხრა კოჭლმა დევმა, — თუ სახელი გინდა და თავის გამოჩენა, წადი იმ დაბურულ ხევში, იქ შეგხვდება საფერი და ხმალი იქ იხმარეო. როსტომს შერცხვა. აილო ლახტი და ხმალი და გასწია ხევისკენ, საითკენაც კოჭლმა დევმა გაასწავლა.

კარგა გზა გაიარა როსტომმა და მიადგა ერთ კლდეს. ისეთი მაღალი კლდე იყო, რომ თვალი ვერ შესწვდებოდა იმის წვერს. კლდეს დროდადრო სისხლი ჩამოსდიოდა. როსტომმა აიხედა ზევით და შენიშნა კლდეში გამოქვაბული.

რალა ჩემი გმირობა იქნება, თუ იქ არ ავალო, — გაიფიქრა როსტომმა. მოგლიჯა ერთი ჭადარი, მიაყულა კლდეზე, მოგლიჯა სხვა, ავიდა ზევით და იქ მიაყულა.

როსტომმა თავის სიმაგრით მუხა მოგლიჯა ძირითა,
ხელი გაუსო, ვალოპრა, გასტყორცნა ჯირითივითა.

როსტომმა ახლა სხვა ჭადრები მიაყუდა, ვიდრემდე იმათი წვერი გამოქვაბულს არ ასწვდა. როსტომი ავიდა ამ ჭადრებზე, შეიხედა ეხში და ერთი უზარმაზარი არაბი დაინახა. არაბს ეძინა, მუხლების შუაზე ხანჯალი ერქო. როდესაც ჩასთვლემდა არაბს, დაჰხრიდა თავს და შუბლს დაჰკრავედა ხანჯლის წვერს. იმის სისხლი ეონავდა კლდეში. ამ დროს გამოიღვიძებდა ხოლმე არაბი და გაიხედავდა აღმოსავლეთისაკენ.

როსტომი ცოტა შეკრთა, მაგრამ უკან დაბრუნება აღარ შეიძლებოდა. სირცხვილი იყო ვაეკაცისათვის: რას იტყოდა ხალხი. როსტომმა იფიქრა: მაინც ხომ არაფერი გამოვა, მაგასთან და ისევ ვეძმოზიო.

როსტომი მიუახლოვდა არაბს და დაუძახა:

— ძმაო, მაგრე რადა შერები?

არაბმა აახილა თვალები და უთხრა:

— ბედი შენი, რომ ძმობა მითხარ, თორემ მე გაყურებინებდი შენ სეირსა. მოდი, დაჯექ ჩემთან, ყველაფერს გიამბობ. ვინა ხარ?—ჰკითხა არაბმა.

— როსტომი!

— შენა გაქეს დიდი ხმა? —ჰკითხა არაბმა.

— მე მაქეს, — მიუგო როსტომმა.

არაბმა დაიწყო: — აღმოსავლეთისაკენ იმისათვის ვიხედებ, რომ იქიდან წითელი არაბი ამოვა წითელი ზღვიჯანდა ერთ მხესავით ქალს ამოიყვანს. მე წინ უნდა დავხვდე, რადგანაც ჩემი კლდის წინ გამოატარებს. მე რომ წინ დავუხვდები, ვიომებთ და რომელიც დავძლევთ, ქალიც იმას დარჩება. სამი დღე და ღამე უძილო ვარ; რომ არ დამეძინოს და წითელმა არაბმა ის ქალი არ გამაცილოს, ხანჯალი დავიყუდე მუხლებშუა და როდესაც ჩამთვლემს, ხანჯალს დავკრავე შუბლს და გამომეღვიძებო.

— შენ დაიძინე და მე ვუყარაულე, — უთხრა როსტომმა, — როდესაც წითელი არაბი ქალს ამოაჩენს, გაგაღვიძებო.

— შენ მე ვერ გამაღვიძებ,—უთხრა არაბმა,—რამდენიც უნდა იყვირო, სანამ ფეხისგულში ხანჯალს არ ჩამცემო.

არაბმა დაიძინა და როსტომმა ყარაულობა დაუწყო.

დიდხანს არ მოუნდა როსტომს ლოდინი. მალე განათდა აღმოსავლეთი, გამოჩნდა წითელი არაბი, მოჰყავს ქალი.

როსტომმა ბევრი უყვირა არაბს, მაგრამ ვერ გააღვიძა. ბოლოს ხანჯალი მოაგონდა, წასცა არაბს ფეხისგულში და გააღვიძა.

— მეც გიშველი,—უთხრა როსტომმა,—წითელ არაბთან ომშიო.

— მაშ ჩადი,—უთხრა შავმა არაბმა,—ძირს რომ მინდორია, იქ ეიომებთ; ამოთხარე იქ ორმო და იმაში ჩაჯექ, თორემ ომის დროს ჩვენი ფეხის ქარი მოგიტაცებს. თუ შემატყო, რომ წითელი არაბი მიპირებს მორყენას, ამოფრინდი ორმოდან და დასკვივლე, წითელ არაბს მუხლი მოექრება და ხელს დავრვეო.

როსტომი ჩავიდა ძირს და დაიმალა ისე, როგორც არაბმა ასწავლა.

მალე მოფრინდა წითელი არაბიც ქალით. გამოეგება შავი არაბი. ჩახტნენ მინდორზე და შეექმნათ ბრძოლა. დიდხანს იომეს, იმათი ფეხის ქარი შოლტავდა ტყეს და ლერწამივით აკრავდა მიწის პირს.

ბოლოს წითელმა არაბმა დასძალა. ამ დროს ამოხტა როსტომი ორმოდან და დასკვივლა არაბს:—დაჰკარ, შავო არაბო, როსტომიც მოგეშველებო!

როსტომს ცის ქუხილივით ხმა ჰქონდა, როცა უნდა დაეყვირა, თავზე ერთი რკინის სალტე ჰქონდა, იმას ჩამოიცივამდა ხოლმე, რომ თავი არ გამისკდესო.

იკვივლ-იკვივლის როსტომმა,
გაჰკვივლ-გაჰქუხის ხეთამდე;
ტოტით დათხარნის მიწანი,
გადაიყარის ზეცამდე!

წითელ არაბს მუხლი მოექრა. შავმა არაბმა დარია ხე-

ლი და მოკლა. ქალი შავ არაბს დაჩჩა. როსტომიც არაბთან იყო და ემსახურებოდა.

როსტომი დაღონდა, თავისთვის სთქვა:—სახელოვანი ვაჟკაცი წამოვსულეარ სახელის საშოვნელად და მე აქ შავ არაბს ვემსახურები. დახეთ ჩემ ლაჩრობას და სირცხვილსა. განა დედაკაცები შინ არ შემძენდნენ, რომ იმისთვის აქ არ წამოვსულეიყავი და არაბისაგან თავზე სირცხვილი არ დამედლო. მოდი, მაგას მოვკლავ, სირცხვილსაც ჩავრეცხ და ქალიც მე დამრჩებო.—გადაწყვიტა როსტომმა და შეუდგა ასრულეობასაც.

არაბს ეძინა. როსტომი მისწვდა იმის ხმალს, მაგრამ ვერ შესძრა, ისეთი დიდი იყო. ბოლოს ამოიღო თავისი ხმალი და გააზმანა არაბს კისერზე, მაგრამ ხმალი ნახევრობამდენაც ძლივს გასწვდა კისერს.

ამ ხმლით მე არაბს თავს ვერ მოვჭრიო, იფიქრა როსტომმა და აი რა მოიგონა: მივიდა, არაბს ფეხები ერთად გადაუწყო ზედიზედ, დაჭრა ხმალი და დააჭრა ფეხები.

ისკუპა როსტომმა და ამოეფარა კლდეს, წამოვარდა არაბი, მაგრამ ფეხზე ველარ დაეყუდა, მოავლო თავის ფეხს ხელი არაბმა, გასტყორცნა და გაატანინა ხეები.

შეუვარდა როსტომი არაბს და აკაფა ხმლით. როსტომს უნდოდა ქალის წაყვანა, მაგრამ გაუვარდა ქალი და გაექცა. ერთხელ კი დაუძახა ქალმა:—შენ ცოლად როგორ დავიჯდები, არაბის დალატით მომკვლელს. შენ რომ ისე მოგეკლა შავი არაბი, როგორც იმან მოკლა წითელი, ცოლად მაში გამოგყვებოდიო.

— ნახევარი მაშინაც ჩემი იყავიო, —მიაძახა როსტომმა და გამოუდგა ქალს კვალზე.

ქალი გაფრინდა მთის ნიავეით და გაიქრა ტრიალ მინდორზე.

როსტომს შერცხვა. დაღონდა გმირი: ქალი გაექცა.

როსტომმა არ იცოდა, რა ექნა: ისარი ესროლა ქალისთვის და მოეკლა, სირცხვილი იყო. ქალზე მახვილს როგორ იხმარებდა ვაჟკაცი. არ მოჰკლავდა და იტყოდნენ: ქალმა აჯობაო.

მინდორს როსტომისაქენ მთა ჰქონდა; ეს მთა ხელის-
გულივით დაჰხედავდა იმ ტრიალ მინდორს.

აირბინა როსტომმა მთაზე და იქიდან დაჰქუხა ქალს.
ქალს გული წაუვიდა და დაბლა მიესვენა; მალე როსტომიც
მიიჭრა ქალთან...

ადგა როსტომი და უთხრა ქალს:—ვიცი, შვილი გაგიჩნ-
დება. თუ ქალია, შენთან იყოს, თუ ვაჟია, ეს ნიშანი დააკე-
რე მხარზე და ისე იაროსო.

მისცა ნიშანი და გაერიდა დედაკაცს. ამის შემდეგ შეს-
ძულდა როსტომს დედაკაცები. როსტომს სძულდა აგრეთვე
შავი მატყლი. როსტომისათვის ქალი და სიკვდილი ერთი იყო.

როსტომს სთქვა ჭკვა დიაცისა
არც მომწონ, არც მეკეთება,
ვაუკაცს დიაცის მიმყოლსა,
სამარეც დაეკეთება.

როსტომს სთქვა: იმ მთას, ამ მთასა,
ხელს მოვკრავ, ერთად თავს ვუზამ;
თორმეტ ლიტრასა რკინასა
კბილს მოვუჭირებ, კნაწს ვუზამ;

ალაზანსა და იორსა
დავაყენებ და ყლაპს ვუზამ;
თავალბულსა დიაცსა
გავუშვებ, ველარას ვუზამ.

როსტომის სიტყვა ასრულდა; ქალს გაუჩნდა ვაჟი,
რომელსაც ზურაბი დაარქვა. ზურაბი ექვსი თვისა ისეთი
ლონიერი იყო, რომ ბავშვებთან თამაშობის დროს მოუჭერდა
კოჭებს ხელს და ამტერვდა.

ერთხელ ბალღებმა გააჯავრეს ზურაბი. ერთი ბავშვი
ატირა. ტოლებმა უთხრეს, თუ ლონიერი ხარ, მამა რომ
დაგეკარგა, ის მოძებნე და იპოვე, ჩვენზე რა ბიჭობას იჩენო.

ზურაბს ეს ეწყინა. წავიდა დედასთან.

— უნდა მითხრა, ვინ იყო მამაჩემიო.

დედამ ყველაფერი უამბო.

მაშინ ზურაბმა აიღო საომარი იარაღი, ჩაიცვა ჯაჭვი და გასწია მამის საძებნელად.

დედამ იფიქრა: მოდი, გამოვცდი ჩემ შვილს, შეუძლიან მტრის დახვედრა, თუ ვერაო.

ჩაიცვა ვაჟაკურად, შეიქცა ქულში თმა, აისხა აბჯარი, შეჯდა ცხენზე და გადმოუხტა ზურაბსა:

— დაყარე იარაღი და დამნებდი!—დაუყვირა ქალმა ზურაბს და ცხენი ზედ მიაგდო.

მოტრიალდა ზურაბი, ჰკრა ცხენს შუბი და ჰაერში აიტაცა. ქალს თავიდან ქული გადმოუვარდა, თმა ჩამოეშალა მხრებზე. ზურაბმა იცნო დედა. ხურომანი (ასე ერქვა ზურაბის დედას) გადაეხვია ზურაბს და დაუწყო კოცნა.

ზურაბმა სთქვა:

შავი ტყიდან გამოვიდა
ვაჟიკაცი გულოვანი;
ცხენსა იჯდა ნიავე-ქარსა,
აქროლებდა, როგორც ზღვანი,
ცხენსა შუბი დაეუტაკე,
ავიტაცე, როგორც ქარი,
წყაზარეთი შეეკეცნა—
საყვარელნი გიშრის თმანი,
იმის მეტი ველარა სთქვა:
„მე ვარ შენი ხურომანი!“

დედამ დალოცა ზურაბი, მამის ნიშანი მხარზე დააკერა და გაისტუმრა როსტომის საძებნელად.

ბევრი სიარულის შემდეგ ზურაბი ერთ ქალაქში მოვიდა, ქალაქის კარებთან ერთი ბერიკაცი შეხვდა, რომელმაც მაშინვე იცნო როსტომის ნიშანი ზურაბის მხარზე. ბერიკაცმა იფიქრა: როსტომმა ისეც აგვაოხრა და ახლა, შვილი რომ მოუვა, ხომ აგვეყრის ამ ქალაქიდანაო. მოდი ერთმანერთს დავახოცინებ და მაშინ ჩვენც მოვისვენებთო!

ბერიკაცმა უთხრა ზურაბსა:—ქალი ხომ არა ხარ, რომ

მხარზე რალაცა დაგიკერებია? დაგცინებენ, აიხსენ, შეინახე ისე, რომ არა ჩანდესო.

ზურაბმა დაუჯერა ცბიერ ბერიკაცს და მამის ნიშანი ილლიის ქვეშ შეინახა. ბერიკაცმა ქალაქელებს შეატყობინა, რომ როსტომის შვილი არის აქა, ერთმანეთი რომ იცნონ, აგვიკლებენ, და მოდით ისე მოვახერხოთ, ერთმანეთი როგორმე დავახოცინოთო.

წავადნენ როსტომთან და უთხრეს, რომ ქალაქში ერთი გმირი მოსულა და საჭიდაოდ გითხოვსო. როსტომმა უთხრა: მამე კარგი, წავალ, ჯერ დავზვერავე, რა ვაჟაკია, გავიგებ და მერე დავეჭიდებიო.

როსტომი მივიდა და, სადაც ზურაბი იყო, იმ სახლში ბანიდან ჩაიხედა.

ზურაბმა დაინახა და დაუძახა:

რას იჭკრიტები ბანითა!
რად არ მოსდიხარ კართა?

როსტომი რას იცნობს, თუ იმისი შვილია. წამოვიდა და ქალაქელებს უთხრა: ხვალ შევებმი თქვენს გმირსაო. ზურაბი მოსწონებოდა, ხალხს უთხრა:

ზურაბ იჯდა, კოშკსა ჰგევანდა,
ირგვლივ ევლო გალავანი,
მარჯვნივ ეგდო ავგაროზი,
მარცხნივ იყო ფალავანი.

მეორე დღეს ზურაბთან კაცი გაგზავნეს, რომ ჩვენს გმირს უნდა დაეჭიდოო. ზურაბი დათანხმდა.

— ადგი, ზურაბ, მოიკაშმე,
ტანთ ჩაიცივი საომარი!
— წამოდექით, ირანელნო,
ვინ ხართ უფრო ფალავანი?
ნუ იკვებით ფალავნობას,
თუ არა გაქვთ ბეჭი პრტყელი,

თუ არ იცით, მე გასწავლით,
თუ კი მოგავლევით ხელი.

ზურაბმა რომ როსტომი დაინახა, ცოტა ეჭვი შეეპარა:
დედის ნათქვამი ნიშანი, რომ მამაშენს კარიანი კბილები
იქვს, ბეჭშია წახრილი და მარცხენა ფეხს ათამაშებს, როცა
ცხენზე ზისო, ენიშნა; როსტომს უთხრა:

ბერიკაცო, ჩამომეხსენ,
გული რასლაც მეყოყმება,—
მე დედეურთა ნიშანი,
ეგ ნიშანი მენიშნება:
კბილს კარი და ბეჭთა წახრა
მამეულთა მემსგავსება.

როსტომი ეტყვის:

არცა ვარ როსტომიანი,
არცა იმათი გეარისა,
ვარ ერთი თურქი მოლაშქრე,
მომკვლელი უხანფარისა.
ბატონის გამოგზავნილი,
ვარჯილო ცხენოსანისა.
აქ ფალავნისა მომკვლელი,
დამლევი მუჭა სისხლისა.

შვილი ეტყვის:

ეგ რა მითხარ, ბერიკაცო,
დამიკოდე წულული გული,
ნეტავი კი არ მენახე,
შინვე დაგელია სული!

ზურაბს არ უნდოდა დასკიდებოდა როსტომს, როს-
ტომმა არა ქნა. დაეკიდნენ და ზურაბმა წააქცია. დაბრუნდა
ქალაქში შერცხვენილი როსტომი, ხალხს უთხრა: ნუ გეში-

ნინთ, ჯერ მაგის გულზე ვარდი არ აყვავებულაო,—ვითომ
ჯერ ქალი არ უნახია და გამოუცდელიაო.

როსტომი ქაქაოზ მეფეს ეტყვის:

ერთი ქაბუკი მოსულა,
ყველა მტრისათვის მახია.
ომშიაც ვნახე, ლახტშიაც,
ყველა იმასთან ჩატია.
იმისი ფეხის ნადგამი
სამარის კარსა გვანდია!

ქაქაოზ მეფეს ძალიან შეეშინდა. რაკი ეს ფალავანი
წამიქცია, აქ აღარ მედგომებაო. ბარგი ააბარგა და წასვლა
დააპირა.

როსტომმა უთხრა:

ქაქაოზ, ბარგი აქ დადე,
სადაც რომ უწინ გდებია:
იმ ფალავნისა სიკედელი
ახლო მე მისაზრებია,
შხამში გაელესე ხანჯალი,
ჩექმაში ჩასადებია...

იმ დამეს როსტომს არა სძინებია. ლესა და ლესა შხამ-
ში ხანჯალი. დამალა და მეორე დღეს კიდევ გამოითხოვა
ზურაბი.

ზურაბს კიდევ არ უნდოდა დაქიდება. გული ეუბნებო-
და, რომ მამა არისო. როსტომმა გამოითხოვა: გუშინ გუნე-
ბაზე არ ვიყავ და დღეს გნახავო.

ზურაბმა კიდევ ისე უთხრა, როგორც გუშინ.
როსტომი არ მოეშვა:

ჩვენში ასეთი წესია,
ფეტვი ადგილზე სთესია,
ფალავანი ფალავანსა
ერთხელ დასცემს, აუშეგბსო,

თუ მეორედ წააქცია,
ცოცხალს აღარ გაუშვებსო.

დაეჭიდნენ. ზურაბმა ისევ წააქცია. მაშინ ძირიდან ამოიღო ჩუმად ხანჯალი როსტომმა და მუცელში ჩასცა ზურაბსა.

ზურაბმა უთხრა:

შე ბერიკაცო, რად მომკალ?
ხმალი რად დამეც ვადამდე?
შენ მამაჩემსა როსტომსა
საით წაუხვალ სადამდე?
ზღვას გახვალ, იქ გამოგყვება,
ქვესკნელს ვერ დაემალები.
გერჩინა ცას წასულიყავ,
ვარსკვლავთა ჰკუა აგელო,
ბჴელეთი საქვრეტლად გქონდეს,
მიწა სურვილად წაგელო.
ცოდვას მოინანიებდი,
თავი ძირს აღარ დაგელო!

ის თქვენმა მტერმა იხადოს, რაც როსტომმა იხადა
თავის სახელის გაგონებით!

— შე, კარგი დიაცის შვილო,
ნიშანი სად გაკერია?

— მხარს მეკრა, ზრახვით შეეხსენ,
აი არწივის კვერია!

უთხრა ზურაბმა, აიწია მხარი და ილლიის ქვეშ დაკე-
რებული ნიშანი აჩვენა.

ასწია გმირისა მკლავსა,
ელეანი იყენენ ცისანი,
აილო და შამოიკრა
დიდი ნატეხი ქვისანი:
— ვაიმე, შვილო ზურაბო,

შენ მოგეც დანა სრეული.
რისთვის გაგზარდა ღეღამა,
სული ჩაგიდგა წყეული?!
მე მოგკალ, შეილო ზურაბო,
ღაღრჩი უშტოვო ხე ვითა!
ვაიმე, შეილო ზურაბო!
ათრთოლდი ფურტეღივითა,
მიწას დაეცი რეგითა.

ზურაბმა უთხრა:

— შენ მამაჩემი არა ხარ,
არც როსტომიანთ გვარისა,
მოლაშქრე თურქი ჰყოფილხარ,
შვილი მოკალი თავისა!

გაგზავნა როსტომმა კაცი ქაქაოზ მეფესთან და შეუთ-
ვალა:

ჩემო ქაქაოზ მეფეო,
შენთვის შევებმი ღეღსაო,
წამალი გამამიგზანე,
ზურაბი მკიდავ ყელსაო.

ქაქაოზ მეფე მტერი იყო როსტომისა, უნდოდა იმისი
თავიდან მოშორება, მაგრამ წამლის გაუგზავნელობაც არ
იქნებოდა, როსტომი სამაგიეროს გადაუხდიდა. მერე ასე
მოახერხა: ერთ გიჟ დიაკვანს გაატანა და უთხრა: როსტომ-
თან რო მიხვიდე, წამოჰკარ ფეხი და დააქციე, მაშინ რა-
ღას გვიზამსო?

წამალი გამოუგზავნა
გიჟი დიაკვნის ხელითა.
ფეხი წამოჰკრა, დაღვარა,
აივსო იმის ცოდვითა.

შემოჰკრა ხმალი დიაკვანს როსტომმა და შუაზე გას-
ხიბა.

როსტომ თქვა: სიბერეაკითა
სიტყვა სათქმელად გაჭირდა,
სადაც რომ ომი გაჭირდა,
შეშა ხმალივით გასჭრიდა.
წადი და ჰკითხე დიაკვანს,
თუ ჩემი ხმალი არ სჭრიდა!

ზურაბმა დალია სული. წამოხტა გაცოფებული როსტომი და გაექანა ქაქაოზ მეფესთან. ქაქაოზ მეფეს ორი შვილი-პყავდა, შეუხტა როსტომი, წაგლიჯა იმის შვილებს ქათმეზივით თავები და დაუყარა წინა: აბა შვილის სიკვდილი თუ კარგია, იწვნიეო!

მერე გაიქცა როსტომი და ჩავარდა ზღვაში, უნდა თავი დაეხრჩო. მაგრამ ზღვამ პირი შეიკრა და აღარ ჩაუშეპძირსა. იყო შიგ როსტომი, არც იხრჩობოდა და არც ნაპირზე გამოდიოდა.

მოქალაქეებმა სთქვეს: ვინც როსტომს გამოიყვანს ზღვიდან, ამდენსა და ამდენს მიეცემთო.

ვერავინ ვერ გაბედა როსტომის ზღვიდან გამოყვანა. ბოლოს ერთმა ბებერმა სთქვა: თუ ცოცხალი დავრჩი, მაცხოვრეთ; თუ მოგკვდი და დამმარხეთ, როსტომს მე გამოვიყვანო!

ქალაქი დათანხმდა. წაიღო ბებერმა შავი მატყლი, მივიდა ზღვის პირზე როსტომის პირდაპირ და დაუწყო მატყლს რეცხა. როსტომს საშინლადა სძულდა დედაკაცი და შავი მატყლი. ითმინა, ითმინა როსტომმა, მერე გამოსწია ბებრისკენ განრისხებულმა. ბებერმა დაიძახა:

დიდება და მადლი ღმერთსა,
როსტომ გამოვიდა ზღვასა!
ცალსა ხელსა ზღვაში ურევს,
ცალით მოიქნედა ხმალსა!

როსტომი მიუახლოვდა კიდეს და დაუყვირა ბებერსა:—
შე სულელო ბებერო, შენა!

არ გათეთრდება ყორანი,
რაც უნდა ხეხო ქვიშითა!

ბებერმა გაიცინა და დაუძახა როსტომს:—შე რეგვენო
როსტომო. .

მკვდარი ვის გაუცოცხლებავ
ტირილითა და ვიშითა?!

როსტომმა ჩააგლო ფეხში ხელი ბებერს და ზღვაში გა-
დისროლა. ამის შემდეგ აღარ შესულა ზღვაში როსტომი,
დარჩა ხმელეთზე და ბევრი ლექსი გამოსთქვა თავის მწუხარ-
ებაზე.

როსტომ თქვა: დღენიმც კრულია
დაბადებისა ჩემისა!
სიყმე სიბერედ ვაქციე,
დღე ვერა ვნახე ლხენისა.
ვერ გავიხარე კისერი,
უღელი მედგა რკინისა!
სიბერე ძნელი ყოფილა,
შავი ქვა აეწონება,
დამჯდარი ველარ ადგება,
ყავარჯენს დაელონება!

ს ა რ ჩ ე მ ი

	33-
საწყალი კაცი	3
ფისოს ზღაპარი	7
მარგალიტის ცრემლი	15
ზღაპარი მონადირის და დიდი არწივისა	25
ბოემის ყვაველი	33
ცეროდენა	43
სამი და	46
მუჭა-ნახევარა	53
სოვდაგარი და გლახა	56
ზღაპარი უხეიროსი	59
დათვი და მელია	73
მელია, მამალი, ბატკანი და ჩიტი	77
ნახევარწიწილას ამბავი	79
ზღაპარი ივანე ცისკრისა ¹	81
სამი ქაჩალი	92
პური და ხენა-თესვა	94
ქურდი და თული	96
ეშმაკის ლავამი	100
მუხა-გლეჯია სიდედრისა და სიმამრისა	103
სოლომონ ბრძენი და ბერიკაცი	107
ამბავი მელიისა, თუ როგორ გადაარჩინა კაცი დათვსა	110
ხელმწიფის შვილისა და ხელმწიფის ამბავი	112
დედაბრის შვილი	114
მიწა თავისას მოითხოვს	127

სამი მტევანი ყურძნის ამბავი	132
გადმოცემა ალექსანდრე მაკედონელზე	137
ორი ცრუპენტელა	144
ბედნიერი	148
ნაცარქეჩია	156
ია ხათუნი	160
მელია და დათვი	167
კირბალელისა და ზერტელის ამბავი	172
როსტომი	176

ტექსტი დახაბეჭდალ გამზალა ანა ღვინაშვილშა

Т. Раикашвили
НАРОДНЫЕ СКАЗКИ
(на грузинском языке)
Министерство Просвещения ГССР
ДЕТЮНИЗДАТ
Тбилиси — 1952

რედაქტორი — მ. ჩიქოვანი, მხატვარი — ვლ. გულიაშვილი, მხატვრული
რედაქტორი — ეკ. ბაღვაძე, ტექნიკური რედაქტორი — ქ. დემუროვა, კორექტორი
— ნ. ჩირაძე, გამომცემი — მ. მექმარიაშვილი

გადაეცა წარმოებას VII/8-51 წ. ხელმოწერილია დასაბეჭდათ 9/V-52 წ.
ნაბეჭდ ფორმ. რაოდ. 12. ანაწყობ. ზომა 5,5×9, ქალ. ზომა 54×84, შეკვ.
№ 677, ტირ. 8000, უე 00983.

სტამბა № 3 საქპოლიგრაფგამომც. კამოს ქ. № 68.